



BIBLIOTECA
NACIONAL DE ESPAÑA
C/ALFARO, 10

Ms. 96008

96010

P

[Faint handwritten text and markings on the book cover, including a large 'X' and illegible script.]

Teol. 3627.



N. f. 47
2

XXIV.

71.

Responsio.

GEORGIITYSKIE-
WICZ SOCIETATIS
IESV.

Ad Libellum Famofum, cuiusdam Ano-
nymī Torunensis:

Patrocinium veritatis Literarum Toru-
nensium falſo inſcriptum.



CRACOVIAE,

In Officina Nicolai Lobij,
Anno Domini 1615.

BIBLIOTHECA
UNIV. JAGELL.
CRACOVENSIS

96010



ILLVSTRI AC MAGNIFICO

DOMINO, D. FABIANO

PLEMIENCKI. &c.

Author gratiam á Deo & Fœlicitatem.

Dignares profectò fuit, Illustri & Magnifice
Domine, ut singularis illa tua erga me, nostrum-
que Ordinem vniuersum beneuolentia, con-
stansq; fauor, ac nomen tuum clarissimum, excellentio-
ribus, & grauioribus ornaretur monumentis, quàm hi-
sce presentibus; in quibus calumniarum caligo, qua ma-
leuoli, & porpetus iurati nostrę Societatis hostes, no-
men eius opprimere conati sunt, veritatis luce discutitur;
& faces criminationum, ad eiusdem Societatis glori-
am, si non perdendam, saltem fuscandam accense, imbri-
bus refutationis extinguantur. Verùm postquam te syn-
cera, familiariq; consuetudine cognoui, & impensius
cepi & diligere, & obseruare; eam legem indixeram,
& penè prescripseram operibus meis; ut quidquid dein-
ceps me Autore, aut labore meo in lucem exiret, atque
in vulgus eminaret; tui antiquissimi illustraretur nomi-
nis principio, & firmissimo gauderet Patrocinio. Recedit
illud etiam, quod ut fame, ita & innocentie nostrę non
solum acerrimus vbiq; sed & testis religiosissimus sem-
) (2 per

per extitisti; proinde egrum videbatur, eam in hoc libel-
lo vindicatam & defensam, tuo quoq. testimonio, au-
thoritateq. tuam gravissimā: ut si homines malevoli, &
graves boni nominis, integritatisq. nostrę adversarij, quā
silendo impudenter, quā fingendo turpiter, aut erube-
scant aliquando, aut quod optandum est conticescant. Ca-
lissij ex Collegio Carnouiano Societatis Jesu. 29. De-
cembr. Anno Domini 1614.



LECTORI BENEVOLO

Prodijte non ita pridē libellus quidā, utinā, ita verē, ut honorificē, Patrocinium veritatis nuncupatus: in quo, Oratio pro nostra Societate ad Senatum Equitesq; Polonos scripta, contra querelas Torunensium, Comitij Proslouiensibus & Sredensisbus propositas, non tam rationibus refutatur, quā maledictis ac mendacijs oneratur. Hunc igitur, quod nostrum ordinem more hæreticorum, calumnijs ac conuitijs mirē laceraret, quidam amicus nostræ Societatis insignis, vir è præcipua nobilitate Poloniæ, pro amicitia ad me detulit: miratus & odiū Torunensium, ex quorum Officina (ut ille putabat) tot monstra prodigiosa, tot chartæ infames, contra nostros homines certatim prodeant; & nostrum silentium, quæ tam manifesta, & crassa mendacia, impunē bachari permittimus. Accepi libellum, & tum illius suasu, tum aliorum impulsus consilio, & maximē *maiorum mandato*; quid machinaretur, cui patrocinaretur veritati, quā rectē nostrum Oratorem refutaret, indagandum suscepī. Eum tamen modum in respondendo mihi proposui, ut non ad singula quæ obiecit ipse respondeam: oleum enim & operam perdere me existimarem, si ad veteres calumnias, ab ipso ex aliorum famosis contra nos libellis descriptas, & insignibus apologeticis scriptis Richeomi, Bonarskij, Gretseri, Montani, Eudæmon Ioannis & Anticotoni dilutas; sine vlla necessitate denuo responderem: sed ad eas solum, quæ nobis in causa suorum clientum Torunensium obiecit, & quæ sine grauiori Societatis nostræ, & Collegij illius in eadem ciuitate præiudicio, transiri non possint dispiciam. atq; eò libentiùs huic operi manum admouī, quod & quid inter nos & Torunenses negocij intercedat, probè norim, cū rector Collegio illi, non ita pridem præfuerim: & Torunensibus contra nos libellos famosos liberè spargendi, ansam auferri, maximè desiderārim: qui quicquid in eos a quouis dicatur & scribatur, id a nobis dictum scriptumque maliciose suspicentur. Nam & hic Anonymus, nostræ Societati hanc ait innatam esse consuetudinem, ut quemuis procacissimo dicendi genere, suppresso authoris nomine proscindat, cū suum ipse nomen ut luce indignum subieuerit. In causa, inquit Iesuitarum illa Oratio scripta est: Ergo Iesuita author eius. Atqui præter tot calumnias

lumnias, hic ipse illius libellus contra Iesuitas, in causa Senatus Torunensis prodijt: ergo etiam non nisi quispiam ē Senatu Torunensi, illius Author esse potest. Sed facile patior id nobis à Torunensibus imputari, cuius ipsi sibi conscij sunt: qui pro more suo, hoc est Calumnistico, cum totam Ecclesiam, tum nostram maxime Societatem maledictis, calumnijs, quocunque modo possunt, clam, palamue lacerandi, finem nullum faciunt. Nemo siquidem, facilius de alio crimine suspicatur, nisi qui se reum illius esse sentit. Iam verò, num Torunenses Iesuitas adeò timidos, suæque causæ diffidentes, esse putant, ut sub nomine proprio, obiecta sibi crimina diluere non audeant? quid illa Oratio habuit, ut eam Iesuitæ, si quidem illorum fuerit, suam esse negarent? atq; ut Torunenses intelligant, Iesuitas ut lucis filios, tenebras non amare, lucem non odire, libens hanc Prouinciā, vel hoc ipso nomine, suscepit: non autem quòd innocentiae nostræ, quæ longè melius, quàm Torunensium, non huic solum regno, sed toti mundo nota est, timeam; aut veritatem, quæ per se, vbique firma est, non satis tutam esse, nisi eam mea Oratione protegam, iudicem. Deinde illud velim sibi Torunenses de nobis persuadeant, nos dum huiusmodi Apologeticos libellos, urgente necessitate, ad bonum nomen Societatis nostræ, a calumnijs vindicandum, in lucem edimus; eos non maledictis ac conuitijs more Hæreticorum infarcire, sed ut Catholicos & Religiosos homines decet, modestè inimicorum criminationes refellere, veritatem defendere, innocentiae Patrocinari. Qua propter ita, & ego meam orationem temperabo, ut & ipsa styli moderatio, ac simplicitas, nostræ testis sit modestiæ & candoris: simulque appareat, nos non subterfugere, palam de nostris iniurijs agere, palam maledicta refutare, palam veritatem, innocentiamq; tueri. Vale, Calissij: ex Collegio Carnouiano Societatis Iesu, 29. Decemb. A. D. 1614.

Anonymo Torunensium

Patrono.

Q Visquis es, (Siue ater, siue albus sis, siue Germanus aliquis Lutherocaluinus, siue Pruthenopolonus, siue, quod probabilius est Hugonotus, transfuga, Gallus, precario in Polonia & locum & victum habens) Anonyme Torunensium Patrone; qui nomen tuum, in defensione eorum à te conscripta (eò quòd te adeò vehementer impudentem esse puderet) suppressisti, accipe nunc pauca hæc, quæ tibi & tuis clientibus damus, plura paulò post, expecta. Ad eas enim solùm calumnias, quibus in nostros Torunij manentes, & Collegium illud, ore tuo perfrecto, & infami calamo, per summam tuam impudentiam debacchatus es, respondere nunc visum fuit: & ne lectores beneuolos à lectione responsionis huius, polixitas ipsa retraheret; & quia alia quæ nobis in hoc tuo patrocinio Torunensium infirmo, & debili, de Gallia, Anglia, & alijs Prouincijs, impudenter obiecisti; adeò iam sunt obsoleta mendacia, & rerù planè contrariarum euidentia antiquata, totq; doctorum virorum lucubrationibus in lucem editis diluta, vt ea noua responsione indigere pro nunc non iudicemus. Certò enim nobis persuademus, apud omnes æquos rerum nostrarum æstimatores (quales sunt multi etiam ipsimet Hæretici, qui ratione, non affectuum impetu ducuntur) nullam fidem

dem habitura. Quis enim prudens & probus, te vera, à Iesuitis in alijs regnis acta, referre credet, qui hæc, quæ domi, in visceribus ipsis Regni huius Poloniæ aguntur, & ab omnibus videntur; tam impudenter, aliter quàm acta fuerunt, vel agantur, mendacissimo tuo calamo, describere, & in vulgus edere ausus fuisti? Quis te veracem in alienis, & longè à nobis remotis Prouincijs, gestorum relatores credet; qui te domesticorum, & in oculis omnium factorum, mendacissimum calumniatorem, manibus ipsis esse palpabit? Quare paucis his in præfenti, cum tuis clientibus Toruniensibus contentus esto. Quòd si cum eis perges dicere & scribere quæ vis, audies & leges vnà cum eis quæ non velis.





RESPONSIO, AD LIBELLVM FAMOSVM CONTRA SOCIETATEM IESV,

Patrocinium veritatis literarum Torunen-
sum falsò inscriptum.

CAPVT PRIMVM.

*Non defuit in Polonia Torunensibus Iudex, apud quem de iniurijs
contra Ordinis nostri homines, si quas haberent, querere ntur.*

Priusquam Torunensium querelas, in Conuentu Proszoui-
ensi, & Szrodensi expositas, fuitiles fuisse ac iniustas, doce-
ret Orator ille, qui nostræ Societatis causam, ab huiusmodi
criminationibus, apud Nobilitatem Polonam vindicandam
suscepit; arguit in primis Torunenses, quòd cum Iudex non deesset
ordinarius, coram quo de iniurijs, si quas habebant iudicio contende-
rent; ad Conuentus Nobilitatis publicos, qui non nisi ob Reip.
negotia indicuntur, & eo tempore ob solutionem Militi Confede-
rato faciendâ instituti erant, confugissent: cuius rei non aliam causâ
fuisse existimat, quàm quia non accusare sed calumniari voluerunt.
Quid ad hæc cum suo Patrono Torunenses? *Salsè inquit, Nobilita-
tem Polonam ab illo videri Oratore, qui vult Torunenses apud Iudicem Ordi-
narium contra Iesuitas queri, cùm illi nullum forum in Polonia habeant
nulliq; subiaceant Magistratui seculari, aut Spirituali. quod duobus com-
mentis leuissimis, vt paulò infra videbimus probant.*

Verùm Iesuitas, sicut & vniuersam Nobilitatem, ac cuiusvis Ordinis hominem, in omnibus causis forensibus, præter personales; brachio subiacere seculari, soli Torunenses ignorant, aut verius, nosse dissimulant: vt qualemcunq; ansam arripiant, dolorem ex Iesuitarû odio conceptum, occultis criminationibus leniendi, dum palam cum ijs iudicio contendere subterfugiunt. Quis enim vnquam in tota Polonia de Iesuitis est conquestus, quòd in huiusmodi causis ci-



tati

cati ad iudicia, vt vocamus Arcensia, Terrestria, Tribunalia, an-
Regia, non comparuerint, coram Iudice non responderint, decre-
ta reipuerint? Testis est vniuersa Nobilitas Polona, testes ij omnes
quibus cum aliquod negotium, nobis hactenus intercessit, testes de-
nique & ipsi Conuentus Petricouientes & Lublinenses, in quibus
respondimus, & decreto iudicium obtemperauimus. Atq; id adeo
toti Poloniæ notum clarumq; est, vt mirum sit hunc tenebrionem
tantam lucem, si non oculis vsurpare, vel ipsis saltem manibus at-
trectare non potuisse: qui eas tenebras Nobilitati Poloniæ offunde-
re attentauit, quasi Iesuitæ nullum in Polonia iudicium agnoscant,
nulla decreta admittant, forum ordinarium declinent. Sed faciant
periculum Torunenses, audeant palam iudicio, non clam crimina-
tionibus rem agant: appellent forum Nobilitatis Culmensis, Regem
& Tribunalia, & tunc demum, an verum sit quod dico experientur.
Sed alios Iudices Torunenses suæ causæ optarent, scilicet Hæreticos
præoccupatos, qui eodem contra nos animo armati, Torunensium
voluntati & sententiæ subscriberent: Cæterum dum frustra spes su-
as, talis Iudicis expectatione alunt, odia quibus possunt criminatio-
nibus sustentant. Et hæc causa est, cur suas querimonias contra nos,
ad Conuentus Nobilitatis Radzieieuiensem & Dobrzyensem non
retulerint, sed remotiores Proszouiensẽ & Szrodensem quæsi-
erint: nouerant enim suas quiritationes fore apud illam Nobilitatem,
vanas, & non acceptandas, vt pote quæ & Torunensium ingenia be-
ne nosset, & nostrum Collegium summo studio promouisset: idcir-
co alios, quorum aures adhuc integras, suis implerent fabulis quæsi-
erunt. Venio nunc ad probationes Torunensium Patroni. Duobus
ille probat argumentis Iesuitas forum in Polonia non habere. Pri-
mum est. Nulla inquit vnquam in Polonia causa fuit agitata, in qua
Iesuitæ rei fuerint. O subtilem & argutam ratiocinationem! o ace-
phali Philolophi consequentiam? o magnum probrum Iesuitis obie-
ctum? quid hoc rei? quæ hæc insania? Itane? nemo Magistratui
subiectus putandus est, nisi vt reus ad iudicium citetur vel in eo da-
mnetur? Cui vnquam vitio reputatum est, quod nunquam in iudi-
cio reus damnatus fuerit? quis non summæ innocentie ac integri-
tatis dixerit, nusquam in iudicijs capitis, fortunarum, infamie pe-
riculum adirse? Sed esto non sit subiectus magistratui, qui nun-
quam vt reus in iudicijs comparuit. At Iesuitas tales esse vnde
probat Anonimus? fortassis quia nunquam in subsellijs Toru-
nensium, vt quiuis alius ex Plebe, causam dixerunt, & obiectis
respon-

responderunt. hoc est quòd ille cum suis Torunensibus & indolet
& vellet. Sed an iustè, iudicent ipsi, quàm verò rectè pronuncient,
nunquam nos in iudicijs secularibus, citatos & accusatos compa-
ruisse, iam viderunt.

Alterum est Anonismi argumentum. Nullum inquit Iesuita in Polo-
nia Magistratum agnoscunt: ergo non sunt illi subiecti. Chrysippæi sanè
argumentum ingenij. Nam præterquam quòd antecedens falsum sit,
vt vniuersæ, præter Torunenses, notum est Poloniæ; consequen-
tia tamen nulla est. Nam vel Iesuitæ proteruè ac temerè Magistratū
secularem non agnoscunt, vel legitimè. Si primum, subia-
cent Magistratui, qui semper proteruos homines compescendi ius
habet. Si secundum perquam ridiculi sunt Torunenses, qui cum Ie-
suitas Magistratum secularem non agnoscere sciant (quod tamen
nunquam probabunt) eos in varijs Conuentibus tot criminationi-
bus, tot accusationibus lacerare non desistant. Verùm multò æ-
quius nos fuerat, de vobis Torunenses, in hoc genere seriò queris non
quidem quòd Iudicem in Polonia non habeatis; sed quòd varijs ar-
tibus iudiciorum æquitatem declinare, molestissimis tergiversatio-
nibus, nos iniuria affectos, à suscipienda lite deterrere, mandatorum
deniq; regiorum vim, mille technis & protelationibus subterfugere
consuetum habeatis. Meministis credo illius controuersie, quæ
de domunculâ nostris ædibus adiectâ, nostro ære ab equestri ordi-
nis homine comparatâ, vobiscum nobis per decem annos (tam diu
enim vestris artibus in re tam patente ea tenuit) in Aula Regia in-
tercessit. Facessite igitur & nostro Oratori succensere desinite, cum
vobis vitio vertit, quòd posthabito iudicio ordinario, ad Conuen-
tum Szrodensem & Proszouiensem, cum vestris nænijs appellaueri-
tis, siquidem Iesuitæ Magistratum agnoscunt, eiq; obtemperant.

Sed dum finem huic capiti facio, ne quis scrupulus Torunensibus
remaneret, aliquid etiam de personalibus causis addendum occur-
rit, vt si quid contra Iesuitas hoc in genere habeant, eos nullum iu-
dicium subterfugere velle intelligant. Est Legatus Summi Pont.
in Polonia, audere iam Torunenses, attentare, experimini: neq; e-
nim Iesuitæ maioribus, Priuilegijs aut exemptionibus in hoc iudicio
Ecclesiastico, quàm cæteri reli giosi Ordines exempti, qui tamen,
per specialem Summi Pontificij delagationem, ab inferiori-
bus illo iudicari possunt. Sunt præterea Archiepiscopi, & E-
piscopi, qui possunt, & solent obtinere à Summo Pontifice visitan-
di Religiosos, in sua Diocesi commorantes, etiam exemptos, eos-

q; castigandi potestatem, nec eam in legitimis causis Summus Pontifex de negat; imò hic noster modernus Paulus V. eam Illustrissimis, Archiepiscopo Baranowski & Episcopo Pofnianen: Opalinski, in visitandis & reformatis quibusdam Cœnobijs & Abbatijs, liberalissimè concessit. Ad hos ergo si quid contra nos Torunenses habent, appellent, non subterfugiemus, non resistemus, imò si illis ita placet, nos ipsi à Summo Pont: impetrabimus, ut ei, quem ipsi illi ex his elegerint, inter nos & illos controuersiam dirimendi faciat potestatem.

Sed quid ego cum Torunensibus tam liberaliter ago, ut iudicem qui nostram causam iudicet, nos impetraturos pollicear? si quidem satis euidenter ostensum est, nostræ Societatis homines nulli non parere Magistratui. Ite verò Torunenses (quo iam ante vos remittere debuimus) ite ac demum ex literis Illustrissimi Episcopi Cuiuuiensis Laurentij Gebicki, quas ab eodem, dum Culmensem Ecclesiam regeret, in nostra causa, cum à vobis eiecti essemus, accepistis, addiscite, quàm falsò affingatis, quòd nullum in Polonia Iesuitæ agnoscant Magistratum. Verum ne vobis in reuiscendis literis facillam negotium, libet pauca, si quidem luculentum huic, quam defendendo, veritati, afferant testimonium, & vehementer vestram peruiaciam redarguant, ex iisdem litteris isthæ attexere. Quàm verò (verba sunt Epistola) vobis non consentiatis, videte. Noluisset vos cum Societate iure contendere scribitis, quòd eam ab Ordinariorum iurisdictione esse exceptam vobis constaret. Si nullam Ordinarij in eos auctoritatem esse habuisset exploratum, cur tot literis, tot suffragatoribus à nobis postulauisset, ut in alias sedes illam transportarem? Sed sistebant se illi, paratij, erant ad obiectiões vestras respondere, & si quare vos ab ijs laesos fuisse probauissetis, ex nostra sententia vobis satisfactionem prestare. Neq; verò plus apud nos valuisent preconceptæ opinioniones, vti vos sinistrè opinamini, quàm equitas ipsa. Scimus ita illos instrui sanctissima disciplina, ut nemini nocere, prodesse studeant omnibus. Attamen ut homines, labi & errare posse, non ignoramus. Sed periniq; egissemus si ad vestras accusationes simplices & nulla probatione fultas, inauditos condemnauissemus, aut opinionem quam meritiò conceptam habemus, subito deponeremus. Neq; verò vitium est de illis bene sentire, quorum vita quotidianaq; actiones in pietatis officijs versantur. Illud potius extrema cuiusdam malitia, ex inanibus suspitionibus, implacabilibus odijs exardescere, ac omnia dicta factaq; eorum in crimen vocare. In quo velim perpendatis Torunenses, quantum à Christiana charitate discedatis. Hæc Illustrissimus Episcopus, quæ si Torunenses legerunt, mirum est, quæ

est, cur tanto viro in aliena causa scribenti, fidem non habeant; & Iesuitas nullum in Polonia habere forum vociferentur.

Quòd si viros Ecclesiasticos, vos ipsi Ecclesiæ desertores, vt scopolum exhorrescitis, circumieñtis sumus vobiscum, Prussiae Palatinis, alijsq; Magnatibus, ex illis Commissarios à Rege impetrate, qui de atrocibus scilicet Iesuitarum in Senatum, populumq; Torunensem cognoscant iniurijs, facietis certè nobis non modò non repugnantibus; sed inidipsum etiam connitentibus. ægrè est, vt video Torunensibus Hæreticis, Iesuitas de capite ipso coram iudicio seculari causam non dicere; mirum tamen est ita iniquos esse in Clerum Catholicum, cum ceteri etiam Hæretici, suos Ministros in causis personalibus, à Magistratus secularis iurisdictione exemptos esse velint: cuius rei non iniucundum libet asserre exemplum.

Nobilis quidam Hæreticus ante annos aliquod Costenum citatus, eò quòd de iniuria, à suo Ministro cuidam facta, iustitiam administrare nollet: respondit se eum, cum Spiritualis & Ecclesiasticus sit iudicare non posse. Res ab omnibus risu excepta: iubetur ergo Minister literas Officij Ecclesiastici exhibere, quas quia non adferret, nec adferre posset, (cum vt sunt omnes Ministri Hæreticorum, à sibi similibus, laici à laicis, potestatem diuinam tractandi, quam nec illi conferre possunt, accipiant) pro seculari est habitus, & decreto Iudicis multatus, à quo tamen ad Tribunal appellatum fuit. Agite vos Torunenses cum Iesuitis, in vtroq; foro eos paratos semper inuenietis, & criminationibus finem tandem aliquando imponite.

CAPVT SECVNDVM.

Nunquam sollicitauimus in Comitijs Regni, Senatores aut Nuncios è prima Nobilitate, vt opprimerent Lutheranos, Calvinistas & Arianos.

AIterum erat, quòd vt iniquum in Torunensibus reprehendit Orator noster, quòd Iesuitis, ne apellatis quidem, publicam contra eos accusationem, in Comitijs instituerint, vbi præsente accusatore, absente verò reo, & illi fuit licitum, quicquid tandem voluit dicere, & huic non erat integrum sese defendere. Quod quàm iniquum sit nemo non videt. Sed Patronus Torunensium ita suos defendit Torunenses. *Quid tum inquit dum modo vera sint ea quæ dicerentur. Falsa ergo tantum, & calumniæ reddunt iniustam*

accusationem? O Sapientissimum Iuriconsultum. O breuem sed
insignem legem accusandi. Perbelle quadrat illud huic Doctori:
Quam modicè, scit in codicè, multò minùs in digestis. Quid si Do-
mini Torunenses, hoc pacto Iesuitæ vobiscum procederent, an non
cælum & terram misceretis? Addit præterea Patronus Torunen-
sium: nullam Iesuitis fieri iniuriam, siquidem eorum accusentur, quæ de illis
totus prædicet orbis Christianus. Egregie sanè. quid ergo Torunenses ole-
um & operam perdere vos necessum erat in referendis illis, ad No-
bilitatem Polonam de Iesuitis, quæ de illis totus mundus prædicaret?
quanquam & hoc ingens sit paradoxon. Quid enim? an totus orbis
scit Iesuitas in æde quæ olim Parochi Torunensis erat, habitare, in
quo vobis iniuriam factam esse affirmastis? Quæ tam velox fama in
extremas orbis partes hunc detulit rumorem, Iesuitas Torunij con-
tra vestram voluntatem, publicas in Reipub. Polonæ utilitatem, ape-
ruisse Scholas? Pulpitum templi Parochialis S. Ioanni dicati, ad le-
gem Diuinam multitudini promulgandam, ascendisse? certè tantum
abest vt id toti mundo sit notum, vt etiam à multis Poloniæ acolis
ignoretur. Sed esto nouerit id totus mundus, quid vicij, Iesuitas
Torunij totius Reipub. voluntate, Scholas aperuisse, pulpitum ascen-
su Regis, autoritate Episcopi, ascendisse?

Tertium est, quo æquitatem accusationis contra nos factæ à To-
runensibus, Anonymus ostendit: quia inquit idem Iesuita faciunt
Nam & in Comitij Regni more canum angulos obambulant, Senatores at-
que quosvis à prima Nobilitate, ad nostris Evangelicis nocendum sollicitantes, &
grauissima de Reipub. incolumitate negacia, suis leuibus querimonijs inter-
turbantes. Nimis multa Anonymus in hoc suum extremum conge-
rit argumentum, ita vt etiam longiori responsione egeant. Nam
quod in primis dicit, idem Iesuitas facere, hoc est, Torunenses ijs non
appellatis ad iudicia deferre, id ab omni non dico veritate, sed eti-
am veritatis imagine, & probalitate est alienum, vt nihil improba-
bilius fingi possit. Quæ enim Torunenses in Polonia iudicia, osten-
dere potestis, in quibus aliquid contra vos Iesuitæ, inscijs vobis &
absentibus egerint? An non illi Tragediæ de domo emptæ à nobis, &
à vobis vi & artibus occupata, ubiq; interfuistis, & multa egistis? An
nō illa Cōstitutio de Scholis aperiendis, vobis præfētibus & sciētibus
in Comitij Regni condita est, quam vos à nobis esse scriptam frustra
comminiscimini? At quid iniuriarum hac in re, quamuis ita esset,
contra vos commissum sentiris? Num & vos, si quam Constitutio-
nem aut Priuilegium in gratiam vestri, à Serenissimo Rege illiusq;
Senatu

Senatu factum intelligeretis, illud quàm accommodatissimè ad vestrā voluntatem, vestro stylo exaratum cuperetis? Quid ergo quod vobis optatis, id in nobis reprehenditis? Addo illam Constitutionem, non in nostrum commodum, sed totius Regni fuisse factam, quod cūm vniuersa Polonia, tum maximè Districtus Cuiaviensis, & Dobrzynensis, omnesq; boni, præter vos solos agnoscunt.

Venio ad secundam huius, non tam probationis quàm calumniæ & criminationis partem, in qua nos *more canum in comitijs Regni angulos oberrare calumniatur aduersarius*. Viderint Torunenses quibus hominibus & qua fronte id dicant. Ego iniuriam & calumnias pati & non facere, cum nostra Societate assuetus, id prætereo: in hoc monitos relinquens Torunenses, vt quod ipsi tanto calumniatori, si fortè eos laceggeret, responderent; idem sibi à nobis pro tam insigni contumelia responderi oportere, nisi Christianæ caritati, & Religiosæ modestiæ obtemperaremus, arbitrentur. Illud tamen tacere non possum, vnde Torunenses tantæ calumniæ ansam arripuere. Nostros Varſaviæ per tempus Comitiorum, si quas Principum ac Nobilitatis inuisunt aulas, id non ad præocupandos Senatorum animos, aut ad nocendum Euangelicis negotij suscipere, sed vel vt elemosynas ex quibus nostra professorum Domus Varſaviensis viuunt, cūm nullos redditus quibus sustentetur habeat, per eam occasionem conquirant, licet & extra tempus Comitiorum pro ratione suæ professionis mendicent: vel aliorum Collegiorum negotia, quæ nullo alio tempore commodiùs pertractari possunt, quàm cūm tota Nobilitas, aliàs dilapsa congregatur, procurent. Quis itaq; non exasperati & maledici animi esse dixerit, ex tam manifestis factis, tam oculta scelera in alios suspicari? Verūm nolo, ne hæc mea nimia in respondendo modestia, sit in præiudicium innocentie nostræ Societatis: vrgeo igitur proferant quinam illi Iesuitæ fuerint, qui *angulos & quos more canum oberrarint*, in quibus Comitijs, quos Senatores quos Nuncios sollicitarint? Sed adierint Senatores Iesuitæ, visitarint Nuntios; at num hos in angulis Varſaviæ habitare, Torunenses, confingere audetis, qui in oculis omnium prima palatia inhabitant? pudet me vestri quod hisce commentis vos omnibus ridendos propinetis. Deinde quid nobis, quod agulos *more canū obabulemus*, vicio vertitis; cūm vos id ipsum maximè facere vester Patronus ingenuè fateatur. Nollem equidem ego tam grauem calumniæ maculam vobis Torunenses aspergere, sed eam à vestro Patrono acceptate. Hic enim crimen ab Oratore nostro, vobis obiectum refellendo, respondet

prohabet, idem etiam à Iesuitis committi, quod non aliud esse vult, quam more canum in comitijs angulos obambulare. Videte ergo qualem Patronum elegeretis, qui eam vobis contumeliæ ac infamiæ notam inussit, quam vester aduersarius vobis inurere nunquam fuisset ausus.

Iam quod addunt Iesuitas, nihil magis in votis habere, & in Comitijis Regni quærere, quam vt Euangelicis noceant, eosq; opprimant, adeo vt nec resistere, nec suam innocentiam defendere queant, ab instituto nostro & consuetudine est alienissimum; hoc sanè nunquam inficias iuero, nobis id esse propositum, non Euangelicos opprimere, aut Regno pellere, sed Christiana charitate complecti, & ab eorum animis errores, omnes quibus tenentur euellere. Deponite igitur metum, vel potius odium, quo instigati, vbiuis & quouis tempore nobis nocendo, nos vobis nocere querimini.

Illud præterea velim vobiscum perpendatis, & à triginta retrò annis omnia Comiticia animo repetatis, an in Polonia auditum fuerit, non dico Iesuitas, sed Catholicos aliqua in Comitijis ad nocendum Euangelicis proposuisse, aut criminationibus ad opprimendos eosdem Comiticia inturbasse. Quin potius nulla fere ab eo tempore Comiticia, nullos conuentus in Polonia factos inuenietis, in quibus Euangelici Catholicis & Ecclesiæ nocere, Confederationem iniuriosam, hoc est nō libertatē credendi, sed libertatem Ecclesiasticas Catholicas occupandi, occupatas iam per vim Catholicis non restituendi, vrgeri non intenderint, quod ita clarum, vt nullægeat probatione. aliqua tamen ex occasione infra de hoc dicam.

Ad illud porro extremum quod obijciunt, Iesuitas per suos vt Anonymus dicit, *emissarios in Comitijis omnia miscere, suis leuissimis querimonijs grauissima Regni negotia inturbare*, ita respondeo, Torunēses id tātū dicere & nō probare, At ego cōtra vos tot testes producere possum, quot ipse Senatores Ecclesiasticos & Seculares, quot Nuntios de vobis prædicantes non semel audiui, vos cum vestri similibus hoc agere, hoc moliri, vt maximè cum Rempub. laborare intelligitis, tum potissimum in Comitijis Regni per vestros Emissarios Comiticia turbetis, vestra in præiudicium iurium Ecclesiasticorum promoueat & stabiliatis. Et hoc est quod Orator obijcit vobis: Hoc est de quo queruntur Catholici, Senatores in Comitijis iam fastidiunt, quodq; videns Rex noster Serenissimus dolet ac ingemiscit. Quid enim ille ipse Proszouienſis & Szredensis Conuentus Nobilitatis, cum vestris querelis habuit, ad quem vos alia o-

minia

omnia agentem, cum vestris obsoletis fabellis, molesti interpellatores, venistis.

Quod si necdum id probabile fortasse vobis videatur, vel ex ipsis vestris statutis, quæ Anno 1595. in Synodo vestra Torunensi condidistis, vos conuincam. Legite Canonem sextum, an non in eo disertis verbis statuistis, ut vestri superintendentes, omnibus intersint Comitij, siue perse siue per suos procuratores, quo possint quibusdam negotijs prospicere, hoc est, ut quidam Anonymus, qui absurdum horum vestrorum Canonum in lucem edidit, interpretatur: Religionem Catholicam & Rempub. perturbatis Comitij pessumdare, Bene ne an malè explicauerit, non disputo: illud tantum addo: Mirari vos non debere, quòd ita ab illo vester Canon explicatur. cum verba Patris Edmundi Campiani, quibus nostræ Societatis homines significauit, sanctum inisse fœdus in salutem Anglorum, Patronus vester, in salutem; hoc est in perniciem & Regni euersionem, fuerit interpretatus. Videte ergo Torunenses, quomodo aspersam vobis labem expurgetis. Videte quomodo non iniuste egeritis, contra nos accusationem publicam instituentes, nobis non appellatis. Sed vos iam video pro more vestro, hoc tantum curare, ut cum coram nobiscum agere non audeatis, in nos absentes inuehamini. Quod ne temere dictum à me putetis, placuit hoc loco, quoddam factum vestrum, huius veritatis insigne argumentum apponere.

Cum Rectorem Collegij Torunensis Anno 1612 agerem, Nobilitas Torunio circumquaq; adiacens, præsertim Cuiaviensis, & Dobrzynensis, pertæsa filiolos suos, proximo studiorum emporio priuatos, alias ciuitates remotiores adire: vrgerè modis omnibus, aures meas precibus fatigare, ut ludum literarium frequentandum aperirem, institit: hoc sæpius inculeans, quod in publicis Regni Comitij statutum sancitumq; est, illud secure & citra omne periculum, & effectum suum sortiri, & à me perfici posse. Ego non inscius, ibi esse multam salutem, vbi multa forent consilia, & omnem substantiam festinatam, minui citò; diligenti rationis trutina vnà cum domesticis rem ponderans, ad Antistitem Culmensē Mathiam à Konopat Konopacki cucurri, & totius Nobilitatis supplicatione quotidiana palam facta, viri prudentissimi consilium quid factò opus esset expetij. Tum, ille animum addere, & reluctātem mentem extimulare, quā suasionibus, quā monitis orare, obsecrare, obtestari, ut postes Musis perenniter dedicatos referarem, & publicas lectiones prælegi curarem. Ita negotio cum Reuerendissimo

Cul: satis agitato, & cum aliquot Palatinis, etiam Prussis, cæteris-
q; viris primarijs pertractato, insuper edicti Comitiorum authorita-
te fulto, & abundè obfirmato, cardinibus Scholarum recluden-
dis, animum simul & manum adinoui. At quas tum procellas susci-
taui? Feruebat Burgravius cum Consulibus odio contra nos: ruunt
ergo omnes in commune, & factum nostrum indignati, conuitia
iactando, principijs serio obsistendum inclamant. Eractutum Se-
cretarius Ciuitatis ad me ire iubetur, tum precibus, tum minitati-
onibus egregiè instructus. Excepi hominem perorantem, & tum mel-
le conditam, tum minis obarmatam orantiunculam flocci æstimans,
re infecta dimisi. Quid deinde audite ius fasq; Torunensium. Clam
malo dolo, malis artibus. vbi Torunenses, Legatos ex Senatu & ple-
be, cum suo Secretario, magno scilicet buccinatore, mittunt Luba-
niam ad Reuerendissimum Culmensem. Huc vbi delati, Secretarius
us vna hora tantam congeriem calumniarum effutiuit, tot porten-
ta probrorum & chymæras contumeliarum euomit, vt quidquid
pestiferum cerebrum Arnoldi, quidquid Erynale caput Misseni e-
mentiri potuit, id ille vnus mendaciloquus Orator complexus fue-
rit. Iamq; ille colophonem declamantiunculæ monstruosæ impone-
bat, & ecce significatur Reuerendissimo, Patres Societatis (is erat P.
Iohannes vberus, eo à me non ignaro, quid agerēt Torunenses, respon-
dendi causa missus) præ foribus adesse. Tum Reuerendissimus. En-
opportune inquit, qui obiecta diluat, venit. Illi audito nomine
nostro, colorem faciei immutare, simulq; admissa pallefecit
culpa, simul tergiuersari, ac certamina detrectare ceperunt; Nihilq;
sibi esse nobiscum negocij, quippe qui contra Patres Torunenses
nihil haberent, sunt protestati. Verū Pater, Societatis nomini notā in-
iustam inique, tot aceruis mendaciorū congestis, ingemiscens, ad con-
futandas illas omnes calumnias ē vestigio, vrget, hanc sibi oratio-
nem in scriptis tradi, Reuerendissimūq; obsecrat, id ipse pro sua au-
thoritate vt efficiat. Sed nulla ratione hoc eis persuaderi potuit (li-
cet Reuerendissimus etiam abeundi potestatem, ē suo Castro illis de-
negare velle videretur, ni facerent) asserentibus se abq; Senatus con-
sensu, id neutiquam facturos: qui non nisi verbis, & non scripto
hoc negotium expediendum illis in mandato dedisset. Nec est, aie-
bant, quod offendantur Patres, quæcunq; imperorando diximus, non in
nōstris capitibus fabricata; sed in libris pridem diuulgata huc attulimus.
(quod est Torunensibus vtitatissimum: Nam & in hoc
ipso, quem refello, libello, nihil noui attulerunt, nec Ora-
torem

to-rem nostrum, cuius orationem refutandam suscep-
 me optabant, refutarunt; sed eum duntaxat figmentis veteribus &
 calumnijs ex alienis libris petitis, & iam toties luculentissimè refu-
 tatis, ne nihil agere viderentur, impleuerunt.) *Nam & quid illis*
qui Torunij degunt vitio demus, non habemus, nisi quòd ex illorum Scholis
periculum Ciuitati creari perimescamus. Ad hæc cum illis
 Pater modestè respondisset, nec licere ex libris famosis, accusatio-
 nem in innocentes coram tali Senatore instituere docuisset, & Re-
 uerendissimus seuerè eos monuisset, vt Patres, quorum inculpa-
 tam testarentur vitam, diligerent. Constitutionem porro ab vni-
 uersis Ordinibus semellatà, abrogatum iri, nullatenus sibi persuade-
 rēt, ab se illos dimisit. Reliquis abeuntibus, Secretarius Reuerendissi-
 mo supplex factus, petijt ne dicta sua aduerso acciperet animo; se
 coactum. Senatus parere mandatis: nihil de suo prolocutum. Hæc
 ego omnia non tam ex ore Patris, vel Prælatorum, qui inibi ade-
 rant, quàm ex literis Illustrissimi Episcopi, ad me tunc scriptis habui.
 Ita Torunenses lucem perosi, absentibus Iesuitis, omnia quidem di-
 cere, iniurias prætere; coram conscijs illorum æquitatis, ne hisce-
 re asueuerunt.

CAPVT TERTIVM.

*Per summam calumniam. Militi seditioso in opprimenda Ciuita-
 te Torunensi comparatur.*

Illud quoq; indignè, inter cætera fuisse factum à Torunen-
 sibus, do-
 cuit Orator noster, quòd in Comitij Szredensibus, & proso-
 uien. tempus Reipub. negotijs deputatum, potissimum verò
 malis quibusdam prægnantibus auertendis consecratum, quæ per-
 niciem non priuatorum duntaxat facultatibus pollicebantur, sed
 vniuerso Regno certum, ni maturè illis occurreretur, minabantur
 exitium, intempestiuè suis narrationibus extraxerunt: eaq; illi Con-
 uentui obtruserunt, quæ ab eo planè fuere aliena. Hic Anonymus
 quia suos Torunenses, in tam manifesto peccato, non potest excusa-
 re, eorum tamen factum, sic eleuare conatur. Atq; vt omnes in-
 telligant, nihilò ipsum prudentiorem & fideliorem esse Oratorem,
 quàm hætenus fuerit Argumentator, libuit hic aliquam orationis
 eius patrem, quam ipse grauitèr per Apostrophèn ad suos conuer-
 tit Torunenses, apponere. *Non obscurum, inquit ille, fuit vobis Toru-*
nenses, Conuentus ob solutionem Confederato militi faciendam. à S. R. M.

indictos fuisse. Grauis sanè Oratio; sed vt initio parturiunt montes, ita in extremo nascetur ridiculus mus. Benè dicit Anonymus non obscurum fuisse Torunenſibus, quid ad illum Conuentum Nobilitatem Polonam exciuiſſet, quod adeò notum clarumq; toti Regno fuit, vt niſi hoc Torunenſes viderent, ſoli planè in tanta luce cæcutirent. Porro cùm res ſanè alieniſſimas, illis Regni difficiliſſimis negotijs intruſerunt, liquet vel Anonimum falſò eis, eam lucem, quàm non viderunt, affingere: vel certè tantum lumen eorum lippientibus oculis teaebras oſtendiſſe, vt iam obscurum eſſet ijs, quid illum Nobilitatis Conuentum coëgerit. *Verum, addit Anonymus, Ieſuitarum Præcticas artes, & de ſaclo ſuſceptos in turbanda Ciuitate veſtra progreſſus, non inferiores eſſe Conſederatorum preſſurâ, paremque horum eſſe conditionem iudicaſtis.* En ridiculum illum murem, è tam magnificis natum principijs. Quis vnquam eò impudentiæ Torunenſes deuenire poſſe ſperafſet, vt noſtram Societatem quàm vniuerſa Polonia, vt ſibi vtilem, ſummo ſemper complexa eſt ſtudio, eiusq; ſalutares promouit conatus; eam ſeditioſo militi, qui in caput patriæ, vt ipſi ſentiunt, coniurauit, parem iudicaret. Sed eſto fuerint hæc vera, licet falſiſſima ſint, vt infra oſtendam, Num ideo vobis licuit aliud quidpiam illi Conuentui obrudere, præter ea, quorum gratia fuit inſtitutus? Nunquid deerant plurima alia, eaq; grauiſſima Reipub afflicta negotia, illi quod tunc maximè vrgebat, perſoluendo militari ſtipendio; minimè inferiora? de quibus tamen, nec Rex, nec Senatus, ne Nobilitas verbum fieri vllum in illo Conuentu voluerunt, vt quàm primùm ab hac vnica Rempub: eriperent calamitate, ereptamq; in priſtinam aſſerent libertatem & quietem; quæ etiam præcipuè res Senatui ad Generalia Comitia coëgerat. Sed vos, nihil aliud per eam ocaſionem quaſiſtiſ, quàm vt eam, quam exorſi eratis pridem, telam contra Ieſuitas, tandem ad finem perduceretis, & quod quieta Repub: aſſequi non poteratis, turbata ſaltem inueniretis, more piſcatorum, qui turbida magis, quàm limpida torrentis aqua, piſces ſuis retibus comprehendunt.

Sed redeo ad propoſitum Patroni Torunenſium. Duabus illeratiõibus conatur quidem, ſed nihil facit; probare Ieſuitas pares eſſe Conſederatis Militibus. *Primo, quia inquit ex fonte Conſederatorum Militum ebullierunt. Secundo, quia iſdem quibus & illi tenentur legibus; niſi quod Conſederati vi, & aperto Marte in alienas opes inuolent; at Ieſuita fraudibus & dolis eaſdem diripiant.* Sed hoc qui vnquam de nobis præter Torunenſes, & alios Hæreticos aliquos dixerunt? Atq; vt & ipſi

ipsi eandem cum alijs de nobis inbibant opinionem, eant & legant Historiam, quæ vitam Fundatoris nostri B. Ignatij de Loiola continet, militis quidem, & Ducis Militum; at non eorum qui tristes, patrioq; cinctos sanguine mucrones, in viscera suæ ipsorum dolentis patriæ acuerint: Sed qui pro incolumitate eiusdem, strictis ensibus obuiam ierint, & ne illa occumberet, vitam sanguinemq; suum fuderint: Qui tamen sæculi militiam in spiritualem commutauit, & posito clypeo galeaq; arma contra spiritualia nequitæ, inuisibilesq; potestates feruidus capessuit, exercitum collegit, eumq; ut fidelis Imperator Regis sui, cui se probauit, signis centuriarum, in omnes orbis partes dispersit: per quem veritatis Euangelicæ lumen apud infideles proferret, Hærescon Labyrinthos apud incredulos euerteret, scelerum chymæras apud fideles expugnaret, omnes ad veritatis amorem, sceleris odium impelleret. Eant & legant eiusdem fortissimi Imperatoris, Sanctissimi Fundatoris nostri, leges & statuta, quibus ille hanc Societatem, suumq; exercitum vinxit, & stabilivit. Videant & eam viuendi rationem, quam tot Sanctissimi Antistites Romani, Christi Vicarij, vniuersumq; Concilium Tridentinū S. R. Ecclesiæ, ut sanctam & in qua digitus Dei esset, vnanimi assensu approbarunt: tot deinde Principes vsu ipso, Reipub. quisq; suæ, fructuosam esse experti sunt & testati, quod in suis ditionibus domicilia nostrorum hominū excitarent: excitarent autem vniuersi, si eos excipias, non qui Iesuitas propriæ, sed Religionē omnem Catholicam exosam habuerunt. Henricus certè Galliæ Rex, acerrimo & perspicacissimo Vir iudicio, licet sinistris aliquando de nobis opinionibus imbutus, ubi tamen res nostras penitus inspexisset, dictitare solitus est. *Societatem nostram à nemine vituperari posse, nisi qui non nosset, aut inuideret*, eamq; in omnē postea vitam ita cōplexus est, ut nō modo quam plurima Societatis Collegia in Gallijs stabiliri curaret, sed & cor suum tanquam amoris domicilium, & summum erga nos benevolentie argumentū post mortē, Flexienſi Collegio nobis constructo dari voluerit, & ibidem ex vniuersa Nobilitate Gallica, iuuentutis Seminarium fundari, cuius cura omnis & institutio penes nos esset. Nec suo Regno contentus, etiam ad Constantinopolim nostros commorari, & in diuersissimum orbem ad Canadas, & nouam Franciam cum suis colonijs deportari curauit, ne latius nomen Gallicum, quàm Societas nostra propagaretur. Taceo reliquorum Principum Christianorum studia in hac Societate promouenda, Imperatorum, Ferdinandi, Rudolphi, Ma-

thiæ, Regum Hispaniæ tam in Hispania ipsa, quàm vtrîq; Indiis, & quod vospotissimum malè habet, trium iam Regum nostrorum Regniq; vniuersi, propensissimas in nos vòluntates; vt mirum, sit, vos & aliquos gregarios vestros Euangelicos, ita solos sapere, vt non solum publico huius Regni; sed totius orbis, Christiani iudicio audeatis refragari. Nunc verò, est ne operæ pretiû vt putidam illam calumniâ confutem, quâ nos malis artibus in alienas possessiones grassari, hoc loco in genere asseueratis? an æquius fortasse fuerit, nos de vobis in hoc genere conqueri: qui domum pro qua pretium numerauimus inualistis, decennio possedistis, fructus qui ex ea percipi poterant, in rem vestram, nullo iure, summa audacia conuertistis, & cum hæc omnia palàm feceritis, audetis tamen adhuc negare, & in nos omnem culpam transferre, sed quàm rectè dispiciamus.

Ait ergo Patronus vester; domum illam non integram à nobis perfolutam, sed mediam *emptionis iure, mediam donationis acquisitam; qua quia inofficiosa erat; cum præteriti fuerint cognati, & contra ius Culmen: oportuisse nos asseuerat, litem ingredi cum hæredibus, non cum Torunensibus qui sicut non erant possessores illius domus, sic nec fructus ex ea percipiebant.* Quid est quod audio! tunc dicere audes, domum hanc non integro pretio à nobis emptam? videte incredibilem impudentiam: quæ miserum hunc, nullam veritatis rationem habere coegit, vt Torunensium hostili contra nos obsecundaret voluntati. Consulistis impudens homo, tabulas publicas, Chyrographorum cautiones, pacti & conuenti formas: priusquam hanc vanam futilemque narrationem exorsus fuisset. Inspexisses etiam Regium decretum, cuius auctoritate, conuicti Torunenses, & domum nobis restituerunt, & nos veros ac legitimos eius possessores pronuntiarunt: tu temere hanc de nobis tabulam inaniterque effutiisti. *Ius etiam Culmense violatum queritur!* O iurisperitum consultissimum; Nihil de hoc immutato iure, Serenissimi Regis Maiestas; nihil Assessorum prudentissimorum autoritas: ille solus inuentus est, qui hanc iniusticiam deprehendit: quati verò iudices patriæ studiosissimi, & Rex vigilantissimus, cuius est iura Regno dare, eaq; interpretari, & nequid detrimenti patiantur, diligenter videre; suo muneri indormierint, nisi ipse suis conuictis illos excitârit.

Addo & illud præterea Torunenses, nunquid cum hæc ipsa causa coram Serenissimo Rege ageretur, vestram hanc querelam, vestrum hoc ius Culmense non exposuistis? qui tamen eorum, quæ vobis
responsa

responsa, & in Decreto Regio expressa sunt, quomodo illud ius explicatum, quomodo vestra commenta, potius quam argumenta confutata non recordamini? Quam verò coherent inter se illa, quæ iste narrat, cum litem illam nos ingressos cum hæredibus, non cum Torunenſibus pronunciat, iudicate. An enim hæredes isti, non fuerunt Torunenſes? Et si non Torunenſes, cur ergo vos illas ædes, iure Retractus Culmenti ad Torunenſes pertinere, non ad nos, coram Regio iudicio affirmastis, vñstis, & vestram iniquitatem, ob non extraditam nobis domum, defendistis. Torunenſes igitur possessorum illius fuerunt, ac proinde & fructus ex illa perceperunt; & quomodo non perceperunt? quibus pecuniam inquilinus reddebat. Cum enim domum illam nobis Regio Decreto adiudicatam, ab iniustis possessoribus repetiuimus: accurrit inquilinus, orat, obsecrat, ne se inde abire iubeamus: quam obrem? ipsum dicere putatote: Habeat ædes illas à torunenſibus, certo precio ad certum tempus conductas. Conduxit inquilinus apud torunenſes: locarant ergo torunenſes: quid igitur dicunt? *Nec ex ea fructus percipiebant*: at quis credit hoc: ut is qui fundum locat, nullum ex eo fructum capiat? licet fortasse id etiam accidere potuit. Nam ut est apud Comicum: Malè parta, malè dilabuntur. Intelligat ergo nunc anonymus, an non ipse Hæretico excæcatus odio, contra apertam veritatem Oratori obijciat: Iesuitas excæcatus odio, contra apertam veritatem torunenſibus imputare, quasi domus huius controuersæ possessorum fuerint (quod verissimum esse ostensum est) & fructus illius perceperint, quo nihil manifestius.

Et ne querimoniam illam, de rebus alienis iniuste à vobis possessis, solū Iesuitarū esse putetis, an non multis annis, Sacræ torunenſis Monasterij virgines, vobiscum de bonis immobilibus, illi cæ nobis ablati litigauerunt? quæ vos tandem, post multas tergiuersationes, & annos, decreto & Regis, & Tribunalis, non vno adacti, tanquam malæ fidei possessorum, nolentes, volentes, restituitis. Decem millia florenorum monasterio illi persoluitis, & nedum vos Priuilegiorum ad Monasterium illud & hospitale spectantium, iniustæ detentionis crimine liberastis, salua actione Monasterio, si aliqua occasio se adhuc obtulerit relicta. An non & Patres Franciscani, queruntur de vobis, quod eorum possessiones, templum videlicet Deiparæ consecratum, Monasterium, & duo prædia, eripueritis, erepta in vestros vñs Sacrilegos, per summum nefas conuerteritis? Eadem est querela & Antistitum Culmensium de templis non paucis torunij;

& extra

& extra à vobis ademptis. Queruntur iidem, aliquot etiam lapideas, templo S. Ioannis vicinas, quæ olim Sacerdotum illius Ecclesiæ erant domicilia, à vobis occupatas, vestraq; habitationi attributas.

Ab hac itaq; labe, & ab his tam manifestis rapinis, imo Sacrilegijs, quibus tenemini, prius vos purgate, & tum demum Iesuitas iniuste alienorum bonorum possessionis, liberè poteritis arguere: sunt culpanda etenim, quæ non commiseris ipse, ne dum alium peccati insimulas, ipse eiusdem, atque etiam grauioris sceleris, reus tenearis. Sed neq; fortasse mirum esset, si nos aliquam possessionem ad vos aliquando spectantem occuparemus; cum vos nostras eripueritis: veruntamen tantum abest, vt nos vestras aut alienas facultates malis artibus, inuaserimus; vt etiam nostras, quod non huic solum Regno; sed toti mundo notum est, relinquamus.

CAPVT QVARTVM.

Iesuita Torunij degentes, sunt veri Cooperarij Plebani Torunensis.

Quia nimis leniter se cum Iesuitis egisse, sibi visus est Patronus Torunensium, cum eos militi confæderato pares fecit in perturbanda & premenda ciuitate Torunensi: vt suis gratificetur Torunensibus, & quàm cari acceptiq; simus apud Hæreticos, manifestum faceret: adiecit. & hoc ad cumulum calumniarum, vt pronuntiaret Iesuitas etiam deterioris esse conditionis (vel vt ille elegantius) *deterioris esse frontis quàm fuissent Milites Confæderati.* Cur ita? *Quia gloriantur, inquit, se à Parocho Torunensi pro cooperarijs adscitos esse.* Magnum verò & inexpressibile scelus. Ergone ideo Iesuitæ sunt Confæderatis deteriores, quia se à Parocho Torunensi pro Cooperarijs adscitos gloriantur? Quàm rectius & ad propositum suum accomodatius dixisset anonymus, si Iesuitas ultro, nec rogatos, aut per vim in hoc officium se intrulisse, fuisset mentitus. Sed sicut hoc contra veritatem finxisset, ita & illud est commentus. Cum enim Iesuitas sese iactare, quod eos Parochus Torunensis in Cooperarios adsciuerit, docet; quis, vbi, quando, apud quos, ea de re fuisset gloriatus, è tantò numero proferat vel vnum. Sed cum id præstare, licet in re. adeo leui, nimis arduum sit pro anonymo, ad calumnias, commune Hæreticorum omnium perfugium conuertitur, & Parochum Torunensem, quem ille benefactorem nostrum appellat,

pellat, à nobis ex ædibus Parochialibus exturbatū, & in perpetuum possessione illa exclusum asseuerat. O miserum Plebanum Torunensem, qui tantam iniuriam accepit à Iesuitis. O infelicem, cuius iniurias aliquot, Antistites Culmenfes, à tanto tempore viderunt, & tamen siluerunt; viderunt & tot Catholici, nec tamen indoluerunt, aut vindicârunt. Soli Torunenses, & hi quidem Hæretici, afflicti Plebani calamitatem miserati; pro eius iniurijs verba fecerunt. O insignem Torunensium pietatem? O nouum & admirandum studium Hæreticorum hominum, erga Parochum Catholicum. O incredibilem tuendi eiusiuris, ac per vim ereptæ possessionis vindicandæ, curam ac sollicitudinem. Sed num ille ad vos, vestrumq; præsidium aliquando confugit? Num opem vestram implorauit?

Nollem hanc, iam toties ab alijs recoctam cramben, iterum atq; iterum cum Torunensibus recoquere, tam manifestum eorum commentum refellendo, Iesuitas dolo fraudeq; in officium, ædemq; Parochi Torunensis irrepsisse. Sed quia ipsi, hoc adeo odiosum epulum, illud toties edendo, minimè nauseant: vincam & ego, licet nauseabundi stomachi mei fastidium, & ex proposito separato capite, de nostra Torunij habitatione in ædibus Parochialibus, ex consensu Parochi, & autoritate Culmensis Episcopi, cum Torunensibus disputabo: vt tandem aliquando, hanc cramben toties recoctam fastidiant. Interim verò dicant nobis, num Parochus domo, quam Torunij inhabitet careat? vnde illam habeat? An non longè amplior, quàm prior sua esset; & magnificentior, ab Illustrissimo Episcopo Petro Kostka, & Venerabili Capitulo, suo assensu, in commutationem accepit?

Sed Torunenses nimis in alienis rebus curiosi, causam fortasse, cur Iesuitæ à Parocho Torunensi, pro Cooperarijs adseiti essent, requirunt. In vestrum caput idiolum Torunenses quæritis: vos, vos enim huiusrei causam attulistis, qui cum bona illius Ecclesiæ, ex quibus Parochus viginti Vicarios alere potuisset, diripulistis; ille demum adactus est, vt cum ipse cum duobus duntaxat Vicarijs, labori nullo modo sufficeret, nos tandem in partem oneris aduocaret. Qui enim tres Sacerdotes, tantæ multitudini, qualis Torunij est, tum aduenarum, tum incolarum, nisi mille manus haberent, satisfacere possent? in pænitentium confessionibus excipiendis, infirmis, & ex hac vitia decedentibus adiunandis, rudibus instruendis, concionibus ad populum habendis, quæ Torunij singulis Domini-

cis & Festis diebus, ternæ pulpito habentur. Cui tantò oneri, ipsi etiam nostræ Societatis homines, licet impigrè in eo versentur, vix pares esse possunt.

Atq; hîc Anonimus, dum de Ministerijs nostrorum, nominatim verò de Confessionibus excipiendis, fecisset mentionem, temperare sibi non potuit, quin ad contumelias, tanquam ad asylum, more suo, sese præceps converteret. Quid ergo asserti noui? Veterem cum reliquis tundit incudem, & toties iam ab alijs decantatam cantilenam recinit. Dicit, *ancillas Civium Torunensium, nostrorum Confessiones ut plurimum auersari*. Quid ita? *Quia*, inquit? *conqueruntur multos sibi scrupulos inyci, in peccata occulta, & ne cogitata quidem, minus pudicè & verecundè ab ijs inquire*. Phui, quid tibi cum ancillis Anonyme, ut earum patrocinium apud Senatum amplissimum & Equites Polonos suscipias. Tuam sanè hanc ancillarum defensionem, inter prima capita tuæ contra nos actionis positam, quis quis leget, mira de te, ancillarum patrono, cogitare illum necesse erit. Vnde hûic homini, tanta cum ancillis familiaritas? Vnde ancillis cum homine hoc, tam secunda confidentia? Siccine res suæ conscientia secretas, adeò familiariter, cum hoc pudico viro communicant! Tacuisses ista facilius Anonyme, ac tuæ bonæ existimationis rationem habuisses. Miretur verò iam unusquisq; quòd talia in eos homines, quorum integritate nihil mundo notius est, ex ore pleno impuritatis, impudentissimè effutieris. Neq; ego hanc tam insignem calumniam, pluribus hîc confutare statui. Siquidem illa à tot grauissimis ac integerrimis viris est confutata, ut si aliqua ex ijs vellem excerpere, bonam huius libelli partem implerem. An non mendacissimum illud commentum, de stupro ac nece Virgini illata à Iesuitis Monachiensibus in Bavaria, Serenissimi Ducis Imperio Solenni diplomate detectum, & dissipatum est? An non & illud impudentissimum mendacium de Iesuitis, mandato Serenissimi Regis Stephani, infami supplicio Cracouiæ in Polonia, ob enormia facinora destinatis, eiusdem Serenissimi Regis publicis literis ac sigillo corruit? Quid ergo Torunenses eundem semper trahunt funem? Cur nos ijsdem incessere non desistunt calumnijs? Cur Iesuitas, secundum normam speculi erecti à Cardinali Dietrichstein, in Confessionibus audiendis procedere calumniantur? quem etiam librum adeò impudicum & infamem, Iesuitis authoribus lucem aspexisse, in illo suo infando de Iesuitis è Regno Poloniæ eijciendis Consilio, Torunij impresso, affirmare non erubescunt. Cur ad hæc mendacia & calumni-

calumnias, tot tam luculentas Virorum Illustrum responsiones non legunt, ad R. D. Ziemecki Archidiaconi Pczewiensis. & ad R. D. Cichocki Parochi Sandomiriensis, ipsiusq; Illustrissimi Cardinalis à Ditrictu: curus etiam toti mundo notæ integritati, impudicus hîc tenebrio, tantam obscenitatis notam inurere non veretur. Eant ergo Torunenses, & ad suas calumnias & crimina, responsiones ac refutationes videant: ijsq; lectis, vel responsiones, si eis non acquiescunt, refellant; vel si refellere non possunt, sileant, & eandem tundere incudem, tandem aliquando desistant; vel certè noua, quæ nobis obijciant, crimina comminiscantur. Sed difficile est lupum aratro iungere, & Torunenses ac reliquos Hæreticos, à maledicendi consuetudine abducere: quibus Solenne ac penè innatum est, calumnias: licet vel millies sint refutata, iterum atq; iterum recudere, fabellas de Iesuitis sparsas semper in ore habere: quòd cædis Henrici Regis Gallia sint authores, quòd quemcunq; Tyrannum licere occidi doceant, quod Monarchiam perluadeant &c. quæ tamen nunquam probant.

Atq; extrema huius capituli parte, committere non possum, quin pauca de criminibus obiectis, verba faciam. Atq; illud inprimis quòd de scrupulis iniiciendis dicit Anonymus, nescio an improbitatem magis Hæreticorum prodat, qui dum modo quis non Sacrilegus, non homicida, non fur existat, securos esse iubent: an verò nostram pietatem commendet, qui etiam in rebus paruis timorem Dei fidelibus inculimus. Deinde sit ita: dicant ancillæ, quod volunt: nunquid arbitrio illarum, hac in re tam graui standum est? Constat Lutheranorum Ministros, Confessiones pænitentium, non nisi ad libitum illorum excipere.

Ad secundam porrò partem, nihil de nostra integritate tangendo, vt pote, quæ iam sit toties stabilita & defensa, respondeo: nos non nisi vel cum hominibus ijs, de peccatis quæstiones instituere, qui ob imperitiam & rudem ignorantiam, peccata sua non agnoscunt, vel ea confiteri non sciunt; vel ea duntaxat rogare, quæ Sacramenti necessitas requirat, & castæ aures patiantur. Sed de hac materia homini Hæretico, non expedit plura referre: vt tamen Hæreticorum & in criminando impudentia, & mira quædam illorum Ministris innata huius vitij familiaritas pateat, pauca admodum ad calcem huius capituli attexam. ac inprimis nolo, breuitati studens, vt possem, tot exempla eorum, qui manifestè huius sceleris, in hoc ipso nostro Regno conuicti sunt, huc adducere, quibus plurimi libelli contra

iplos editi sunt pleni: hoc tantum dico, vix aliquem hætenus Mini-
strum Hæreticum repertum fuisse, qui sine vxore aut scorto viuere
potuisset: nullam prouinciam, & vix aliquam ciuitatem inuentam
in qua illi essent, quam non huiusmodi abominandis facinoribus
polluissent. Qui enim alij, ex hisce stirpibus & ramulculis, fructus
poterant expectari, quàm qui ex ipso, ex quo hi progenerati sunt,
trunco prodire, imò si alios fructus dedissent, suam planè vicisse
naturam dicendi essent. Quàm enim castus, quàm pudicus, quàm
continens, primus ac præcipuus Patriarcha ac Pater omnium Præ-
dicantium, Lutherus fuisse, egregiè Erasmi in Epistola ad Danie-
lem Mauchium Vlmamum testatur. *Montini lepidissimis literis*, inquit;
nescio an vacet nunc respondere. Nunciabis illi rem latam; Lutherus, quod
felix faustumq; sit, deposito Philosophi pallio, duxit uxorem, ex clara familia
Borna, puellam eleganti forma, natam annos 26, sed indotatam, & qua
pridem deserat esse vestalæ. Atq; ut scias auspicias fuisse nuptias, pauculis
diebus post decantatum hymenæum, noua nupta peperit. Eundem elegan-
ter depinxit & Iustus Baronius in suo opere de Præscriptionibus,
Lutherus, inquit, heri Monachus, hodie sponsus, cras maritus, perendie
Pater. Sed nec Calvinus, vt alios præteream huic dissimilis fuit, qui
vt Hieronymus Bolsecus accurate & authenticè perscripsit, præ-
terquam quòd moribus superbus, arrogans, ac crudelis esset, ita
scortationibus ac omni spurcicie addictus erat, vt propter præpo-
steram libidinem ac lodomiam, publicè candenti lilio inustus fuisset.
Taliū itaque Parentum, nil mirum est, si tales existant filij, adeo
vt ipse Erasmus in Epistola ad fratres inferioris Germaniæ; eos sine
vxoribus nequaquam viuere posse asseueret: & infra mirando di-
cat: *Qua malum, inquit, ista salacitas? vnde tanta carnis rebellio in ijs*
qui se iactant agi Spiritu Christi? Et quod longè mirabilius est, tanta
iam in his nouis Christi Ministris, carnis rebellio, vires accepit, vt
neminem è suis, licet maximè velit, sine vxore aut scorto viuere
permittant: & hanc vnicam suæ doctrinæ ac professionis, tesseram
esse velint, in hocque cognosci ab omnibus, quia Christi discipuli
sunt: non si, vt ille voluit, se dilexerint ad inuicem; sed si absque
vxoribus non maneant. Noueram ego Vlnæ Ministrum quendam
Hæreticum Popowski dictum, hominem alioqui prudentem, &
grauem, qui tamen deposito Monachi cucullo, Caluini doctrinam
simul & Pallium induerat. Hic cum diu sine vxore cælebs viueret,
& eam accipere sibi religioni duceret; (necdum enim se votis, qui-
bus se in Cænobio obstrinxerat solutum sentiebat) ab alijs Mini-
stris

Aris sapiens de vxore ducenda interpellabatur. Sed dum in
 proposito perueheret, & celibatum amplecteretur, enimvero
 Ministri illum de religione suspectum habere ceperunt; rati celi-
 batum minimè suo instituto sectæq; congruere, imò è diametro planè
 cum ipsa pugnare. Ergo adoriuntur hominem, & in Synodo coa-
 cta eilitem intendunt, & vt de religione suspectum accusant, à
 qua sua vitæ ratio, cum vxorem habere nolit, maxime abhorreat.
 O vestram egregiam vitæ sanctitatem. O tesseram vestræ religio-
 nis insignem. O religionem pudicam, quæ pudorem ablegat, casti-
 tatem non nouit, continentiam execratur, libidini fræna laxat,
 scortationes amplectitur, & eos qui scortatores esse nolint, tan-
 quam fæces & purgamenta sui instituti auersatur, & repudiat. Hæc
 ipsis Hæreticis testibus, est Ministrorum Euangelicorum continen-
 tia & castitas.

CAPVT QVINTVM.

*Torunenses in templa Catholicorum, nullum ius habent, neq; ab
 Antecessoribus suis traditum neq; ex vi eius pacis, qua inter dissi-
 dentes de religione est stabilita, & à Iesuitis nunquàm improbata,
 concessum.*

DVO hic simul agam; ostendam inprimis Torunenses ini-
 quos esse templorum Catholicorum possessores: deinde
 criminationem de Confæderatione, quæ illa à nobis con-
 tinuo impugnetur, diluere contendam: Inde scilicet orta hæc ca-
 lumnia, atq; vnum cum altero coniunctum ab Anonymo: Res ita
 se habet. Deprehenderat Orator noster, iniquissimè agere Toru-
 nenses: eo quod temerè iniustam rerum alienarum possessionem
 nobis obijcerent, cum illi per nefas apertè aliena sibi vsurparent;
 vrsit igitur, vt dicerent, quo iure ipsi aut conscientia, templa Catho-
 lica & bona Ecclesiæ possiderent? quæ res adeo illis stomachum mo-
 uuit, vt Patronus eorum dicere non dubitaret. *Non tenentur, inquit,
 vobis relegatis ex Gallia, Torunenses huius rei rationem reddere: non est ve-
 strum Iesuitæ cum Torunensibus, ea de re exposulare, nec me eorum nomine
 aniles rixas vobiscum frustra texere.* Itane verò? non tenentur Toru-
 nenses, quo iure templa Catholica possideant, respondere? Per
 quam facilis planè obiecta crimina diluendi ratio. At viri boni

certè est, & qui causæ suæ fidat, suarum rerum, quò omnibus sua innocentia manifesta sit, rationem reddere non erubescere. Et cur vos multa nobis hic exprobastis: multorum vobis rationem reddi voluistis? vt de Venetis, Anglis, Gallis, Hispanis, & multis alijs quæ ad vos minimè spectant? Iam verò si aniles rixas, de possessione Ecclesiarum disputare, causidicus vester esse putat, cur tam impudens fuit, vteriam de domo nostra, quam iniuste per decennium occupatam tenuistis, nobiscum rixari nomine vestro voluerit, tam prolixam de ea disputationem instituendo? Respondet nihilominus Patronus Torunensium molestæ interrogationi, indignabundus tamen, nec sine insigni in nos contumelia & calumnia, eò quòd hæc res directè ferierit frontem illius & suorum.

Iure, inquit, & quidem triplici, bona prædicta possidentur à Torunensibus: tum quia ea ab Antecessoribus suis, tanquam per manus successionem quadam acceperint: tum quòd à Serenissimis Polonia Regibus in eorum possessione, confederatione Regni intercedente, contra quam, inquit, vos canum latransium more blateratis, fuerint confirmati: Sed an vel leuem spiculi arundine ictum, hic murus Torunensium aheneus, possit sustinere, videamus.

A suis maioribus aiunt, se templa Catholica, & reliqua bona Ecclesiastica accepisse, audio; sed quos recenseant maiores? expecto: nec video. Dicite Torunenses, quinam illi maiores vestri fuere, Catholici ne an Heretici, à quibus has possessiones per successionem accepistis? Catholicos dicere non potestis; nam vt ex meo nihil addam, vel ex ipsis Illustrissimi Episcopi Cuiaviensis Laurentij Gębicki literis, ad vos ab eo datis, quas in primo capite citavi, vos lucè palam confutabo. Atq; vt plurima ex ijs literis ab ipso vsq; D. Casimiro repetita, quæ ipsi per vos legere potestis, omittam, illud tantum isthucasserò. Sanè, inquit ille, cùm maiores vestri tantam illam fabricam templi molirentur, cùm Scholas, domiciliaq; sacerdotum pia impensa pararent, cùm amplam dotem assignarent Ecclesiæ eiusq; Ministris; ad ea omnia Episcopi assensum & licentiam petierunt, & perfectà opera ista, ac ipsi D. Deo consecrata, in ipsius potestatem ac fidem contulerunt. quòd religiosissimi homines probe intelligerent, rerum diuinarum, sacrarumq; adiunctorum curam ad eos pertinere, quos Dominus vnctione misericordiæ suæ, in opus Sacerdotale delegisset, abundeq; negotij sibi fore, si publica munia, si publicæ ac priuatusq; domos ipsi rectè administrassent. Consulite Annales vestros ac ipsa primordia vrbis vestra recognoscite, ita vt scribimus ista se habere proculdubio cognoscetis: Quæ igitur illi summa pietate, in matris Ecclesiæ, Episcopis

scopi, ac ordinati ab eo Parochi potestatem tradiderunt, ea vos in possessionem vestram, iterum vobis ipsis authoribus, vobis iudicibus, vindicabitis, & quidem non iure, sed vi manuq; disceptando? Nos ex possessione deturbabitis, quam olim possidemus? Habemus origines firmas ab ipsis authoribus, quorum res fuit propria: nos heredes sumus, sicut testamento ipsi cauerunt, sicut fidei commiserunt, sicut adiurauerunt, ita tenemus, & tenuimus. Vos exheredauerunt & abdicauerunt semper, tanquam extraneos, & inimicos, vti contra vestri similes ab vniue S. Ecclesia diuisos, tot ante saculis scripsit Tertullianus: Desinite igitur in curam & tutelam Ecclesiarum vos ingerere, qua à Catholicis fundata maioribus, Catholica religioni in perpetuum sunt adscripta. Hucusq; Illustrissimus Episcopus; ex quibus planè Torunenses intelligere potestis, vos vestram Ecclesie Catholice bonorum possessionem, in antecessores Catholicos nunquam referre posse, qui omnia illa bona Deo, & Ecclesie Catholice Romanæ donarunt, & in manibus eiusdem ac Episcoporum relicta esse voluerunt: vos contra, instituta illa & donationes rescindatis, ad vos ipsos transferatis, & ex iurisdictione exempta esse contendatis & enitami. Possem, nisi me prolixitas orationis deterreret, multa etiam, in hoc genere ex Illustrissimi Petri Tylicki tunc Episcopi Culmenis, nunc autem Cracouiensis, literis adducere, in quibus ille, cum primum nostros Torunium induceret, vos de his rebus conuicit, sed quia has literas vestro asseruatis archiuio, ad eas vos remitto. Hæcne igitur vos tam abominanda, tam inaudita Sacrilegia, in vestros maiores Catholicos refferetis? Ab Hæreticis antecessoribus, iam vt video vestram successionem exordiemini, At illi qua fide, cuius assensu, quo priuilegio, quo iure, in hæc bona inuolârunt? producantur tabulæ, producantur decreta, producantur Reges ac Episcopi quorum assensu hæc occupârunt? sed nempe vt Hæretici, raptores, Sacrilegi, bona Ecclesie, quam matrem agnoscere nolunt, non vt filij, sed vt degeneres, & abortiui rapuerunt, violârunt, dissiparunt. His vos gaudetis maioribus, ab his vestrarum possessionum Sacrilega deducitis exordia. Verùm an licitè iusteq; raptores, res à raptoribus raptas possideant, vosmet vobiscum expendite. Atq; cum hac fide templa Catholica bonaq; Ecclesie possidetis, vosne Serenissimis Poloniae Regibus, tantam maculam aspergere non reueremini, vt vestras rapinas, vestra Sacrilegia, ab illis confirmata esse dicere audeatis? ô impudentiam; ô mendacium; nominentur isti Reges, qui tantam infamiae, iniustitiae, Sacrilegij notam S. R. Maiestati inuolâre: proferantur diplomata; quibus

tantum

tantum approbârunt facinus? An non Reges Poloniæ in prima sui inauguratione, cum clauum Reipublicæ capessunt, Sacramento Iuramenti, verbis conceptis se se obstringunt, omnia Ecclesiæ iura per se facta tecta futura? an non cum & alia iurant, saluis tamen iuribus Ecclesiæ, semper addunt? ecce vestrum alterum ius Torquentes, id est iniuria, quam & Deo & Regibus Poloniæ per summum scelus facitis, & vtriusq; nomē nefariè violatis. Quo prognatū eodē est, & illud tertium vestrum, quod additis de confederatione, à vobis conficta. Quæ enim vnquam in Polonia talis Confederatio fuit, quis eam bonus admisit, per quam aliena rapere, rapta non restituere, latrocinijs, direptionibus passim sœuire liceret? Id ne Confederationis nomine, maiores nostri intellexerunt, cum eam in gratiam hominum diuersæ Religionis à nostra, admittebant? Ne ergo erretis, & Confederationem ad diripienda bona aliena institui putetis, pauca ex protestatione Magnifici D. Brodowski Notarij terrestribus Lublinensis, facta ab eodem Lublini, in qua acta Comitiorum generalium anni 1613. quibus ille nuncius aderat, continentur, hic attexam, vt ex totius Regni sensu quid sit Confederatio, discatis.

Cum enim nuncij aliqui Euangelicæ Religionis proposuissent in illis Comitijs, vt sibi liceret, ex vi, vt illi malè exponebant, Confederationis concessæ, anno 1578. cum emunt bona stabilia, Ecclesias Catholicas, vna cum prouentibus illarum, quæ in illis erunt mutare, & ad suam fidem & Ministros transferre. Hoc responsum à Serenissimo Rege, à toto Senatu, & ab alijs omnibus nuntijs acceperunt. Quemadmodum interueniente interregno, post Regem, felicis memoria, Sigismundum Augustum, per homines seculares duntaxat status, propter pacem retinendam, Confederatio est concessa; ita sub Henrico felicis memoria anno 1573. tantummodo ad stabiliendam pacem est adiurata. Verum in coronatione eiusdem Regis Henrici, in nullo est confirmata, imò in confirmatione libertatis, in iurium, ac Privilegiorum Regni, statuum tam secularium quàm spiritualium, Ecclesiarum & personarum cuiusvis conditionis, per eundem Regem Henricum in anno 1574. in recessum; sub titulo oblationis articulorum contentiosorum, ad Comitia districtum est relata; deinde per Regem Stephanum 1576. & post Stephanum Regem dum interregnum esset 1587. tandem per inuictissimum modernum Regem & Dominum nostrum eodem anno, & in sua Coronatione & confirmatione iurium omnium & pactorum in anno 1588. non in permutatione employum, aut in subtrahione iurisdictionis spiritualis, iurium & Privilegiorum Ecclesiasticorum

corum, civilium, & personarum cuiusvis ordinis, & iurisdictionis ipsarum; neq; in constitutione iurisdictionis contraria, neq; in subtractione prouentuum personarum Spiritualium, sed duntaxat in retinenda pace inter homines diuersae Religionis, iuramento stabilita est: consilia vero & modus procedendi ad Considerationem constitutus partibus inferuens, in recessum sunt relata. Emptionem praeterea, facultatum quae essent haereditariae, ad emptionem seu permutationem Ecclesiarum aut iurisdictionum & prouentuum Spiritualium, minime pertinere declaratum est. Nam quemadmodum Catholici, dum semel templum & prouentus pro fide Catholica fundarunt, iterum pro alia religione, aut beneficio etiam eiusdem fidei, permutare non possunt: ita plane alterius Religionis homines, fundationes, prouentus, Iurisdictiones Catholicorum in alteram fidem transfundendi nullum ius habent, quandoquidem ius Patronatus, non ad permutationem, neq; ad diminutionem iurium & prouentuum, sed ad subrogandos tantummodo Ecclesiae praepositos, haereditibus inseruiat.

Quod attinet ad partem Senatus Spirituales circa Considerationem, illa non ad stabiliendam permutationem, sed tantum ad pacem inter homines diuersae Religionis conseruandam, ut subscriptiones omnium testantur, suum subscribat nomen, atq; in his subscriptionibus articulum de Consideratione (si quid aliud nomine Considerationis intelligeretur) excipiebat, & saluum ius Ecclesiasticum volebat hac ex Actis Castri Lublensis. Ac ne longior sim, nolo, ut iam statueram, huc producere protestationem in castro Sochaczouensi Anno 1573. feria tertia post Dominicam Quadragesimae sub interregno factam, ab Illustrissimo patris memoriae Iacobo Vchanski Archiepiscopo Gnesnensi, & tribus Episcopis praesentibus, Polnienensi, Ploccensi, Chelmenensi, ac multis ex nobilitate saecularis status, nomine omnium aliorum Ecclesiasticorum, & fere totius Nobilitatis Polonae, contra Considerationem: cum primum illa ab Haereticis Senatui ac Nobilitati, quae pro electione Regis Varzauiam confluxerat, oblata, & a quibusdam illorum, non ab omnibus admitta fuisse: quam Considerationem, ut perniciosam, & contrariam legibus, non solum Ecclesiae Christi, sed etiam Regni Poloniae, & quae viam omni sceleri, Haeresibus, Sacrilegijs, impunitati, cadibus aperiret; protestantur publice, se nomine totius Senatus Spiritualis, ac saecularis, contra paucos illos execrari, damnare, ac nulla ratione ei subscribere. Cuperem sane hanc protestationem, tam Illustrium virorum a Torunensibus perlegi, ex qua intelligerent, an vnquam talis Consideratio in Polonia, qualem illi comminiscuntur, & qualem cuperent, tueri admissa.

Frustra itaq; Torunenses suam iniquam bonorum Ecclesiae possessionem

tionem in Confederationem referunt. Nam si en aliquando à Regibus, seu Nobilitate Polona concessa fuisset: quid causæ esset, cur ferè continuo episcopi illis, de bonis Ecclesiæ direptis litem intenderent, de iniurijs vbiq; expostularent, de restitutione templorum, ac possessionum Ecclesiæ litigarent? cur & ipsi Serenissimi Reges, totus Senatus, omnia Tribunalia, omnes iudices qui hæc causas examinant, eos iuberent, vt male fidei possessores, ablata restituerent, è fundis malè partis excedere, templa Catholica olim erepta reddere? Silendum potius vobis esset, ne dum, iam toties vestra commenta luce palam confutâtur, erubescere cogamini; sed dum finem nullum criminationum in alios facitis, & vestras rapinas, Sacrilegia, fraudes, fallacibus quibusdam ratiunculis tegitis, iustè hæc, quæ maximè nolletis, auditis,

Atq; vt id quod initio proposui, tandem aliquando concludam, mirari satis non possum, qua fronte Torunenses, per insignem, vt solent, contumeliam, nostræ societatis homines, more canum semper blaterare contra Confederationem dicant. Nam si per confederationem idiplum, quod omnes boni intelligunt, & quam tot Reges, Principes, Senatores, ac vniuersa nobilitas Polona ad solam pacem & tranquillitatem reip. stabilendam, vt iam manifestè docuimus, admiserunt & approbarunt, doceant vbi nam & qui Iesuitæ contra talem Confederationem, vel vnum verbum fecerunt, aut aliquem in causa Religionis puniendum esse vserunt? Quod si nomine Confederationis, libertatem Ecclesias Catholicas occupandi, facultates illarum diripiendi, occupatas iam per vim non restituendi, iura Ecclesiastica peruertendi, vt ego puto, & ipsi se manifestè produnt, & prodiderunt in penultimis comitijs Regni, intelligunt; adeone impios ac in vniuersam remp. Christianam infidos, ac perduelles Iesuitas esse volunt: vt quàm Confederationem omnes Reges summa constantia repudiariint, omnes Ecclesiæ principes maxima contentione impugnariint, omnes Senatores, vniuersa nobilitas Catholica summi æquè omnes ac infimi, totis viribus æterna obliuione obrui, sint adniti; vt pote pacis communis inimicam, & quæ non priuatorum duntaxat facultatibus, sed vniuerso Regno certum machinetur & portendat, imo afferat exitium & ruinam, eam a solis Iesuitis defendi & promoueri velint? Addo plus, eamne Confederationem Torunenses à Iesuitis laudari velint, & si eam impugnent, eos more canū blaterare dicant, quā non iam Catholicis, sed ipse illorum Apostolus & primarius minister Calvinisticus Theodoras

odorus Beza in Epist. Theolog. Pag. 20. & 21. disertissimis verbis est execratus, & condemnauit. *Libertatem inquit ille, consensu permittente, facere vnum quemq; si velit perire, mere Diabolicum dogma est, Et hæc est illa Diabolica libertas, quæ Poloniam & Transylvaniam, hodie tot pestibus implevit, quas nulla alioqui sub sole religiones tolerarent. Hæc ille.* quid hisce verbis luculentius, quid clarius? vestrumne vos, Torunenses, apostolum more canis blaterare diceris, qui tam vehementer, tam acriter, in quamvis Confæderationem & nominatim, eam quam in Polonia permissam dicitis, inuehitur? nã iniurij eritis,

Sed vestra est hæc Lutheranorum & Calvinistarum natura, vt cum in aliqua Ciuitate aut Regno superiores estis Catholicis, & iisdem dominamini, Confæderationem vituperetis, & vt impia & abominanda in se continentem, nequaquam admittatis: si verò inferiores vos illis esse contingat, continuo eam laudetis, vgeatis, & contra eos, qui eam vituperant, verbis, conuijs, & maledictis inlurgatis, multaq; eis nefaria & horrenda affingatis. Cur ita? quia cum auditis a quopiam Catholicorum, in Regno Catholico Confæderationem damnari, putatis iam vos expeti ad mortem, & bona vestra ad direptionem, quæ vos nequaquam subire vultis: cum non tanti faciatis fidem vestram, aut potius perfidiam Lutheranam aut Calvinianam, vt pro eius integritate in vltimum vitæ ac fortunarum vestrarum discrimen, venire non recusetis.

Hanc itaq; Confæderationem, quam non Polonia solum, sed vniuersus orbis vt pestem auersatur, nos cum omnibus bonis, imò & cum vestro Beza, impugnare, inficias non imus. Quod si id in nobis Torunenses reprehendunt, quod omnes omnium ordinum homines summa animi contentione faciunt, videant etiam atq; etiam, quo animo sint in patriam, quam fideles Regibus, quam Reipublicæ addicti, quam pacis & tranquillitatis communis studiosi: qui hanc funestissimam pestem, non solum per te, sed per alios etiam, in nostrum Regnum inuehi expetant, eosq; qui ei resistent, summis oppugnent viribus, & omnibus modis nocere quærant.

CAPVT SEXTVM.

Iesuita non impediunt, ne Religio Augustana liberè Torunij exerceretur.

IN accusatione sua Torunienses, coram Conuentibus contra nos instituta, hoc crimen primo loco nobis impoluerunt: Iesuitas videlicet summa ope adniti, vt Religio Augustana Torunij, ac in tota ferè Prussia aboleatur, & ex omnibus Templis ac Scholis, penitus exturbetur. Id quia Defensor noster dici tantum a Toruniensibus, & non probari optimè docuit; cum Torunienses vbi, & quo tempore, quo in templo, quibusq; in Scholis, & per quem Iesuitam id factum esset, nec ostenderunt, nec possunt ostendere: ego actum agere nolo, atq; adeo à confutatione huius criminationis lupersedeo. Cum itaq; hanc suam accusationem Torunenses improbatam reliquissent, eamq; Patronus Torunensium, ab Oratore non conuulsam modò, sed irrisam etiam videret, quibus eam nunc machinis propugnare, quibus argumentis ac rebus erigere, & stabilire contendat videamus. Prò dolor, inquit ille, (*speclati visum teneatis amici*) quanta impudentia spiritus Iesuitici, negare ea quæ omnibus sunt in propatulo? Nonne Vilna & Posnania testes sunt, vt de alijs ciuitatibus nihil dicam? An non is, qui, tēpla exurit, Ministros Ecclesiæ violento conatu persequitur, concionibus, & thesibus suis in publicum editis, spe impunitatis promissa, Scholares suos, & populum ad vim Euangelicis, eorumq; pietati, inferendam incitat, eamq; absq; scelere fieri posse persuadet: an non inquam in exercitium Augustana religionis turbat, & illud, ex ipsis planè fundamentis, euersum cupit? O insignem, Rhetoremne dicam an argumentatorem? qui tam patheticè vt Rhetor, argutè vt Philosophus, suam promouet quæstionem: criminatorem dicam verius. vt pote cuius & ipsum Pathos, & argumentum ex criminatione, calumnia, & odio, sit conflatum. Quid enim sibi vult illa inelamatio *scelus, dolorem designat*: nempe Torunensium Hæreticorum: qui quod Iesuitas, licet omnes machinas adhibeant, opprimere non possunt, penè dolore crepant. Quam impudentiam, spiritui Iesuitico, impudens illa anonymi oratio adscribit: nempe illam, quam ex imis inferorum sedibus erumpens, Cacodæmon Hæreticis inspirauit. Quæ tandem illa sunt, quæ omnibus in propatulo esse dicit, ea tamen à Iesuitis negari? num quòd Iesuite, Augustanam Confessionem impediunt? at hoc qui sciat, præter Torunenses, & aliquos ipsis similes Hæreticos, nemo inuenitur, imò nec ipsi sciunt, sed hallucinantur & turpiter errant. Sed anonymus testes huiusrei Vilnam, & Posnaniam adducit. Longum certe saltum facit. Debebat enim probasse, Iesuitas Torunij, quod Torunienses obijciunt, & in tota Prussia Augustanam impedire religionem. At quid Vilna, quam ipse

testem

in testem adducit, & Posnania cum Torunio & Prussia habent, nisi
fortè Torunenſes, Prussia, & suæ ciuitatis terminos, Vilnæ & Po-
suanæ circumſcribant limitibus? Ergone is qui Vilnæ, aut Posna-
niæ scelus admittit, eo ipſo Torunij, aut in Prussia illud admiſſiſſe
dicendus eſt? O argutum caput? Deinde fuerit ita, vt non eſt, im-
peditur Ieſuitæ, Auguſtanam religionem Vilnæ, & Posnaniæ,
quid ad vos Torunenſes? vos Torunij ab illis impeditam eſſe pro-
bate. Agant Vilnenſes, agant Poſnaniænſes, de ſuis, ſi quas pati-
untur iniurijs, Sed tam Vilnæ, quàm Poſnaniæ Ieſuitas aliquid ho-
rum, quæ illis Torunenſes obijciunt, attentasse, falſum eſt. Quid
enim anonymus nōmine Vilnæ, vel Poſnaniæ intelligit? num ho-
mines Catholicos, an Hæreticos? ſi Catholicos: cur ex tanta multi-
tudine, teſtem vel vnum non producit, nec nominat? Si Hæreticos,
nec horum, tamen ſi ſuſpecti teſtes ſint, refugio iudicium: prodeant,
& ſi quid habent legitimè atteſtenrur. Quod verò dicit nullam ſe
velle tacere mentionem, de alijs ciuitatibus, cur ita? proferat, enu-
meret, per nos licet. Sed quia nullas habet quas numeret, facilè
patior eas ab illo tranſiri. Pergo ad argumenta nunc anonymi. Au-
daçter & triumphanti ſimilis ac ſi viciffet dicit ille? *An non is Auguſta-
nam religionem perditum abijt, qui templi exurit, Miniſtros perſequitur &c.*
Itane verò? At ſi illa templi ſint Ariana, vel Caluiniana & illi Mini-
ſtri Ariani, vel Caluiniftæ, num ſi quis vel hos perſequatur, vel illa
exurat, Auguſtanam peſſundare dicendus erit religionem? At quid
Ariani, quid Caluiniftæ cum illa habent? Simile hoc planè videtur
argumentum illi, quo quis perduellem quempiam Hispanum, qui
multa in ſuo Regno patraſſet, eum contra Regem Poloniæ hoc ipſo
deliquiſſe probaret. Sed valeat hoc Anonymi argumentum. At Ie-
ſuitas aliqua templi exuliſſe, Miniſtros eorum perſecutos eſſe vnde
probat? ad Vilnam, credo, & Poſnaniam, à qua iam repulſam paſ-
ſus eſt confugiet. At Vilnæ non Auguſtanæ, ſed Caluinifticæ ſectæ,
templum ignis abſumpſit. Quid verò vos Torunenſes cum templis,
& Confefſione Caluinianæ ſectæ, quæ e diametro pugnat cum Au-
guſtana? Imò nihil iam vos cum Auguſtana, vt poſtea videbimus, quæ
ſolum vobis per diſſimulationem Torunij permiſſa fuit. Deinde
nunquid Ieſuitæ authores incendiij, templi Caluiniftici Vilnæ, exti-
tère, nunquid vel iuuentus quàm ipſi in ſuis Scholis literis inſtituunt?
At non contra Ieſuitas, nec contra eorum iuuentutem, dum adhuc
recens factum eſſet, ab ipſis Euangelicis, coram Commiſarijs Regijs,
Illuſtribus & Magnificis D. D. Marſalco, & Cancellario Lituaniæ,

quorum alter Catholicus, Euangelicus alius erat, accusatio fuit instituta, quibus Rex Serenissimus hanc causam iudicandam demandat, ut & in authores tacti inquirerent, & conuictos criminis pleterent. Illa ergo accusatio non leuitas, sed quorundam ciuium, atq; eorum etiam, ut apparuit, innocentium, caput petebat; quos dum conuincere accusatores non potuerunt, iusi iuramento rem confirmare, cum id non auderent, decreto Commissariorum non acquieuerunt, sed ad Serenissimum Regem appellarunt. Fecit ille ubi primum victor gloriosus, expugnato & capto Smolensco, Vilnam rediisset: quod Regem Catholicum, & patriæ amantem decebat: nam per le ipsum omnem diligentiam, in ea controuerha adhibuit: iudicare eam voluit, diem dixit, accusatores, & reos coram se adesse iussit: sed ut isti freti innocentia comparuerunt, ita illi diffidentes æquitati accusationis, noluerunt: & causam perdiderunt. Placuit tamen istdem per Nuntios quo'dam hanc eandem querimoniam in Comitibus, Anni 1613. coram Serenissimo Rege, & totò Senatu, iam planè sopitam excitare: quibus hoc responsum datū fuit: Serenissimum Regem fecisse iam ea omnia quæcunq; illa causa postulabat: accusatores decretis Commissariorum non acquieuisse, iudicia ipsius Regiæ Maiestatis detrectasse: Comitibus tantum importunè & inutiliter quiritationibus, & obsoletis fabellis interturbare, nihil deniq; certi asserre. Ita refert in sua Protestatione M. D. Brodowski, iam ante à me citata, in qua etiam omnia illa, quæ circa combustionem templi Calvinistici a me dicta sunt continentur. Videant ergo Torunenses cuius oris sint; cum Vilnenlem tragediam renouant, & in qua ipsi accusatores Euangelici, leuitas esse voluerunt; illi eos per summam impudentiam intrudent.

Atq; hæc quidem cum ita se habeant, quam iniquè, quamq; sine villo veritatis vestigio, Torunenses vociterentur. a leuitis Torunij Augustanam impediri religionem, quis non videt? cum nullum hactenus, vel leuissimum huius rei asserre potuerunt, ut maxime optabant, iudicium. Vos potius Torunenses isthæ parabola tangit, vestrum hoc crimen est, qui ad hoc vnicum, vestras omnes vires, omnes conatus, omnia studia, omnes cogitationes, omnes penes opes ac facultates conuertistis, ut religionem Catholicam, ne liberè Torunij exerceatur, impediat, ac peruertatis. Et hoc est quod Orator noster vobis obiecit. Quid enim? An non impedire Catholicam religionem est, Catholicis priuata autoritate, ius & officia ciuitatis denegare? pompam solennem in qua sacrum Christi D.

Corpus

Corpus, publicè per urbem de more Torunij antiquitus recepto, defatur prohibere, oppugnare, & perturbare, atq; ad iniurias Deo & Catholicis inferendas, tumultus ac seditiones movere, omnes alias processionis publicas feuerè vetare; personas Ecclesiasticas ad ius suum vocare, Episcopis iura velle præscribere, ac eorum & Ecclesiæ iura sibi viurpare: Catholicos omnes tanquam iniustos, latrones, ac perduelles vocare: & quod longè magis dolendum ac detestandum est, pauperes qui in nosocomis, a Catholicis olim extructis, & de iure Episcopo Culmenti subiectis aluntur, ad Lutheranismum compellere, deniq; ad proprios famulos, ac famulas, si fortè eas cum morte colluctari contingat, nullum Sacerdotem Catholicum admittere. Plura me Torunenses manifestissima vestri in Catholicos odij argumenta recensere cupientem, & tempus & charta deficerent, quæ quàm vera quàm efficacia, & quantum momenti ac ponderis habeant, vos ipsos testes, si quid sapitis, appello, qui ex combustione quorundam Calvinisticæ sectæ delubrorum Iesuitas Augustanam Torunij impedire religionem, argutè planè conclusistis.

Sed dum vos manifestissimis huius indicij, Catholicam Torunij religionem impedire convinco, ne fortè quia hoc Iesuita dicit nō credatis, audite quid Serenissimi Reges in suis decretis & litteris, quid Episcopi, quid Illustres Senatores hoc in genere de vobis & apud vos dicant. Legite Serenissimi Regis ac Domini nostri, literas ad vos anno 1614. 8. Maij datas, in quibus vos, vt verus ac germanus pietatis & religionis Christianæ propugnator, acriter reprehendit, quòd publicos religionis Catholicæ ritus, & exercitia qualia ab ipso ciuitatis exordio (verbis eius vtor) obseruata fuere turbantes, Catholicos Sacerdotes, ne sacra ritu Catholico obeant, publicas statis diebus supplicationes instituunt, impediennes leges, ac statuta Regni conuellatis, & transgrediamini. Et quoniam ad has literas Regi, vos ipsos purgantes respondistis, libet eas, quibus & vestras exculationes contutauit, & quanto odio, in Catholicam religionem ardeatis ostendit, siquidem breuiores sunt, isthic interserere. *Spectabiles & Famati, Fid. nobis dilecti: accepimus literas Fid. V. quibus nobis significant quibus de causis, ne publicæ supplicationes, more Catholico statis diebus in ciuitate nostra Torunensi fierent prohibuerint. Nam antea cum id aliunde accepissemus, perscripsimus minimè nobis probari hanc Fid. V. in præscribendis definiendisq; legibus, quibus homines Ecclesiasticos teneri volunt reuerentem. Ne nunc quidem factum Fid. V. nobis placet neq; ex rationes, quibus eo adductas se ostendunt*

ostendunt, satis idonea videntur, quae iustam excusationem contineant. Frustra enim Fid. V. metu excitanda seditionis praeferunt, cum id totum positi sit in potestate vestra, ne tumultus in ciuitate fiant: quorum initium nequa personis Ecclesiasticis, quae paucae isthic & inermes sunt, neque ab ea, quae in Scholis Catholicis eruditur iuuentute, quae arcta disciplina continetur, & facile Praeceptorum suorum animaduersione coerceri potest, oriatur. Suos modo Fid. V. in officio contineant, neque quicquam noui in ijs praesertim negotijs, quae ad statum ciuitatis non pertinent decernant, ac denique de ijs iniurijs, si quae priuatim intercedunt, ad eos qui corrigendi habent potestatem referant. Non dubitamus autem Fid. V. prioribus literis nostris, sedulo admonitis diligenter expendisse, quid officij eorum sit, & quid fides, quam nobis & Reip. debent, exposcat, de quo serio iterum monemus Fid. V. ac ut securum hominibus Catholicis in Ciuitate nostra, statum praesent omnino volumus.

Hae & plura alia in alijs literis Rex Serenissimus, Sed quid & vestri, Illustrissimi Culmensis Episcopi de vobis dicant, paucis accipite. Atque in primis literas Illustrissimi Laurentij Gembicki, iam toties citatas praeterire non possum, tum ob eius feruentissimum in religione Catholica propugnanda, & tuenda zelum, tum ob eius diuinum plane & ardentem Spiritum, quo eas scripsit: adeo ut inter feruentissimos illos nascentis Ecclesiae Pastores, numerandus esset: quas vos literas, si eo quo est par animo legeretis, si ea quae in ijs dicuntur, sedulo & accurate, vobiscum perpenderetis, mirum est quomodo non ijs verborum fulminibus perculsi concideretis, quomodo ad tantum ignem, vestrum cor glaciale licet, non colliquesceret: quomodo non ei veritati manus daretis? Acerbiorem fuisse, scribit ille ad vos, nostram principio Epistolam querimini. Num blandiri vobis oportebat, cum vos ijs, qui secus, fratres, planeque membra nostra sunt, grauissimas plagas inferretis & cum ad Tribunal vestrum vocaretis, misteriorum Dei dispensatores, legis diuinae magistros, hominum indices, in terra a Salvatore nostro constitutos, qui eiusdem ordinationis, proprios habent indices & magistratus? An non hoc erat spirituale iurisdictionem euertere? an non contumeliam sacro ordini iniungere? an Regiam Maestatem inuiolata constitit auctoritas, cum & viuo & spirante acriterque resistente Parocho, a Maestate sua praesentato, ex ipsius domo plenissimo iure, a maioribus vestris Ecclesiae adscripta, Sacerdotes Regia auctoritate, Episcopi iussu in ea collocatos eiecistis? cum spreto & repudiato benignissimi Principis monitis, ut tantisper ab iniuria temperaretis, dum ipse cognosceret ecquid Scholae, ecquid Societas ipsa vobis noceret, de iure occupata domus apud vos dicere cogebatis? Sed ita est ut ipsi fateamini, & Regiam auctoritatem, & iurisdictionem meam, & Ecclesi-

afficas immunitates intra quas vobis collibuit, metas & terminos cogitis.

Pari spiritu & Zelo, Illustrissimus Tilicki, in suis literis expos-
ulat vobiscum, quod religionem Catholicam omnibus studiis impu-
gnetis, Regijs decretis non optemperetis, Episcoporum authorita-
tem nihili faciatis, in iura Ecclesiæ vos ingeratis, Parocho ac ipsis
demum Episcopis leges præscribere adnitamini: ait enim post multa.
*Illud velimus considerare, quam iniquum & intollerabile sit, si non satis habe-
ant, si ipsa D. V. ab Episcopo non corrigantur, si arbitrato suo Doctores, &
doctrinam sibi deligant, propterq; duritiem cordis illorum; in illo mentis sua per-
niciosisimo; dolendoq; errore permitti cogantur, nisi ipsi etiam Episcopo præ-
scribere velint. Et post pauca iam concludendo Epistolam. Rogamus,
inquit, itaq; & obsecramus in Domino, vt in mansuetudine Christiana chari-
tatem sectantes, suum cuiq; tribuant, qua sunt Cæsaris, Cæsari, & qua Dei,
Deo: Regia collationis, & iuris est templum, ordinis & docendi in eoratio, ab
Episcopis dependet. Sinant ergo D. V. retinere vnumquenq; quod suum est:
quod ex Regij quoq; decreti sententia facere tenentur: non modo enim de posse-
ssione templi concedenda; verum de non impedienda quoq; in posterum, pena
proscriptionis interposita, Regio decreto vobis cautum est. At quoties iam
Torunenses, huius decreti pœnam incurristis, qui toties Catholicæ
religionis iura, in vestra ciuitate violastis? Hæcine igitur vos tam
insignia, tamq; Illustrium Senatorum testimonia contemnetis? Sed
quid ego testimonijs Regijs, aut Episcoporum contra vos vtor?
Testis est vniuersa Polonia, testes omnes ciuitates, testes omnium
ordinum homines, testes ipsæ domus, plateæ, templà, ac muri ci-
uitatis illius, qui toties ipsorum violentias actumuleus, contra Ca-
tholicos, eorumq; sacra ac ritus excitatos, tot iniurias, rapinas, lu-
is contpexere oculis: ita vt domi forisq; nihil aliud agere, nihil mo-
liri, nihil cogitare, in nullam rem maiorem conatum, maius studi-
um, maiorem industriam adhibere videantur, quàm vt Catholicos
opprimant, eorum sacra & sua ciuitate omnino exturbent, templà
occupent, eaq; suis abominandis cæremonijs contaminent. At
quid tale vnquam non dico Iesuitæ, sed Catholici etiam, in Evan-
gelicos commiserunt? Qua in re videre etiam atq; etiam deberent To-
runenses, vtrum iura Confæderationis, quam ipsi semper in ore ha-
bent, & contra quam nos more canum blaterare calumniatur,
non violent: in qua si quando suscepta est, nihil aliud præter deba-
tur, quàm vt pax inter homines diuersæ religionis conseruaretur:
quam pacem Torunenses, tot suis in Catholicos admissis iniurijs,
toties impie violarunt.*

Neq; è re futurum puto vt probem ea , quæ paulò ante Torunen-
sibus, de perturbanda religione Catholica obieci, cū ijs nihil toties
mūdo sit notius & ipsi quòd ea faciāt, inficias ire nō possunt. Ne ta-
men mirentur, cur præter solitū in extremo quod illis obieci crimine,
vehementius in eos sim inuectus, aut certè illud negēt, (motus enim
verè zelopietatis Christianæ rei; ipsius indignitate, calamū inhibere
non potui, quin ea quæ ibi dixi effunderem) vnū exemplū, cuius ego
testis ipse sum luculent⁹ asseram. Sub id temp⁹ quo præerā Collegio
Torunensi, erat apud vnum ex vestris ciuibus, in noua ciuitate pu-
ella, quæ dum post multos in vestris obsequijs susceptos labores,
in morbum incidisset, seq; iam morti quàm vitæ propiorem cerne-
ret: Sacerdotem Catholicum cui animi sui noxas contractas rite
aperiret, ne sine Sacramentis è vita excederet, aduocari rogauit: ad-
uocatur Sacerdos vnus ex Vicarijs, (nostri enim Ordinis Sacerdo-
tibus, nequaquam ad vestras domos huius rei gratia aditus pateret)
Quid hīc vos Torunenses? veluti ad prædam conuolatis, Sacerdo-
tem Catholicum domum inferre pedem non permittitis, vestrum
Ministrū obtruditis, miseram famulam vestris attritam laboribus ad
defectionem à fide Orthodoxa sollicitatis, ad Luteranismum cogitis:
non contenti si vitam præsentem, in vestris laboribus & obsequijs
amiserit, sed æternam etiam per vestrum scelus & impietatem per-
deret; & quibus hic fuit famulata, cum ijs, per eorum inuidiam,
æternos cruciatus apud inferos perferret. O scelus, o improbitatem,
Quid misera hīc ageret ancilla, quo se verteret, cuius imploraret
fidem non habebat. Rogare, obtestari, Diuinam humanamq;
fidem implorare, Deum inuocare eiusq; Diuinum Nomen interpo-
nere non cessat, ne suam animam perditum irent. Sed surdis omnia
excepta auribus. Ergo ad extremum misera famula conuersa reme-
dium, cupere se domo eijs obtestatur, si aliter Catholicum Sacer-
dotem habere non possit. Dictum, factum. Iubetur illa quæ vix
pedes mouere poterat & in suis obsequijs eò calamitatis deuenerat,
& vitam pene amiserat, abire quo vellet, Secessit igitur in domum
cuiusdam Catholici. Accedit tunc primum optatus Sacerdos Ca-
tholicus, & animi labes, ritè per sacram expiat exomologesim,
quod dum fecit, felix illa & in Hæreticorum insultibus sustinendis
fortis, & imperterrita virago, religiosum spiritum Deo reddidit.
Hæcine pietas vestra, hæc in famulos vestros gratitudo? hæc illo-
rum merces apud vos? hæc stipendia? Hæcine lex eius confæderati-
onis quam votis omnibus expetitis? hæc libera eius Religionis,
quæcunq;

quæcunq; illa cuiuspiam placuerit, profitendæ potestas? num hoc non est iura legesq; huius benedictæ libertatis perfringere? per vim ac violentiam, ad vnam Caluinisticam, seu Luteranam sectam nolentes cogere ceteris in sua fide liberum relinquere nihil: sibi luxq; sectæ omnem licentiam afferre? Quàm benè hoc impio facto consilia, cogitationeq; vestras prodidistis. Nimirum non hanc vos Considerationem exposcitis, quæ pacem inter dissidentes in Religione tueatur, hanc enim iam habetis: verùm illam, quæ vobis omnem in Catholicos palam & impune debacchandi permittat licentiam: quâ donec extorqueatis, (sed frustra omnino laboratis) vniuersos Regni Ordines, singula Comitata, Singulos Conuentus, assiduis necio de quibusnâ iniurijs, vestris impletis deplorationib⁹ & querelis. Sed audete, & quod longè facilis obtentu vobis est, Commissarios à Serenissimo Rege impetrate, vt illi vestras istas cognoscant iniurias. verùm caute ne tū demū liquidò constet, plures Catholicos à vobis Hæreticis, quàm vos à Catholicis, pressuras pati. Deum bonum quot accusationes, quot querimonias, ibi contra vos audiretis, nec solum à Catholicis, sed ab ipsis Hæreticis, ijs nimirum, qui Luteranismum profiterentur. Iam enim misera plebs, cum sit Luterana, vos Senatores Caluinistas benè sentit, & cum ob vestram potentiam resistere, iugumq; excutere non potest, gemit. Sic Torunenſes, vestrum odium in Catholicis opprimendis explere, non potestis, nisi etiam vos in vicem mordeatis, atq; vtinam aliquando iuxta Apostoli sententiam consumamini.

CAPVT SEPTIMUM.

Non incitantur à nobis Studiosi vt vim Euangelicis inferant.

Quia non veritatis tuendæ studium, sed calumniandi libido impotentem animum Patroni Torunensium inuasit, vnde & quo liberius suo indulgeret desiderio, larua assumpta, nomen suppressit suum: ideo non ea argumenta, quibus veritati, quam nullam habet Patrocinetur conquirat; sed calumnias, ac figmenta, quibus nostram Societatem infamem reddat, vnde quaq; corradit. Est & alia huius rei causa, cum enim veritatem criminationis Torunensium, cuius se patrocinium suscepisse gloriatur, nullo pacto tueri potuisset, nec Oratorem nostrum, pro quo veritas ipsa pugnabat, refellere quiuisset: ad commune Hereticorum con-

tra Societatem nostram asylum, Hæreticus & ipse, ad criminatio-
nes & contumelias animum conuertit: ratus hac communi luorum
via, se abundè veritati mendacio potius, patrocinatorum, neq; e-
nim veritas vnquam magis mendacio suffulta, quam se ipsa vixit.
Ait ergo, à nobis iuuentutem, quam in scholis nostris erudimus, ad nocen-
dum Evangelicis, priuatim & publicè incitari. Sed sicut Anonymum ar-
gumenta ad patrocinandum veritati defecerunt, ita & propria ar-
gumenta ad calumniandum non suppetebant, adeo vt ex alienis scri-
ptis ea turari, & in suum libellum transferre cogeretur. Quia verò
hanc calumniam, Illustrissimus Martinus Szytzkowski Episcopus
Plocensis, pro suo in Ecclesiam Dei & nostram Societatem studio,
clarissimè in sua oratione contra Equitem Polonum scripta, tere ante
zo annos confutauit, ad eam vos Torunenses cum vestro Patrono
remmitto. Nisi forte ille ipse fictus Eques sit: sed siue idem sit, quid
ibi illi responsum videbit; siue non idem, à quo tamen hanc calum-
niam mutuatus est, quid illi ad eam responsum, sit legat. Placuit ta-
men ex illa proluxa oratione, hæc pauca hic ponere scripta ab eo; qui
cum totos pueritiæ annos, in optimis literis apud nos posuisset, ex-
perimento suo didicit, quibulam præceptis in nostris Scholis, iuue-
tus imbuatur, & ad quos mores informetur. Non verebere inquit
ille, suum alloquendo equitem in hunc omnium scelerum maculis nota-
tissimus, collegia societatis I E 3 V, domicilium scelerum omnium, atq; flagitio-
rum receptacula appellare? Odurissimum os & fuisse contundendum. In scholas
Iesuitarum in quibus nihil nisi Sanctum, nisi verecundum, nisi honestum re-
sonat, scelerum atq; flagitiorum officinas appellabis? Et sic latissime hoc ar-
gumentum persequitur, omnes fere Senatores, vniuersam poloniam
Nobilitatem, ac seipsum, in testes adducendo: qui omnes bonam & ta-
tis partē in nostris scholis contriuerūt, & nūc etiā sui filij cōterunt, nec
tamen ex ijs quicquam, præter doctrinam & pietatem exportarunt.
At paulò interius, ita equitem, qui à nobis iuuenes ad omnia facinora
exercitatos emitti, subinde querebatur, vrget. Qui quaso te, inquit,
isti iuuenes sunt ad omnia facinora exercitati? Si discipulos Iesuitarum intelli-
gis, mentiris turpissimè; isti enim non ad facinora, sed ad omnem virtutem in
scholis eorum exercentur. Si eos qui institutum Societatis amplectuntur, &
Christum sequi relictis omnibus in animo constitutum habent; profecto te om-
nium non tantum bipedum, sed etiam quadrupedum, nequissimum esse necesse
est. qui Christi seruos, pugnam cum viris & concupiscentijs suis ingressos, ad
omnia facinora exercitatos dicere non vereris. Hæc Illustrissimus Episco-
pus, Nec minus luculenter, Gallix Rex Henricus quartus, in sua pro
Societate

Societate Apologia hanc diluit criminationem: Nunquam inuentus
est, inquit, qui in Scholis Iesuitarum necem Regum vel scelera didicerit. Qua-
re totum hoc quod illis obicitur, nihil est. Trīginta & amplius anni effluxerūt
cum in Gallia inuentutem excolunt, centumq; scholasticorum missa ex eorum
Collegijs prodierunt, Anne aliqui istorum id se didicisse vel audisse à Iesuitis
factum est? Sed neq; pauciores abiēre anni, vt nostra Societas in Po-
loniam à Serenissimis Regibus ac Episcopis inuecta est, in nostris
Scholis lectissimam fere totius Poloniæ sobolem optimis literis in-
stituimus, ex quibus postea alij Episcopalis dignitatis cathedras,
pro sua virtute & doct̃ina occuparunt, alij in Senatorum Collegia
adlecti sunt, multi Iudicum subsellia, & alios atq; alios reipublicæ
magistratus sunt adepti, plurimi domicilia Religiosorum, Parochia-
les exedras summa & infima loca & munia in nostro Regno impleue-
runt: adeo vt pauci ex Catholicis in tota Polonia reperiantur, qui
non gymnasiorum nostrorum disciplinam vel leuiter degustarint;
nec tamen in tanta multitudine vel vnus est inuentus, qui Iesuitas ad
nocendum Euangelicis, inuentutem studiosam clam palamue insti-
gare falsus fuerit. Verum Patronus Torunensium, ne stulte hanc sopi-
tam iam, & toties refutatam fabulam, sulcitasse videretur, probat
eam thesibus Patris Laurentij Arturi nostræ societatis, viris Principi-
bus Poloniæ notissimi, atq; acceptissimi, maxime vero Andreæ Opa-
lincki Marschalco Regni & Generali maioris Poloniæ, Senatori cum
prudencia & authoritate in rebus gerendis clarissimo, tum in Reipu-
blicæ incolumitate tuenda constantissimo; atqui tantum abest, vt
hic vir aliquid tale, contra Euangelicos machinaretur, vt etiam, qui
ab Illustrissimo Ploenti Episcopo in sua oratione paulo ante com-
memorata, magnis celebraretur laudibus promeruerit, tanquā is qui
in confutandis Hæreticorum erroribus, semper adeo constans, sedū-
lus, & prudens extiterit, vt ne hiscere quidem illi contra auderent:
quod in præclaris illis tribus libellis de ecclesia Christi in terris, con-
tra Sadeelum editis egregie præstitit, quibus ita os Hæretici clausit,
vt ne verbum quidem respondere ausus fuerit. Huius ergo viri the-
ses, Posnaniæ disputandi causa, vt in Scholis fieri solet, editas; Ano-
nymus noster opponit. Inspicite inquit *Theses Socj vestri de Ordinatione
& vocatione Ministrorum Lutheri & Caluini Posnania editas, & ibidem in
Collegio vestro disputatas*. Priuatim verò assertionem 22. citat, atq; eam
quidem in alia parte truncam & mutilam, in alia auctam & defor-
matam, ac pene non eius, sed suam rettert. Hæc enim fides Hæreti-
corum est in citandis authorum sententijs, vt si suo proposito ad-

uerſæ ſint, eas mutilando, augendo, ad ſuum ſenſum detorque-
ant, more Iudæorum: qui dum Scripturæ locum, de Chriſto in Be-
thleem natiuitate Herodi reſſerrent, verba quæ eius Diuinitatem aper-
tè innuebant, vt pote ſibi inuiſa, ſubticerunt. Docuerat ergo P.
Arturus in ſuis illis theſibus, neq; Lutheranos, neq; Calvinos, ac
generatim neq; vllōs alios Hæreticos, Sacramentum eucharistiæ con-
ficere vllō modo poſſe; ac proinde in illorum tantum cænīs, illud
impium Zwinglij & Sacramentarium dogma locum habere, quod
Chriſtum non contineri ſub eucharistiæ Sacramento, nec ibi verè præ-
ſentem aſſeſſe aſſerit; id de illorum pane, veriſſimum eſſe, & di-
ci debere, cum nullam ad Sacramentum conficiendum habeant po-
teſtatem, & ſint merè laici, nec ad Sacerdotalem legitimè ſint euc-
aristi dignitatem: vnde & meritiſſimo iure, exemplo S. Athanaſij, po-
ſſunt ab altare abigi tanquam fures, latrones, qui non per fores,
ſed per fenestram, & aliunde in hoc omne Dominicum alcenderunt,
& tremendum Sacerdotalis dignitatis munus, Sacrilego auſu ſibi
uſurparunt. Diuinus enim ille Antistes, cum ab Arianis ei obiectum
eſſet, quod ſuus præſbiter Macharius in Iſchiram (erat is commen-
titius quidam Sacerdos & qui falſo id muneris ſibi arrogabat) impe-
tū clam feciſſet, & menſam Domini in qua ille celebrabat euerti-
ſſet, poculumq; myſticum confregiſſet, reſpondit, Macharium hac in
re, ſi id feciſſet, nihil peccaſſe; cum enim Iſchiras ille, ſacerdos nunquā
fuerit, Sacramentū verū conficere non potuit; ac proinde nec Macha-
riū quidquam indignitatis (quod Ariani obiciebant) in Sacramentū
quod ibi nullum fuit, committere potuiſſe. ex hoc itaq; D. Athanaſij
reſponſo, & aliorum Sanctorum Patrum diſtis, quæ citat, talem fe-
cit Pater Arturus theſim 22. Si quæ ergo Sanctis Patribus, ſi quæ
conciiliis, ſi quæ Scripturis ipsis fides habenda eſt; Lutherani & Cal-
uiniani cum laici prorsus exiſtant, eucharistiā conficere minimè
profecto queunt. *Quin igitur* (addit Anonymus, ſcilicet fidelis in
proferendis authorum locis ſcriptor) *Potiori iure* (nam nuſquam ibi
hæc verba reperiuntur) *cum Iſchyra abſq; ſcelere huiusmodi prophanos Mi-
niſtros, qui Sacerdotis muneris obire nō videntur, a menſa abſtrahere, ipſaq; adeo
menſam euertere, poculum deniq; eorundem conſringere* (addit & hic Patro-
nus (Impunè cum illi ſoli impunè mentiri fas ſit,) *liceat.* Atq; hanc
conclusionem, reliquæ illarum theſium Patris Arturi ſtructuræ, vt
colophonem, ait anonymus eſſe impoſitam. Sed vt in reſſerenda
tota aſſertione, turpiſſimè hallucinatus eſt. cum & caput eius, ubi
Sanctorum Patrum, Conciliorum, Sacræ Scripturæ authoritas alle-
gantur

gatur, ut sibi in visū absciderit, & medias extremaq; conclusionis partes, pro sua libidine deformari. Ita & in illius denominatione, nescio an stultius quàm impudens errauit. Maluit scilicet eruditus magis videri, quàm verax esse, ideo thesim illam colophonem appellauit. Sed sicut veracis, ita & eruditi nomen amittit: neq; enim mendacijs vel erroribus, vnquam doctrinæ laus comparatur. Puto Annonimum in hac voce, ut quæ Græcarum literarum notitiam arguit, sibi multum complacuisse, sed vim illius minimè intellexisse. Colophon enim non quiduis perperam significat; sed hac voce in ea phrasi duntaxat utimur, qua aliquem suo operi extremum iam apicem, fastigium, ac summam manum impoluisse significamus, cum Colophon latinè id quod extremum in vno quoq; opere sit significet: at thesis illa citata, non est extrema, cum multæ aliæ eam sequantur.

Sed non hic finis errorum, Theses hæ anno 1586. Posnaniæ fuerunt defensæ, at ille id 1590: dicit factum esse, quo anno iam in visis non erat ille Pater: Nescio sanè stulticiamne ipsius magis mirer in fingendo, an impudentiā in calumniādo, Deinde ita in Philosophicis ac Theologicis disciplinis est rudis ac peregrinus, ut theses in eis proponi, non disputandi & veritatis indagandæ gratia putet; sed ad animos in seditionem armandos, ad exurendas synagogas Hæreticorum, ad nocendum Ministris Euangelicis eas scribi, & inter Scholarum parietis excuti existimet? Ex suis præceptoribus de nostris coniecturam facit, qui rudes puerorum animos, in primis adhuc elementis ad hanc impietatem informant, & nihil aliud quàm in Ecclesiam Dei, in summos Antistites, in Catholicos omnes calumnias, & mendacia auribus ipsorum inculcant: hoc inter aliorum explicationem, hoc in puerorum lucubrationibus perpetuò versant. Iam verò cum theses illæ publicè, coram Illustrissimo Marsalco Regni, & alijs magnis viris Catholicis fuerint defensæ, quas & legerunt ipsi, cur tamen non reprehenderunt, nec quicquam periculi ex iis in eos, quos vos nescio quo iure appellatis Euangelicos, deriuari possè sunt suspicati? Dissimulassent scilicet id ipsi Euangelici, ut Palatinus Posnaniensis Comes à Gorka, & alij qui ea tempestate acerrimi fidei vestræ perfidæ propugnatores fuerunt ac defensores: si quod contra suas ac tuas synagogas, aut Ministros, in illis thesibus notauissent incendium. Deinde quomodo theses illæ post eius diei disputationem, animos iuuentutis nostræ, in Hæreticos armare poterint, cum (ut apud nos thesium postquam defensæ sunt, nullus est vsus, amplius) non comparerent & vix alicubi poterant inueniri.

Certe

Certè ipse ego qui in Societate à 20. annis & amplius viuo, nihil de hisce conclusionibus vsq; adhuc audiui, nec eas vnquam vidi aut legi, imò nec sciuissim vnquam de eis, nisi illas nunc per occasionem istam inspexissem, quarum tamen agrè vnum exemplar, in Bibliotheca iam ferè a tunc consumptum inueni. O nimis vel timidos, vel calumniandi cupidos Euangelicos, qui ab ijs rebus periculum metuunt, quæ iam vix extant, Tandem an rectè Anonymus thesaurum illam ad probandum, Iesuitas suam iuuentutem ad nocendum Euangelicis excitare, assumpserit, ipse videat. Certè Pater Arturus non aliud, quàm quod Sancti Patres, in sua illa thesi intellexit, cum scilicet qui Ministrum Euangelicum ab altare abegerit, & mensam euerterit, calicemq; confregerit, id facere posse sine scelere in Sacramentum Eucharistiæ (quid tandem sit de alijs) cum nullum ibi contineatur, nec alio nomine illam conclusionem defendit aut defendere potuit.

Vestrorum hoc est potius Ministrorum, vestræ doctrinæ, ac professionis Euangelicæ, turbas excitare, suos ad nocendum Catholicis impellere. Legite vestri Caluini epistolam ad Protectorem Angliæ, qua illum ad eadem Catholicorum, quod reformationem fidei nollet recipere, vrget. Hi (inquit ille, Catholicos designando) ultro gladio coerceri merentur quem tibi Dominus tradidit. Legite & Theatrum crudelitatis Caluinistarum, peragrate vniuersam Germaniam, adite Belgium, consulite Angliam: vbique luculentissima vestræ crudelitatis, vestrorum tumultuum inuenietis vestigia. Quis in Germania subditos contra suos Dominos armavit? Quis in Belgio per plurimas ciuitates tot strages edidit? Quis in Anglia in Catholicos, eorumq; fortunas, in tot homines Religiosos ferro & omni genere crudelitatis debachatus est? Nolo exempla, ne actum agere videar, huc adducere, cum ijs tot alij Scriptores suos libros impleuerint.

Legite quid de solis Hugonotis, Ludonicus Richeomus, in suo opere, quod Idolatriam Hugonicam interripuit, & Henrico quarto Regi Galliæ dicauit, scriptum reliquerit, quas cædes illi in Gallia exercuerint, alios quidè Catholicos è rupibus altissimis ac turribus in saxa precipites deiciendo, alios in profundos puteos cateruatim detrudendo, alia in alios tenuitæ crudelitatis ac barbariem exercendo, imo & Sanctorum Reliquias vel per ludibrium tractando, vel immaniter in eas sæuendo, quod ille Argumentum latissime persequitur. Hæc est euangelicorum Ministrorum laus, hæc doctrina, hi

na, hi mores. Etne quid ad ipsorum laudem pertinens ommittā. hic coronidis loco ipsorum encomia, ex præfatione monitoria Iacobi Regis Angliæ addam. Hic itaq; Rex suos Calvinistas, quos ille Puritanos appellat, ait esse, *homines perfidos, furtoſos, & incendiarios, legum imperijs reluctantes, peruicaces, pluſq; se fidei repeſiſſe in efferis latronibus, quàm in Puritanis aſſeuerat.* Addit præterea, *se non ſolum à natiuitate continuò vexatum fuiſſe à Puritanis, ſed etiam in utero materno prope modum extinctum, antequam naſceretur.* Actandem, *se in ſuo libro ad filium, multò acris & vehementiùs in Puritanos, quàm in Pontificios inuectum eſſe teſtatur.* Hæc encomia, has paræneſes non à me, ſed à Religionis æuangelicæ defenſore & propugnatore, vt vos eum appellatiſ, accipite: & cùm vos ab his omnibus probè purgaueritiſ, tunc primùm in nobis ac iuuentute noſtra, ea quæ obijcitiſ facinora, iuſtè inquire-re poteritiſ.

CAPVT OCTAVVM.

Non abutimur insolentia studioſorum, ad turbas excitandas.

Longior fortasſe ac tædioſa, hæc mea tractatio de noſtris Scholis, & ſtudioſa iuuentute, cuiquam videbitur, nec Torunensibus adeò grata; cùm in hac ferè vna re, omnium illorum contra nos querelarum cardo vertatur. Haud illibenter tamen, in hanc arenam deſcendo, vt & Torunenses, licet id iam à compluribus præſtitum ſit, omni metu liberem, ne ſibi, aut ſuæ ciuitati à noſtris diſcipulis metuant; ac de nobis ſemel ſibi aliquando perſuadeant, nos, ſi quid aliquando illi, pro ſuo iuuenili feruore ac licentiâ per-petrarint (quod rariffimum eſt,) hac eorum insolentia, ad tumultus aliquos excitandos minimè abuti, nec authores facti exiſtere: imò in diſciplina continere, omnem insolentiam ſeuerè prohibere, inobedientes plectere. Vt ergo Anonymus probaret id, quod nunc diluere ſtatui, aſſumpſit exemplum de direptione domus Domini Przeborowsky. Hiftoriam non repeto, vt pote notam omnibus. Noliſtis inquit, Ieſuita dedere eos, qui incendiũ illius ac direptionis rei erant, & apud vos receptaculum habebant, & areſtum eorundem recuſaſti, priuilegia obtendentes, quæ ille æquitatiſ & iuſtiæ dicit debere eſſe receptacula: quaſi vero priuilegium ex ſua notione, non ſit quædam à comuni iure exemptio, quæ quibuſdam locis, ſiue ob reuerentiã, ſiue

F

ob alias

ob alias causas solet concedi, ut in illis iustè id fiat, quod in alijs cum iniuria & scelere, atq; etiam contra leges fieret. Cur ita? quia ipsi rei incendijs illius, imò & authores fuistis, & metuebatis ne si incendiarios illos dederetis, illi vestra consilia & conspirationem detegerent. Difficile tane, & cui diluendo impar sum, argumentum, in quo ita sibi applaudit. Anonymus, ut omnino comprehensos nos & captos, ac in extremas redactos angustias existimet.

Sed agetum, disceptemus parum Torunenses, ne ante praelium trophæa erigere videamini, Sequiturne ex præmissis illis? (cum philosophis enim loquor) Noluitis dedere eos & arrestum recusastis propter privilegia, ergo si eleris ipsorum consilij, imò & authores exististis. Quis vel rudissimus, qui philosophicas disciplinas ne à limine quidem salutavit, hanc non probationem, sed stultissimam calumniam esse non dixerit? ergo ne Sanctissimi illi Antistites (quod D. Chrysostomum fecisse Baronius perhibet annalium ecclesiasticorum Tomo 5.) dum eos qui scelere perpetrato, ad Ecclesiam confugerunt, prodere volebant, ob privilegia quibus loca sacra & domicilia Religiosorum gaudent, illico facinoris ipsorum consilij ac authores, extitisse censendi sunt? Quis hoc nisi Hæreticus & impius dicet? Sed vobis Hæreticis, perperam quidlibet ex quolibet, contra Iesuitas inferre licet. Atq; hoc est patroni Torunensium argumentum.

Verum ne in ipsis hæreamus principiis, videndum est quàm apposite illo exemplo, ad probandum Iesuitas abuti studioforum insolentia, ad turbas excitandas, fuerit usus Anonymus. Heus bone viri, fueruntne illi nostri discipuli? asseueras. at te totius Civitatis Polnaniensis testimoniò palam convincam, quæ opifices illos, & non discipulos nostros, fuisse optimè novit, & authenticam attestationem huius facti in sua curia habet: imò, quandoquidem Serenissimus Rex novam inquisitionem, de exustione Synagogæ illius Polnaniensis & direptione domus Domini Przeborowski fieri iussit, ex ea longè clariùs id ipsum intelliges, & authorem totius illius Tragediæ, Hæreticū quendam fuisse disces. Ex hisne tu argumentū tumis, nos insolentia discipulorū abuti? at quid nobis cū opificibus, imò quid & cū Hæreticis qui extra nostrā disciplinā sūt? Deinde, è nostrane familia domestica, opifices illi fuerant? An non Civis ille, qui opus apud nos conduxerat, suos illos operarios domū nostram, ad opus perficiendum mittebat, ita tamen ut pro nocte domum temper redierint? Quid ergo in nobis vitij subesse potuit, si illi sub noctem domum redeundo, siue calu, siue ex composito illi incendio & direptioni interfuerint?

interfuerint? Venerunt ergo illi more solito postridie mane ad Collegium, ut factum illud contigit: nobis omnino incijs quid commississent, ut incæpto labore pergerent. ecce tibi nomine Magistratus, certus homo, ad nostrum collegium aduolat, cum nusquam illi domi apud Patrem familias essent inuenti. Suntne, inquit, hi & hi domi vestra? annuimus, tùm ille, dedere eos oportet ut homines facinorosos: nos id salua conscientia, nequaquam tacere posse respondimus, imò nec eos inde vi abstrahi posse, ob priuilegia quibus Ecclesiæ & Canobia gaudent. Consilium tamen in promptu damus, è re futurum, si tantisper ante ianuam domus, præstolarentur, vel custodes ponerent, atq; exitum illorum, si quidem, diu apud nos manere non possent, obseruarent. Non fecerunt isti, at illi vespere appetente, per noctis tenebras, fugâ saluti suæ consuluerunt. Quod cum ita sit, qua fronte vos Torunenses, tantam eriminationis notam, nostræ Societati inurere ausi estis? qua fronte & illam aliam sequelam, ex hoc principio tam absurdo deduxistis, nos discipulorum insolentia, ad vestram ciuitatem perturbandam abuti? Sed latet hîc anguis, ut vos dicitis, imò non latet, sed apertè & palàm serpit serpens mendacij, odij, & calumniarum in nostram Societatem. Hæc est enim vestra, ingenuè enim vobis fatebor, Torunenses consuetudo, Ut quæcunq; maleuolo animo, odium & indignatio suggerunt, ea contra nos in omnibus circulis, in conuentibus Nobilitatis, in Comitijs impudenter effutiat, atq; vtinam tantum contra nos. & non etiam contra præcipuos Regni Senatores, & Principes, imò & contra ipsum Regem Serenissimum, quod ego non ex aliquo priuato homine, sed ex literis Illustrissimi Antistitis Culmensis ad me XI. Febr. Anno 1612. datis luculenter, licet non sine dolore, intellexi: cum eum de vestra protestatione contra nos facta, ob apertas Scholas totius Regni voluntate, certiore faceremus.

Sed fidei causa, paucula quædam ex his literis accipite. *Sperabam fore* (ita ille suam exorditur epistolam) *ut Torunenses meæ acquiescerent admonitioni, & rationibus, quibus ad oculum illis ostendebam, eos iniquè de iniuria queri, quod Scholæ aperirentur, & literarum studia inciperent. Sed video, quod odium, & timor, & malevolentia, quæ contra vos feruntur & ardent, eos ne hæc accipiet impediunt. Vnde hanc protestationem fecerunt suo stilo & phrasi Germanica (neq; enim quispiam prudens practicus sic fecisset) sat pungenti ac mordaci, non tantum contra vestrum Ordinem, verum etiam non obscure Regem Serenissimum tangunt, & me licet non ita aperte, mordent. Huc: vltq; Illustrissimus Episcopus. Quare videte torunenses*

nenfes, ne dum talia, per occasionem criminando nos, in tales viros audetis, in eas vos coniiciatis angustias, ex quibus postea difficulter emergatis.

Sed deplorandam nostram sortem, qui in ea tempora incidimus, vt quidquid perperam à quouis fiat, id à nobis, aut saltem conscijs, atq; etiam authoribus nobis factum esse, dicant Torunenses cum suis Euangelicis Planè rediisse nobis videntur, illa Tertulliani tempora, in quibus, vt ille testatur, quicquid triste accidisset, siue imbris, siue aquis, aut aquarum eluione agri maderent, siue acerbis solis ardoribus torrerentur, quidquid demum in bellis, in ciuitatibus, calamitosum conspectum fuisset, totum in miseros Catholicos, & in scelera ipsorum, periti Idololatras conferebant. Quid enim nobiscum habet, illa Euangelicorum è Cracouienfi ciuitate expulsiō? Quid illa Synagogæ eorundem in prædio Nobilis cuiusdam exustio, cum Cracouia nos nullas Scholas habeamus? Et tamen impudens hic Anonymus audet dicere: *Vt vt sit, inquit, vestra tamen vitula aratum fuit.* Cur ita? quia illi ita placet, quia calumniari libet. Nouerat benè cau à hanc, à Magnifico rectore Academix illius, viro doctissimo & solertissimo, benè fuisse examinatā & iudicatā, tēperare tamē sibi non poterat, quin hanc obsoletam fabellam, & crimē impiè in nos conijceret. Sed parcendum illi est, aggressus enim opus, vt contra nos famosum libellum scriberet: cum, quo illum infarciret, non haberet, ad obsoletas Hæreticorum cantilenas, & veteres nēnias eum confugere oportuit.

CAPVT NONVM.

Templum D. Ioannis, ad eam Parochi & Scholam, nec vi, nec maiora fide Torunij possidemus.

MIrari satis non possum, hanc calūniam sine fronte, toties nobis à Torunensibus imponi, cum iam ad eam millicies responsum habuerint, non à nobis solum, sed & ab ipso Serenissimo Rege, & ab aliquod Antistitibus ecclesiæ Culmenis. Sed & proximè Orator noster, eam clarissimè confutauit: quomodo inquit ille, ista Iesuitæ per vim occuparunt, qui magnā voluntate Parochi, penes quem ius erat, ad illa inuitati sunt? Hoc Oratoris argumentum, quem Patronus Torunensium, quia impugnandum suscepit, ita refellit. *Fraudem hic vestram, inquit, Iesuita detegens omnibus*

omnibus cogor. Ostendam vos, tunc temporis cum Torunenses adhuc essent in possessione templi D. Ioannis, & exercitia ibidem Religionis suae Euangelica celebrarent; dolo malo egisse, apud Reuerendissimum Episcopum Culmensensem Koskum, ut ades Parochiales templum & scholam ciuitatis hareditariam, vestro Collegio & Ordini incorporarentur. Magna equidem aonymus pollicetur, & fraudes nostras se detecturum, & dolo malo nos egisse in possessionibus illis comparandis ostensurum. Sed agendum, quomodo recte fidem suam exoluat, quibusue id quod promittit, stabiliat argumentis, breuiter inspiciamus. Ostendite, ait ad nos orationem conuertendo, fundationem vestram, quam surreptitio modo à praedicto Episcopo, qui ius fundandi vestrum Collegium, in ciuitate Torunensi non habuit, obtinuitis. Quia verò ista fundatio Radzinenfibus actis à vobis insinuata est, adeam vos Illustrissimi Senatores & Equites Poloni remitto, ex qua integrum est vobis intelligere, Iesuitici spiritus omni fronte carentem astutiam. Egregium, nisi totum è calumnijs & commentis, conflatum elset, argumentum: in quo Torunenses quia cum vestro Patrono, petitis vobis ostendi nostram fundationem, quam non semel legistis, ex illa enim fraudes & dolos in nos deducitis, producam ego illam: quæ si contra vos nihil faceret, perfecissetis procul dubio id quod intendistis, ita vt iam non esset necessarium remmittere Senatores Equitesq; Polonos, ad videndam eam in castro Radzinenfi, & ad cognoscendam nostram, omni fronte carentem astutiam. Sed num ita sit, iam ipsum diploma fundationis Collegij nostri, à me productum, iterum legite, & an surreptitia sit (quod falsò prætenditis) expendite & iudicate.

PRIVILEGIUM SERENISSIMI Regis.

Sigismundus Tertius Dei Gratia Rex Polonia &c. Significamus presentibus literis nostris, quorum interest vniuersis & singulis, exhibitas esse nobis omnino & ex parte Patrum Societatis IESV, literas infrascriptas papiraceas, manibus Reuerendissimi olim Petri Koska à Stemberk Episcopi Culmensis, atq; Venerabilis Andrea Mirkowski Torunensis & Culmensis Plebani subscriptas, sigillisq; eorundem atq; Venerabilis Capituli Culmensis munitas, Fundationem & Erectionem in ciuitate nostra Torunensi, Collegij dictorum Patrum Societatis IESV in se continentes, sanas, saluas & illasus omniq; suspicionis nota carentes. Supplicatumq; nobis & ut eas autoritate nostra

nostra Regia approbare, & confirmare dignemur. Quorum quidem literarum de verbo ad verbum tenor est talis.

IN NOMINE SANCTISSIMÆ
& indiuiduæ Trinitatis Amen.

Nos Petrus kaska à Stemberk Dei gratia Episcopus Culmensis & Pomesaniensis perpetuus administrator. Significamus tenore presentium quorum interest & interesse debet. Quod statim ut, ad hoc munus Episcopale Dei gratia sumus euecti, eam curam & cogitationem susceperimus, ut gregi nostro varijs Heresum erroribus imbuto, auxilium ferre possimus. Quem conatum nostrum, promouit quidem Dominus, per varios Ecclesia Dei, diuersorum instituti Religiosi ordinis, & alios Ecclesiastici ordinis operarios. Sed ecce quod nos ab initio functionis huius nostre, hactenus semper vehementissimè cupiebamus, oblata est nobis occasio, ut de Societatis Collegio fundando serio cogitare, & re ipsa perficere velimus, quo non solum concionibus, & alijs ministerijs Societatis IESV homines, quæ iuxta suum institutum ubiq; non sine fructu exercere solent: sed etiam inuentutis, in literis, pietate & moribus recta institutione, conatum hunc nostrum & successorum nostrorum promoneant. Matura itaq; deliberatione cū venerabilibus Illustribus Prælati & Canonicis Capituli nostri, & alijs amicis præhabita, Collegium Societatis in ciuitate Torunensi Regia, cum consensu Regiæ M. erigere statuimus, prout erigimus in nomine Domini per presentes. Ac locum pro habitatione hominum Societatis IESV assignamus, domum Parochialem, postulante ac consensum ad eam rem præbente Domino Andrea Markowski, legitimo moderno Parocho & Possessore, cum omnibus suis edificijs, areis & attinentijs, tam longè tam latè, uti suis terminis est antiquitus distincta. Addimus & scholam eiusdem Ecclesia Parochialis, domus dicta contiguam, pro scholarum Societatis IESV vsu. Designamus præterea quoddamq; sacellum, in ipsa Parochiali S. Ioannis, quam primum ex manibus Hereticorum, per Parochum vindicata fuerit, pro vsu Societatis perpetuis temporibus: ita tamen ut in eadem Ecclesia licet sacra facere, & concionari, & Sacramenta quæ solet Societas iuxta suum institutum administrare possit, citra cuiusq; etiam Parochi impedimentum. Ne verò Parochus præsens & successores eius pro sua & sacerdotum habitatione domo, ac pro schola sua caveant, assignamus perpetuis temporibus Domum viciniorē Macellis Ciuitatis, quæ est Fraternitatis, in qua hoc tempore Secerdoes manent, pro schola autem vel hac domus in qua scholares Catholici, quos vocant Choralistas habitant vel alia ex antiquo ad Ecclesiam S. Ioannis pertinet, à nobis vel successoribus nostris cum Venerabili Capitulo procurabitur.

Quoniam verò Generosus Dominus Ludovicus à Morhang Capitaneus
Polegiuincensis, Cupidus promouenda gloria Dei, cum Generosa Domina Anna
coniuge, Generosi Domini Ernesti weihenburger Pucensis Capitanei, procurante Re-
ligiosa ac deuota Magdalena Abbatisa Culmensi, sorore sua germana, Domum
intra mœnia ciuitatis Torunensis lateritiâ à Parente suo adificatam vici-
nam templo B. Mariae V. donare, resignare, societati constituit, & hanc
domum pro hoc Collegio cū omnibus suis attinentiis, prout ad acta ciuitatis pra-
dictae Generosus Dominus resignabit, Collegio Torunensi applicamus, ut ea
pro suo arbitratu Societas utatur.

Ad dotandum verò hoc Collegium, assignamus imprimis villam Komroz in
Palatinatu Culmēsi: quâ pradieta Religiosa & Deuota Magdalena à Morhang
Abbatisa Monasterij Culmēsis, collectis Eleemosynis à variis p̄iis hominibus, in
eum vsu eunt, cum omni iure, Dominio cum omnibus fructibus, vtilitatibus,
syluis, piscinis, pascuis perpetuò habendi possidendi, fruendi, Adimus & villâ
Ostaszewko in Palatinatu Culmēsi, à Monasterio Culmensi, a nobis cum Vene-
rabili Capitulo, per commutationem Monasterio aqua vtilem acquistam, cum
consensu Venerabilis Capituli nostri, cū omnibus similiter fructibus, vtilitatibus
praesentibus & futuris, cum omni iure, & Dominio, ita late & longe, ut
hactenus suis limitibus fuit distincta.

Ut autem hac fundatio ac dotatio firmitus robur habeat, dabitur a nobis
opera, ut posteaquam ad effectum ea res perducta fuerit, regia auctoritate
confirmetur. Obligamus praterea nos nostrosq; successores, cum Venerabili
Capitulo. nil nos ex praesenti ordinatione vnquam perpetuis temporibus mu-
taturos, nisi postulantis vel assentientibus Patribus Societatis IESV, & si
opus fuerit alia ordinatione, qua circa vsu templi re maturius considerata, a
nobis & a successoribus nostris, describetur, Patribus ad omnia consentientibus.
Ad extremum Collegium hoc Societatis IESV, cum possessionibus omnibus &
personis, in patrocinium nostrum ac Successorum nostrorum & Venerabilis Ca-
pituli, recipimus temporibus perpetuis. Actum & datum Plowzy in Curia
nostra, Nona Iulij Anno Domini Millesimo Quingentesimo Nonagesimo tertio,
Petrus Kozłki Episcopus Culmensis Andreas Markowski Plebanus Torunensis
& Culmensis.

Nos itaq; supplicationi pradietae, pro eo quo in promouendum cultum diui-
nam praeiunxi sumus, benignè annuentes, literas praesertas, ac earum omnia
& singula contenta, rata & grata habuimus, auctoritateq; nostra approbanda,
& confirmanda esse duximus, utique rata & grata habemus, approbamus-
q; & confirmamus praesentibus, decernentes eas vim & robur perpetue fir-
mitatis obtinere debere, bonaq; superius recensita, pro Collegio pradieto Torunen-
si assignata, in quantum vsu & possessione eiusdem Collegij in praesens extant,
libertati & immunitati Ecclesiastica ex nunc ascribimus & incorporamus

perpetuo, & in aeternum. In cuius rei fidem praesentes manu nostra subscriptas,
figillo regni communiri mandauimus. Datum Varsovia in comitibus Regni gene-
ralibus die xxvi Mensis Octob. Anno Domini M. D. C. XI, Regno-
rum nostrorum Poloniae xxiv. Sueciae vero Anno xviii.

En Torunenses ut optabatis, diploma suadationis Collegii nostri
Torunensis habetis. Legistis illud? expendistis? intellexistisne
in eo aperte, vel occulte nos egisse, & quidem dolo malo,
ut templum, domus, & schola, nostro Collegio incor-
poraretur: & quod peius est surreptitio modo, ut vos loquimini, eam
fundationem obtinuisse? An non discretissimis verbis Serenissimus
Rex, cui tandem si nobis non vultis, credite, literas foundationis sal-
uas & illaesas, omniq; suspicionis nota carentes, sibi oblatas esse,
pronunciat? An non Episcopi praedicti manu & Parochi Markowski
subscriptas, sigillis eorundem ac Venerabilis Capituli Culmensis mu-
nitas testatur? An non expressum in hoc diplomate habetis, non no-
stro rogatu; neq; nostris consilijs, nos Torunium inuectos, sed ipsum
Episcopum a multis ante annis id cogitasse, & non nisi post maturam
deliberationem cum Venerabilibus Fratribus, Praelatis, & Canoni-
cis Capituli Culmensis, & aliis amicis susceptam fecisse? Expetiit
hoc Episcopus, & Serenissimi Regis assensum obtinuit. Quid vero
de consensu Parochi querimini? An non luculentissime in diplomate
legitis: Postulante & consensum ad eam rem praebente, D. And-
rea Markowski. Consulite caput si quod habetis Torunen-
ses, & num vera sint ea, quae nobis obijcitis perspicite. Quid enim?
num in hac nostri Collegii fundacione, Serenissimum, Regem, ipsos
Episcopos Culmenses, multos viros prudentes qui hanc causam
tractarunt, ipsum deniq; Parochum errasse creditis, fraudem do-
lumq; non vidisse? Vos solos scilicet acutos, perspicaces, ac pru-
dentes viros, errorem deprehendisse, fraudem dolumq; notasse. De-
inde ut singula breuiter in vestro argumento perstringam, ideo ne
nostri Collegii fundatio, fraudis doliq; suspicione non caruit, quia
institutum erat sub illud tempus, quo vos templum D. Ioannis, cer-
te si non vi, nullo saltim iure possidebatis, ut iam paulo ante ex literis
Illustrissimi Tylicki ostendi, & adhuc inferius pluribus ostendam,
eo q; ad vestros Haereticos ritus abutebamini? Ergone parochus nos
ad illud templum sibi a Serenissimo Rege collatum, qui patronus
illius erat, & quod ille vobis nolentibus volentibus, non vi sed iure
e manibus extorsit, ut cooperarios in partem laboris ante quam ex-
torisisset, invitare non potuit?

Sed

Sed Patronus non fidens nimium illi suo argumento, ut pote qui de nostra fundatione, ferè toti Poloniæ nota, inficius esse non potuit, ad exclamationes, ad mortuorum contestationes confugit: ut quod rationibus probare non potuit, verborum saltem Emphasi & circum-
-itione aliquomodo coloraret, & imperitæ multitudini probabile fa-
-ceret. O si inquit Markowski, viueres, aliud testareris, qui in faciem Iesuitis ut
-ex Torunensibus audiri, dicere non erubuis-
-si, Iesuitas tecum mala fide egisse, &
-recognitionem quandam suam priuatam, à te per vim extorxisse. Vnde factum
-est ut Torunenses, te eiectionem vicissim volentem, & annuentem in integrum re-
-stituerent. Quid mihi respondebis Iesuita? Audi. Si Markowski viueret,
-te sine dubio cum tuis Torunensibus, turpissimè hallucinatum esse
-disertissimè testaretur. An non ille viris fide dignioribus, dum viueret
-toties testatus est, se optasse à multo tempore nostros habere Toru-
-nij, idq; curauisse & effecisse, & delq; suas vltro nostris concessisse. Te-
-stis est huius rei Illustrissimus Episcopus Cracouiënsis, qui primus no-
-stram Societ: Torunium introduxit, atq; in eius possessionem do-
-mum, & scholam Parochialem tradidit, consentiente, imo etiam id-
-ipsum urgente Parocho Markowski: idemq; sacellum templi ac pul-
-pitum per suum Cancellarium R. D. Ioannem Pisinski, & Notari-
-um Kalwinski dictum, legitimè nobis tradidit. Idem testatur in suis
-ad vos literis Illustrissimus Gebicki iam sæpius nominatus. An nō
-videntibus vobis, inquit ille, licet reclamantibus, Patres Societatis fuerunt
-Torunium introducti ab Antecessore meo? An non vltra decennium in ea do-
-mo habitauerunt, publicè docentes in templo, publicèq; pietatis & religionis of-
-ficia exercentes? Quod igitur nouum istud vestrum erga Parochum studium?
-Quæ tanta cura tuendi ipsius iuris, vindicande videlicet possessionis? Num
-ad vos, opemq; vestram & præsidium confugit? num ad exturbandos iniquos
-occupatores, cohortes à vobis ciuiumq; turmas, quas commouisset poposcit? min-
-ime id quidem, vestris conatibus quoad potuit restitit: & deinceps etiam quæ ad
-eius contumeliam inuito & renitente peregris, nobis adiuuantibus constanter
-iusto, legitimèq; iudicio vindicabit. Et intra. Cum ad Prætorium vestrum ci-
-tati à vobis R. P. Societatis non venirent, Parochus autem intercederet, & sua
-Episcopi, voluntate, illos domum inhabitare, seq; illorum subsidiaria in obeun-
-do officio vii opera contestaretur, vos vestra illa Regia, quam Torunij gerere vos
-profitemini potestatem, homines innocentissimos aliena domo, facto in eam
-impetu exturbastis. At tritum illud est & omnium Iurisperitorum doctrina
-firmatum, non debere quenguam etià de iniusta possessione depelli, nisi prius iu-
-re vincatur. Igitur quod qui iure & legibus agunt, ne in prædones quidem solent
-admittere, vos in honestissimam Societatem ausi estis. Hæc ille. Sed neq;

III. D. Fabianū Plemiēcki omittā, virum imprimis Regi ac Reipub.
fidissimum, & Catholicæ religionis ac bonorum omnium acerrimum
propugnatorem ac defensorem, quo nullus rei qua de agimus, testis
loquax potest esse potest. si quidem ille nostris Torunij degentibus, in
patronum singularem, imò fere in parentem sit datus. Hic ergo in
omnibus angustijs & calumnijs, quas à vobis patiebamur, nobis di-
cere solebat. *Magno inquit animo sitis Patres: tanti conatus Hæretico-
rum Torunensium contra vos, desperationis sunt indicia. Quia enim præclare
sibi consecuti sunt, nihil æquius contra vos se habere posse, ideo conuitis ex ex-
tra ordinarijs medijs rem adoriuntur.* — Sed libet hanc adeo prolixam
controuersiam, ipsius Parochi Torunensis D. Markowski testamen-
to claudere: in quo ille præterquam quod honorificentissimè, de
nostra Societate loquatur, tantum abest, vt ab ea se aliquam iniuri-
am accepisse dicat; vt & pro susceptis laboribus, tanquam pro sum-
mo beneficio, ingentes ac æternas gratias agat, vnde & in signum
gratiæ beneficii animi, suam bibliothecam præter quædam alia, Col-
legio Torunensi attribuit.

Videtisne Torunenses meram calumniam esse, dicere Iesuitas
fraude & contra voluntatem Parochi, sedem Torunij obtinuisse? vi-
detisne quàm verè Illustris D. Plemiēcki de vobis pronunti-
auerit, vos non aliqua æquitate aut spe obtinendi quod desideratis,
cōtra nos agere, sed ob desperationem alsequendi, ea quæ cupitis,
omnia tentare, nihil intactum relinquere? Quid enim nos nescio? quid
de surreptitijs fundationibus calumniamini qui tam disertam Paro-
chi voluntatem, tam luculenta Regis, Episcoporum, ac totius Re-
gni diplomata conspiciatis: priuatane nos aliquas, ac per vim à paro-
cho extortas, recognitiones asserim? priuatane & surreptitia tūdati-
onis nostræ diplomata, vobis exhibemus? quæ Episcopus publica
authoritate, totiusq; Capituli nomine scripta, sua propria manu sub-
scripsit, sigilloq; muniuit, quæ ipse parochus Torunensis, vltro non
impulsus, imò rogatus an sponte domo sua, nostræ Societati cede-
ret, an sponte nos in cooperarios Ecclesiæ admitteret, pulpitum
traderet? palam affirmavit, approbavit, quin imò vt id ipsum Epi-
scopus cum Venerabili Capitulo, ratum esse velit rogauit, diploma-
tinomen subscripsit, sigillum appoluit. Et ne quid ad certitudinem
ac firmitatem huic rei deesset, ipse Serenissimus Rex, hanc Episcopi
& parochi voluntatem, publica attestazione, sigilloq; Regio, fir-
marataq; esse voluit. Hæcine vobis Torunenses, priuata, surreptitia
ac pe-

ac per vim extorta diplomata, & recognitiones esse videntur? Certè hæc vestra criminatio, non nisi ex priuato vestro in nos odio, ex surreptitio iudicio, ac planè per vim, eamq; maximam extorto argumento, proficisci potuit. Vestræ sunt istæ technæ Torunenses, vestram religionem tales artes, nempe fraudes, doli ac vis decent: qui Monasterium Virginum eiusq; possessiones compilastis, qui in Canobium PP. Franciscanorum & bona eorundem violenter inuolastis, qui ipsum D. Ioannis templum iniuria vobis vendicastis, & in eius possessione vt permaneretis, omnem lapidem mouistis, & mouetis adhuc. Hæccine fuit, libet enim hic exclamare verbis vestri patroni; hæccine inquam fuit Torunenses, mens maiorum vestrorum, dum templa ac Monasteria ad Numen Diuinum placandum erigerent atq; ijs amplas dotes assignarent, vt scilicet in ijs Sacrosanctis ac Deo dicatis domicilijs, Hæretici Ministri, vxoribus stipati, magna; liberiorum turba circumuallati manerent; Diuinum Numen blasphemis vocibus ac ritibus violarent? Itane augustum illud Deiparæ Virginis templum ac Monasterium erexerunt, vt in eo Minister Hæreticus, Augustissimam Dei Parentem, sacrilego ac blasphemo ore proscinderet, indoctam plebem improbus, scelestæ oratione ad facinora limpelleret, ad neglectum legum Diuinarum, ipsiusq; Diuini Numinis contemptum incitaret? Non erant ita impij maiores vestri Torunenses, sed vos degeneres in eam, impietatem ne an amentiam dicam! prolapsi estis, vt quod illi in honorem æterni Numinis esse voluerunt, vos in eius contemptum conuertatis.

Sed nil mirum videri debet, cur hæc faciatis, non enim religionem, sed vestrum regimen amplificare cõnamini, non altaria, sed calcaria vestra ornare contenditis, & vbi aras & religionem prætenditis, ibi apertissimè, focos, & vestram auariciam præ vobis fertis, Quod ita perspicuum est, vt qui hoc neget, solem mihi dum medio cœlo feruet, lucere negare videatur, & ego iam Cap. 3. luculentissimè docui. Sed manifestius fiet ad huc ex quodam exemplo mendaci & conficto quod Anonymus nostræ Societati attribuit. Dicit ille Iesuitas aliquando Gregorium XIII Summum Ecclesiæ Antistitem, sollicitasse vt sibi Canobium D. Pauli extra urbem in quo Religiosi S. Benedicti manebant concederet, scilicet ob Monachorum illorum prolapsam disciplinam, & summum Pontificem nostris postulatis innuissè, verum dum ad occupandum illud canobium venissemus, plagis nos à Monachis exceptos assenerat, & dum sat diu de possessione Monasterij cum Monachis alere caremur, ne mortem quidem Summi Antistitis illam controuersiam inter nos circumisisset, sed tandem Sixtum V. eius successorem

successorem seueré nobis mandasse, ut negocium Monachû de illorum canobio-
facessere desisteremus, & aliena nonappetentes nostris cōtenti fūdationibus: vi-
dere se Monachos illos abūde sue religioſe obseruatiæ satus facturos, aut
si forte ex aliqua parte pro humana imbecillitate prolapsa sit, sedulo restauraturos.
Quot verba tot mēdacia. Vidistisne Torunēſes hūc libellum Patroni
vestri, antequā lucem aspexit, legistiſne hæc figmenta, & tanta nulli
fūdaento aut probabilitati innixa mēdacia? Mileret me equidē vestri
quōd impudens hic Anonymus, hisce suis tam absurdis figmētis, apud
omnes quicunq; libellū eius lecturi sunt, & quicunq; id intellexerint,
vos traducat, & nomini vestro haud mediocriter detrahat: neque
enim tenebrioni illi, cū quisnam ille sit nesciatur, sed vobis, vobis
inquam ipsis Torunenſes, totum id quidquid est mendaciorum ab
omnibus imputabitur, omnia hæc figmenta in vestrum caput reci-
dent. Neque enim nos latet, hanc totam infamem structuram, vestro
suasu imo & iussu vestrum Cacoscholarcham & pædophorum
esse ineptē fabricatum. Quis enim credet hoc & quis adeo animi
impotens, ac de statu mentis deturbatus inuenietur, qui posteaquam
historiam hanc legerit, aut ab aliis audierit, non eam continuo fa-
bulam, atq; eam quidem absurdissimē confictam pronuntiabit? vt
pote quæ nullum authorem habeat præter solum anonymum.
Certē ego à permultis viris grauib; & prudentibus, sum studioſe
ſciſcitatus, & ab ipſo Magnifico D. Pliemiecki qui morienti Grego-
rio, cui etiam familiaris erat adfuit, num aliquid super hac re ſcirent:
sed nunquam ſe id non audiſſe ſolum, ſed ne ſomniaſſe quidem
constantissimē responderunt: quin & ego ipſe totis, decem annis man-
ſi Romæ, nec tamen quidquam super hac re, me vnquam au-
diuiſſe memini, cū tamen tanta res, ignota eſſe non potuerit
illi ciuitati. Præterea ad quos ſuos vſus, illas Religioſorum
ædes ac templum noſtra Societas à Summo Pontifice obtinere vo-
luisset? quid nobis cum illis habitationibus adeo longē ab vrbe diſ-
ſitis ac remotis? quid cum templo, eo loco extra omnem hominum
frequentiam, extructo? Nobis inquam, quibus de iſtituto eſt, cum
hominibus conuerſari, ac eorum ſaluti ſeruire? Deinde qua impru-
dencia talem petitionem nos iſtituiſſemus, & Sua Sanctitas ad-
miſiſſet? qua ſtultitia non ſeruata forma iuris ac conſuetudinis, Vi
Religioſos homines Religioſi, in illa legum omnium ac iuſtitia cul-
trice vrbe, ex habitatis legitimē iam olim ædibus exturbare, violen-
tere earum poſſeſſionem adire, turpiſſimē alienas facultates inuadere
auſi fuiſſemus? Non o non nos, ſed te tuosq; Torunenſes ac reliquos
vestri

vestri si miles Hæreticos, alienorum crudeles raptores, Templorum
ac Ecclesiæ bonorū inuasores, hisce coloribus depinxisti Anonyme;
atq; hanc fabulam de te tuisq; congerronibus dum narras, imprudens
causam tuam intelix patronus prodis ac perdis. Nemo est qui vel le-
inter nostri Instituti rationes cognoscit (cognoscunt autem pluri-
mi) qui non subito ad huius tuæ narratiunculæ nœnias, tuam in nar-
rando ac patrocinando fidem in dubium reuocet, atq; palam in talia
verba prorumpat: Hic homo mentitur temere, & meras ex tempo-
re loquitur calumnias. Crediderim ne ego vera esse quæ cætera narrat:
cū in re adeo euidenti fucum facere audeat. Apage te cum tuis ho-
mo mendacissime commentis. Non aliam mihi crede, huius men-
dacij à quolibet, modò sana mente præditus legerit & rerum aliqua
cognitione polleat, mercedem feret Anonyme. Ego autem certare
tecum conuictijs nolo, neq; in te quicquam grauius statuere; tu tibi
cum hac tua temeritate, atq; in fingendo audacia, satis pœnarum es.
Eiusdem famæ sunt multa alia, quæ Anonymus contra nos scribita:
de quibus ego, ne longius quàm par est, hoc caput producam, infra
agam: quod dum facio, hoc velim vobis de me persuadeatis Toru-
nenses, me non nisi cum stomacho hæc Anonymi mendacia, quibus
ille, dum vobis patrocinari vult, improbè nomen vestrum lacerat,
legere, & cum dolore, vestræ scilicet famæ consulendo refutare. Sed
quia ille nobis talia obijcit, ne si tacerem, vera se dixisse arbitretur;
omnino sunt refellenda.

CAPVT DECIMVM.

*Veros Patronos iure Conferendi Parochiam templi Sancti
Ioannis, non exuimus.*

Verbis non ita facile assequi possum, quantopere Torunen-
ses doleant & conquerantur, quòd se iure Patronatus tem-
pli S. Ioannis exutos sentiant. Sed quàm meritò, se hoc
ipsi dolore discriutient, & suis querimonijs, aliorum aures imple-
ant, planè non video. Cū enim hoc iure, aliquando se indutos fui-
sse probare non possunt, vt ego mox ostendam, mirum est, quo-
modo eo se à nobis exutos esse, quo nunquam induti erant, lamen-
tentur. Verum ne gratis id dicere videantur, illud pro sua parte affe-
runt argumentum. Impetrarunt inquit Iesuita à Serenissimo Rege ius
conferendi illam Parochiam, quod ius commune fuit illi cum ciuitate, ac pro-

inde totum, illa inuicta, ad Iesuitas transferr; non debuisset. Hoc est Torunen-
sium argumentum, sed quantum ponderis ac momenti habe-
at, breuiter discutiamus. Ac in primis, vnde vos habetis Torunen-
ses, nos aliquod ius á Serenissimo Rege impetrasse, aut saltem illud
rogasse? Sed ad rem propius accedamus, cui vos innixi fundamento
Torunenses, illud ius vobis cum Rege commune fuisse affirmare
audetis? quasi verò Serenissimus Rex ita iniquus sit, vt iura aliena
sibi usurpet, & Priuilegia aliorum contra ius fasq; in alios transferat.
Ecce Torunenses, quod maximè nollem, famæ vestræ, vt ante ani-
mum meum vobis declaravi consulendo, cogor vos infidelitatis &
nullius obseruantia admonere, & quoniam Serenissimū Regem ani-
mo, atq; adeo in totam Rempublicam sitis, quàm rebelli, quàm contu-
maci, quàm iniurio, omnibus manifestum facere. Annon insignis
iniuria hæc est, affirmare. Regem aliena Priuilegia & iura in alios, absq;
illorum consensu, imò cum maximo detrimento & iniquitate, transfunderet?

Atq; dum ita turpiter se Anonymus vidisset impigisse, conatur qui-
dem hunc suum tantum errorem, si tamen error, & non grauis in
Sacram Regiam Maiestatem contumelia dici debeat, elcuare,
sed nihil facit. *Ait enim, non incusare Torunenses S. R. Maiestatem, quæ
tenacem omnium Priuilegiorum Ciuitatum, memoriam habere nequit, sed vos
inquit incusant, qui in tergum eiusdem Ciuitatis Priuilegia eiusdem euerſa,
vestraq; libidini exposita, cupitis. acutos vos cum vestro tergo. Nul-
lam Patronus, hic vester protestationem affert sine illo. Fortasse
quòd sæpius illud in Schola virgis subiecisset, memoriam eius, quàm
tenacem habet, deponere non potest. Dedit ergo Rex quod non
debuisset, sed ex obliuione. O nimis debilem Serenissimi Regis me-
moriā, imò non illius tantum; sed etiam Senatorum Regni: qui-
bus, priusquam Rex quidpiam decernat, hæc cura demandatur, vt
quis sit rei illius status, quæ ciuitatis iura, quæ priuilegia, accuratè
cognoscant? O nimis non tam labilem memoriā, quàm grauem in
cognoscendis ciuitatum Priuilegijs incuriam & negligentiam; Sed si
hoc pacto Regem excusatis Torunenses, quid est quòd in nos cul-
pam confertis? Nunquid enim Iesuitæ, qui pro suæ vitæ ratione, lon-
gè alijs rebus sunt intenti, vestrorum Priuilegiorum tenaciorem
memoriā habere tenentur, quàm Rex, quàm Senatores, imò
quàm vos ipsi? Quid enim? Cur, dum hæc fierent, in hoc vestro ne-
gocio tam graui indormistis; & in alijs quidem rebus sedulæ indu-
strij, in hac sola tam incircumspecti facti estis? Cur vestros annales
non reuoluistis, cur iura & Priuilegia non inspectistis? Cur Serenissi-
mo Regi ex obliuione vestra Priuilegia conuellenti, hæc in memo-*

riam

nam non reuocastis, cur Senatores tam grauis erroris non admonu-
istis? Cur & ipsi Priuilegiolorum Custodes duo Antistites Culmenses,
Illusterrim⁹ Tylicki & Illusterrim⁹ Gebicki, cum uterq; Cancellarij
aut Vicecancellarij Regij munere fungeretur, huius tamen rei nullam
fecerunt mentionem? Miseram nostram Poloniam, quæ ita Reges
Senatores, Cancellarios obliuiosos habet, ut nullus in toto regno
inuentus fuerit, qui iuris ac Priuilegij Torunenlium, cum ab ijs au-
ferretur, meminerit? Deinde Torunenses, si rem ita se habere
nunc primùm vobis in mentem venit, cum antea exciderit, si nunc
primum hæc vestra Priuilegia reperistis, cur cum Serenissimo Rege,
cum Antistite. Culmensibus, cum Senatoribus non agitis, cur ea non
exhibetis? cur eos ad quos minimè id pertinet, priuatim carpitis,
& tamosis libellis apud omnes in toto regno traducitis? An ideo vo-
bis hæc Priuilegia & cunctis alijs, è memoria exciderunt, quia nun-
quam in rerum natura fuisse? Et certè ita se rem habere, mihi faciliè
persuaserim, ex literis Illusterrimorum Antistitum Culmensium,
quos paulò ante nominaui, ex quibus Illusterrimus
Tylicki ita ad vos scribit: Quod vero inquit, eadem erga nos obser-
uantia sua, addictos templo etiam D. Ioannis cessisse nobis significare
videntur, illud ut D. D. V. V. diligentius ad animum sibi reuocarent cu-
peremus. Occupatum fuerat templum, id si non vi, certè nullo iure, repetitum
autem iure. D. Casimirus (cuius Priuilegia & indulta cum religionem obti-
nent, ut dubitare de autoritate illorum nescis sit) in ipsa terrarum Prussia
deditione, cum multa Maioribus D. D. V. V. ob eorum merita (ne-
quidem benefactis detrabere nostrum est) tribueret: templi tamen illius ius ut
vocat Patronatus, à Cruciferis exceptum, ipse quoq; quod DD. vestra opti-
me norunt, disertè excepit: quod cum excepit, quis non videt non modò suum,
sed simul Episcopi etiam ius excepisse; coniuncta enim ista inter se sunt, ius
Patronatus & ius Episcopi atq; ita coniuncta, ut nulla ratione separari possint.
Hæc & plura alia in eandem sententiam, quæ breuitati studens omitto, Illu-
strissimus Episcopus. Porro Illustrissimus Gebicki in eandem sententiam hæc
habet. Accedimus inquit ad vestra munimenta propius. Subalternum ius
patronatus quoddam opponitur.

Primum, non satis percipimus, quid sibi velit ius cum Principe subalternum.
Subalterna quidem in Dialectis, penè equipollent, æquata igitur vestra cum
Principe potestas alternis vicibus definita, par ius Patronatus? Ne Maiores
vestri fortunati, qui rem tantam obtinuerunt, ut in communionem iuris à
Principe admitterentur. Sed meministi, quanta verborum solennitate,
quæque cautione sibi successoribusq; suis D. Casimirus, omnia per Prussiam u-

ra Pa-

Patronatus reservari? Si derogare potuit successorum, illi Privilegio omnium ordinum comprobatione roborato; ac illius iuris, quod publicum regni merito censetur, partem in vos transferre: quidni poterit labefactare, etiam & dissolvere illos nexum, quibus de vestris possessionibus, quæ vos nimium efficiunt contumaces, cautum? Addamus & illud, posteriores leges omnia, quæcumq; in præiudicium publicum aut Principum iuris & commoda collata essent, penitus sustulisse, & peculiariter exuisse iure Regio patronatus. Denique decreto quod à Regia Maiestate inter vos & Parochum ultimo latum fuit, totam istam vestram assecurationem fractam cassatamq; esse. Ut taceamus vos esse qui extra unionem, unius S. Matris Ecclesiæ Catholice Christianum nomen usurpatis, & pacis authorem concordiamq; in pace colere non vultis, nihil possitis Ecclesiæ iure possidere. Hæc ille, ex quibus Torunenses nullo negotio colligere potestis, cur illud vestrum, tam fortunatum & cum ipso Rege commune, ut hic Senator loquitur, ius Patronatus, Regi ac Senatoribus, denique & vobis ipsis memoria exciderit, quia scilicet nunquam in rerum natura fuit,

Quia verò id ipsum Orator noster Torunensibus obiecerat, & si commune hoc ius cum Rege haberent, illud sibi ostendi postulabat. Doceant hoc inquit Torunenses, & vicerunt: ideo illorum Patronus, quia quod Oratori responderet, in promptu non habebat, ex sua illa, ut ego existimo peruetusta, & ab ipso Ioue Hæreticis tradita diphem, privilegium quoddam Regis, sed nescio cuius excerptis, quo illis cōceditur, ius Patronatus templi S. Ioannis alternatim cum Rege, nescio quando, & ubi concessum. Egregiam sanè & ingeniosam probandi rationem, & tamen ita de ea Patronus Torunensium sibi applaudit, ita gloriatur, ut posteaquam illam fabulam retulit, triumphanti similis audacter ad nos suam orationem convertat. Ecce inquit Iesuita probavi, Torunenses habere ius Patronatus cum S. R. Maiestate commune. Vbi nunc tua trophæa? Si Torunenses habent ius Patronatus commune cum Rege, cur illud non ostendunt? Doceant hoc Torunenses & vicerunt. Certasti Iesuita cum Torunensibus de subalterno Patronatus iure, de posito certo pignore nimirum & tucro, & victoria certa, Cede itaq; cum tu male fidei possessoribus, templo, domoq; Parochiali, vigore tua propria obligationis. Itane nugator ineptissime, vicisse te putas, cum fabulam hanc retulisti, & iam templum iam ædem Parochi vis esse Torunensium? Ludis & iocaris, cum seriò agendum erat. Taliane torunenses diplomata habent, quæ à quibusnam Regibus profecta, quo anno, loco concessa sint, probare non possunt? Atter diploma regium cum sigillo, anno, loco, & nomine, non fictum, non com-
mentitium

menticiū, & vicisti: atq; simul pignus certaminis ab Oratore nostro propositum obtinuisti, nimirum habere Torunenses ius Patronatus. Sed & illud manifestissimè falsitatem huius Privilegij arguit, quòd illud Torunenses ad plura quàm sonet, extendant. Quòd enim verbum in illo vel minimum est, de æde Parochiali Torunensi S. Ioannis? *Ius dicit Patronatus Ecclesiæ & præsentandi alternatis vicibus, in eadem ipsa Ecclesiâ nobiscum, & cum successoribus nostris, per ipsos, & eorum successores æternè habendum, dand. m, donandum, & conferendum duximus.* Quæ hic vel tenuissima mentio de æde Parochiali? Qua fide ergo vos Torunenses hoc Privilegium vobis ampliatis, & ad rem, de qua nihil expressè privilegium dicit extenditis? Nescitis ex regula illa Iuristarum notissima, privilegia tantum valere quantum sonant? Cur ergo vos illud ad, domum Parochi, de qua ne litterulam quidem vnam habet, reffertis? Atq; hoc posito facile ruit & illud quod dicitis, domum Parochialem eodem quo & templum iure niti, ac proinde cum in templum ius vobis, vt vos affirmatis competit, etiam in domum parochialem competere, debere: id enim falsum omnino est: nam & ista iura distincta sunt, imò diuersis hominibus competere possunt. Cum verò ius patronatus templi tantum iuxta vestram affirmationem, est vobis concessum, non est eo ipso concessum & Domus; quæ quid distinctum est à templo. Ius enim patronatus, non est ius patronatus Domus Parochialis, sed præsentandi Clericum ad beneficium. Sed neq; in templum vos aliquid ius habere est verum. Nam habere ius patronatus, non est proprie habere ius in templum: quod vos Hæretici non intelligitis, sed ad vestrum sensum omnia trahere vultis. Ius ergo domus Parochialis habuerunt Antistites Culmenses, qui cum assensu parochi poterant illam domum familiæ Religiosæ, perpetuo iure concedere, vt & fecerunt, accedente etiam ad id Serenissimi Regis consensu, qui ex vestra ipsorum sententia, habet ius in eam domum Parochialem. Cur ergo eam nobis pro eo iure, quod vos illum habere fatemini conferre non potuit? An si vos eam domum nobis contulissetis, non iure nos eam possidere diceretis? cur quando Serenissimus Rex contulit, nos iniustos possessores appellatis? Iustum est quia vobis, vt vos dicitis contulit, cum potuisset; & non est iustum quia contulit nobis cum similiter petuisset: cur ita? um quia quidquid Torunensibus conceditur, id iustè concedi; quidquid lesuitis iniuste hieriputatis? Sed vobis ob vestra in Rempublicam merita concessit, sit ita neq; enim vestris derogare meritis meū est, sed neq; vos deregetis nostris.

Atq; vt ad id, vnde digressa est redeat oratio, puto ex his quæ
hactenus dixi, satis superq; manifestum esse, vos Torunenses nun-
quam à nobis, iure Patronatus, siue illud habueritis, siue non, ex-
u. os esse: neq; vos vicisse, & im merito Oratori nostro insultare, atq;
ab eo pignus certaminis exposcere: cùm Priuilegium surreptitium,
& sup. positum sine vilo Rege qui illud concesserit, sine anno &
loco assertis. Vt tamen ad huc manifestior fiat hæc nostra proposita
assertio, & vos Torunenses intelligatis, an hoc iure à nobis aliquan-
do exui poteratis, aliqua ex grauibus authoribus hic de iure patro-
natus addam. Vos enim Hæretici à nobis Catholicis doctrinam
hanc iure petere, & acceptare debetis: cùm ius patronatus, sit ius
Ecclesiasticum. quod dum vos vsurpatis vobis, num iure, an inu-
ria hoc faciatis, & quidnam illud sit, à veris Ecclesiæ filiis Catholicis,
vos abortiu & apostatæ discere debetis.

Primum ergo caput huius doctrinæ est, ius patronatus nihil aliud
esse, quàm potestas nominandi præsentandi, seu offerendi Epis-
copo Clericum, instituendum ad aliquod beneficium Ecclesi-
asticum in vacans; quod præter doctores omnes Ecclesiæ, Theolo-
gos, Iuristas, tam Canonicos quàm ciuiles, ipse etiam Illustrissimus
Tylicki apertissime docet in literis superius a me citatis. *Patronus*
inquit ille eligit (s. Clericum) Episcopus præbat, ille præsentat, Episcopus
confirmat seu instituit. Quomodo ergo vos Torunenses, aliud ius
vobis assumitis in Templum S. Ioannis? quomodo tantum vo-
bis arrogare audetis, vt si episcopus quos videt idoneos illi Ecclesiæ
submittat, ad suas oues Diuini verbi prædicatione, sacramentorumq;
administratione pascendas, atq; ab hostium incurribus tutandas, ad
omnem pietatem informandas, queramini, & nullo modo id ab illis
faciendum esse clametis? Imò iam nullum ius in illud templum
Episcopos habere, non obscure contenditis, vt queritur & obicit
vobis Illustrissimus Tylicki.

Alterum est Patronum Ecclesiæ, non posse donare ius præsentandi
laico sine consensu Episcopi, alias irritam esse donationem: secus
est de Religiosorum familiis. Ita Decius conf. 541. vbi docet hanc
esse communem sententiam, Rochus in lib. de Iure pationatus in
verbo Pro eo q. 2 n. 30. Lambertus ibidem lib. 6 par. 2. q. 6
principali a 2. Ioan: Andre: & Abbas in cap. primum de iure pa-
tronatus. At vos torunenses, qui ius Patronatus vobis à Rege
necio quo donatum esse gloriamini, habetisne consensum Episco-
pi, & quis ille est, sine quo totum ius vestrum, quodcumq; tandem
illud

illud sit, corrui? Atq; hoc animo illos auctores huc produxi, ut intelligeretis, vestrum privilegium siue illud verum, siue fictum sit, nihil momenti ac ponderis habere, cum vos laici, imo Hæretici à laico, hoc ius sine Episcopi voluntate accipere non potueritis.

Tertium, ius patronatus non potest haberi titulo patrimonii, vel hæreditatis, quia non cadit sub hæreditariam successionem; sola enim præsentatio, non verò successio pertinet ad patronum: quam tamen Hæretici, quales sunt Torunenses viurpare sibi contendunt Ita Greg. lib. 3. lib. 38. c. 15. de iure patronatus cum sua Glossa.

Quartum, ius patronatus else, ius spirituale, & à solo iudice Ecclesiastico iudicari debere, ex Greg. lib. 2. tit. 1. c. 30. de iudiciis iuxta Glossam, verbo, Connexa. Quid ergo vos Torunenses, de hoc iure coram vestro Antistite Culmiensi, disceptare non vultis?

Quintum & postremum est, ius patronatus in Ecclesia Catholica laicis non concedi, nisi respectu Religionis Catholicæ, & propter bonum Ecclesiæ, ac pro inde illud Hæreticis quales sunt Torunenses, nullo modo competere posse in templa Catholica, quos etiam ius civile spoliat omnibus privilegiis, quæ Catholicis iure Religionis indulta sunt. lib. 1. tit. 5. lib. 3. & 10, & Nouel 131. c. 14. Magna sūt hæc Torunenses, sed audite maiora, quæ illa? vultis nosse? Iura nostra Polonica priuant & exuunt Hæreticos talibus etiam privilegiis. non creditis Torunenses? Legite statutum Iagelonis, & ordinationem regni, legite & alia multa anni 1572. senatus consulta. Euoluite edictum Sig. i. edictum Sig. Aug. lib. 4. Sinodi. Const. in quibus hoc quod dico perspicietis Miris equidem extollit laudibus patronus vester, statutum Sigismundi Regis Poloniæ de Annatis, ut pote quod sit ad palatum ipsius, quo ille promittit se petiturum à Sanctissimo Patre Papa (ita Maiores nostri & vestri Torunenses vocabant Romanum Episcopum, non ut vos Antichristum) ut Annatæ remarent pro defensione reipub. in regno: quod si eas impetrare non posset, tunc iam ex tunc renunciaturum illi, easdem se non daturum nec efferi vlla ratione permitturum.

Atq; dum hæc patronus vester retulisset acturum exclamat. Vbi tunc inquit ista Pontificis Romani omnipotentia, in Polonia latitabat, quam nobis Bellarminus & ceteri Iesuitæ, Romanæ aula adulatores, novè doctores persuadere conantur? Non recognita fuit in Polonia ante istos ab antecessoribus nostris potestas, Pontificis etiam quoad redditus. Laudet igitur & hoc aliud eiusdem Sigismundi statutum, quo ille decernit, Hæreticorum bona omnia confiscanda esse, prolem viriusq; sexus omnium bono-

rum successione, & honore abdicandam, omnes infames esse, vt qui cen-
suris Ecclesiasticis non terentur, humana severitate mulcentur. Fueruntne
tunc in Polonia Iesuitæ, imo existeruntne in aliqua orbis parte,
aut in rerum natura, cum hic Rex omnes hereticos suam q̃ prolem
tanta infamiae macula notarit, & omnium facultatum honorisq; ab-
dicatione, vt peruicaces & legibus non obtemperantes onerarit?
Audiuitne tunc Polonia de Iesuitis, novitne illos vel de nomine totus
mundus, cum Gregorius 7. Romanus Pontifex ante quingentos &
aliquot supra triginta annos, ob eadem D. Stanislai à Boleslao
Cracoviae patrata, toti Poloniae sacris interdixit, regnoq; eam priva-
vit, ipsum vero Regem diris execrationibus deuovit, & regiam dig-
nitatem ipsi solenni ritu abrogauit: edixit quoq; ne in posterum
Episcopi in Regem quēpiam alium, iniussu suo vngerent, & corona-
rent. Et ex eo tempore principes dicebantur, non Reges, qui in Po-
lonia dominabatur, & durauit hoc interregnum, multis & multis annis,
vt videre est apud nostrum Cromerum lib. 4. & 11. Vbi tunc erant
Anonyme isti cui Romanæ aule assentatores, cum hæc fierent? Late-
batne tunc in Polonia, ista Summi Pontificis omnipotentia, quæ
tanti horrendas palam Regi, regnoq; inflixit pœnas? Nondum videli-
cet, tunc fuerant exorti in Polonia Hæretici & parasiti Regum. Iam
verò quàm recte probes illo Sigismundi statuto, non recognitam
fuisse in Polonia, ante Iesuitas Romanorum pontificum potesta-
tem, etiam quoad reditus, nemo nisi cæcus & amens sit, non videt.
Cur enim Sigismundus promississet Nobilitati, se missurum ad Sum-
mum Pontificem, & petiturum ab eo Annatas, si Pontifex non ha-
buit potestatem in illis reditus? Quid oportebat ab eo petere earū
condonationem, si nullomodo illius erant? si nullum ius in eas
habuit? quis enim ab aliquo id quod non suum est petit? clarè er-
go docet Sigismundus, suas Annatas, in Romani Pontificis manu fu-
isse: quas ille se non ferro adepturum, sed precibus impetratu-
rum, pro regni necessitatibus Nobilitati pollicetur. Sed tu more
Musæ, parte hac sana relicta, ad illam affectam properasti, vbi se
rex, in hoc à Pontifice impetrarit, illas non permissurum efferrī
protestatur. Ex quo fat ineptè more tuo, latuisse tunc in Polonia
Pontificis potestatem, intulisti: illud enim nihil Pontificis authori-
tati aut potestati derogat. Neq; enim si milites in suum insurgant
Imperatorem, aut subditi suo rebellent regi, ideo illi milites ac lub-
diti continuo esse desierunt, & hi Imperatoriam ac regiam in eos
amiserunt potestatem: licet interdum multitudine seu potentia
ipsorum

ipsorum opprimantur; semper tamen ius suum retinent, Et certè Summus Pontifex illam iniuriam non dissimulasset. Dicat verò nobis patronus vester: cur nihilominus idem Sigismundus contra suum statutum, & fidem datam toti regno permisit, efferri deinceps Romam annatas? forte à Bellarmino & à Iesuitis, qui tunc in rerum natura non erant, periuasus de omnipotentia pontificis? Videtis Toruenses vt Acephalus vester delirat. Dilcat igitur rudissimus homo, annatas esse antiquissimas, omnium nationum consensu receptas, vsu diuturno comprobatas, & per concilia, vt Constantiense, quod ille ipse citat & admittit, ac Viennense stabilitas, de quibus multa apud Thomam Campegium Cap: de Annatarum institutione videre potest. Vetus tuit hæc & ab omnibus accepta doctrina, & Summum Pontificem, habere potestatem Spiritualem super Reges Christianos ac ipsorum regna, & deniq; deberi eidem; de iure tanquam Summo pastori Episcoporum decimas, quæ sunt illorum Annataræ, sicut & ipsdem Episcopis debentur à Laicis, quorum sunt pastores. Atq; hæc ita sunt indubitata apud omnes Catholicos literatos, vt superuacaneum sit pluribus, hac de re agere, maximè apud vos Hæreticos.

CAPVT VNDECIMVM.

Collegium Toruense Societatis nostræ, optimo iure creditum & institutum.

Operæ pretium me facturum existimo, cum hanc quæstionem, de Collegio & Scholis nostris; optimo iure Torunij excitatis & fundatis cum Toruensi instituo. Hinc enim illæ Toruensium lachrymæ, hinc omnes illæ quærelæ; omnes contumeliæ; omnes criminationes dimanarunt. Scholæ tot accusationes Toruensium contra nos exciuerunt, famulos libellos cuderunt, odia sopita veluti cinere deiecto, suscitauerunt; tumultus, iurgia, protestationes, direptiones crearunt; cælum & terram mouerunt. Hæc est illa scintilla, quæ tantum excitauit incendium. Hoc illud crimen est, quod eo animi iræq; impotentes, Toruenses impulit, vt cum criminationib; & maledictis, in nos finem nullum tacerent, se ipsos in fabulam; & prouerbium omnibus darent. Quando Torunij abiq; Scholis manimus; (quod ferè tempus decenij impleuit curri-

curriculum) amicioribus torunenſibus uſi ſumus: Nullæ tunc pro-
teſtationes: nulla maledicta audita. At ubi primum Scholæ aperte
ſunt, & Collegium inſtitutum, ubi ſtudioꝝ noſtrorum initia
exorti ſumus, ecce tibi torunenſes, veluti feruens ſæuis actum
tempeſtatibus æquor, turbari, æſtuare, feruere, bullire; accuſatio-
nibus, calumnijs, mendacijs non parcere; omnia contra nos quæ ira
& indignatio ſuadebant effutire, nos malæ fidei peſſellores apellare
domo exturbare, libellos ſcomatis & maledictis plenos paſſim
ſpargere, Catholicos perſequi, ſacra rituſq; Romanos prohibere &
impedire, omnia tentare, Comitia turbare, negotia Reipub in con-
uentibus, Nobilitatis ſuis commentis interrumpere, omnia miſcere,
omnia peruertere, nihil negligere, nihil intentatum relinquerè,
ſumptibus non parcere, tamam proſtituere, bachari ac turere planè
caperunt. Scilicet in ære veſtro ſunt noſtræ Scholæ, & non eaſ inis
(ut aiunt) ceris eradere cupereticis. Non creditis hoc? pàlam vos
veſtris ipſorum teſtimonijs conuincam, ſi tamen prius paucula hic
Illuſtriſſimi Gebicki verba appoluero. *Subitanea (inquit) iſta quaſti-
de iure poſſeſſionis domus Parochialis Ieſuitarum, interiecto decennij ſpatio, ſera
eſt admodum & intempeſtiua.* Cur ſera, & intempeſtiua? quia ante
torunij ſcholas non habuimus cùm nunc habeamus. Quid ergo vos
torunenſes? Rogatus non ita pridem torunij ante duos annos circi-
ter, ab Illuſtrui D. Fabiano Plemiecky, Fabianus tinka veſter pri-
marius, vir & Conſularis, quid cauſæ eſſet, cur torunenſes, homines
Societatis Ieſu tanto, tã acri, tam inextſurato perſequerentur odio,
ut eadem cùm ijs ingredi via nequaquam poſſint, cùm ante amice
& pacatè, cùm ijs vixerint. Quid ille ad hæc? Num eos turbatores
pacis, euerſores ciuitatis, direptores facultatum alienarum apella-
uit: Num inuaſores templi, domus Parochialis iniuſtos poſſeſſores,
Auguſtanam religionem demolientes, Euangèlicis nocentes, canes
angulos domus Senatorum in Comitijs obambulantes, eſe dixit?
Num deniq; de aliquibus iniurijs, calumnijs, criminationibus, eſt
queſtus? Mirum de his omnibus ſilentium. Quid igitur? Audi: e &
veſtro vos gladio iugulate. Ingenuè falſus eſt ille, ſe quod Ieſuitis vi-
tiò daret, non habere, ut qui eſſent homines inculpatæ vitæ, & præ cæteris
ſingulare quid, quo illis excellant habentes: Scholas tamen ipſorum, ſe totumq;
ſenatum torunenſem, cùm ab illis nobis metuamus, nullomodo ſerre poſſe,
quo ſectum eſt, ut & ipſi Ieſu ita graues apud nos incurrerint ininicitias. Au-
diſtis? Agnoſcitis, tam inſigne noſtræ innocentie, veſtrum iplorum te-
ſtimonium? quod tanto luculentius eſt, quanto is, qui illud dedit,

in Sena-

in Senatu vestro altior fuit, & nostræ Societati hostis infestior. Atq; id ego ex eodē Illustri D. Plemientki accepi. Sed repetite quæto Torunenses animis vestris, adhuc & illam vestram legationem ad Antistitem Culmensē? cognoscite, quale innocentie nostræ vestri legati ibi dederint testimonium; vt iam capite secundo docui, sed parum est hoc: non paucis ex Equestri ordine viris, nostræ quoq; Societatis Religiosis haud semel dixistis. *Transferte vestras Scholas alio, nos sumptum lo. millium ad id offeremus: ipsi vero hīc manete vt ante sine Scholis, conue. uenimus vobiscū, peccata & quæta nobis erunt omnia, amicos nos experiemini.* Hæc est oratio, hæc testimonia Torunensium, quibus ingenuè fatentur, se quicquid hætenus contra nos dixerunt, fecerunt eū id Scholarum odio dixisse fecisseq; omnesq; illos tumultus, calumnias, tamofos libellos, accusationes, Comitiorum & totius Reipub. turbationes, & quidquid demum ira odiumq; patrauit, totum illud ex hoc vnico fonte quia Torunij Scholas habemus, dimanasse.

Quia verò passim iactant Illustrissimum Petrum Kostkam Antistitem Culmenē, nullū habuisse ius fundandi Collegium nostræ Societatis Torunij, neq; nos vllā foundationem iure habere posse, quod si quam habeamus, eam surreptitiam, & per vim extortam esse; vt tantum errorem ex animis Torunensium euellam, altius quædam de Collegiorum institutione, hīc mihi repetenda video:

Ac in primis, fundatio Collegiorum, in quibus iuuentūs cū honestis liceris, tum optimis moribus, informetur ac imbuatur, Principibus, tam secularibus quam Ecclesiasticis, qui ad clauum Reipub. sedent, competit: quod ita se habere apertè, ius Ciuile & Ecclesiasticum docet, & Tolofs. Syntagm. lib. 15. C. 32. Gregorius lib. 4 Cū filij sint legitimi: Titulo 17. C. 13. cū Glossa, & lib. 3. Tit. 23. C. 1. in 6. de immunitate Ecclesiarum cū Glossa & Martianus D. Lib. 47. Tit. 22. Possunt præterea Collegia institui ab Episcopis in sua diœcesi, & ab alijs qui nō sunt Episcopi, modo Principis siue Regis cuius illæ sunt prouinciæ aut Vrbes accedat consensus. Et id docet ius vtrumq; loco iā allato. Huc accedit, Episcopos inuigilare debere vt Magistri qui iuuentutem in Scholis erudiant, sint optimi, & cū doctrina, tum pietate præstantes, ex Lib. 10. tit. 52. de Professoribus Lib. 7. Quod si alicubi altiores disciplinæ tractandæ sint, eas etiam Summi Pontificis confirmationem requirere; in Clementina de Magistris docetur. Atq; hoc pacto Collegium & inclyta Craouiensis Academia per Jagellonem, & conuigem eius Hedūigim pij'simæ vitæ Reginam erecta ac fundata fuit, confirmatione Urbani Pontificis, accedente.

dente, in qua tamen lectio Theologica, denegata est, quam tunc Rex expetuerat: sed post modum à Bonifacio concessa, & quibusdam triuilegijs ac libertatibus dotata & ornata: vt videre est apud Herbartum, verbo, Schola Cracouiensis & in Summario Ianiszuij verbo Academici. Atq; dum hæc scribo, duos mihi latissimos aperiri campos video, agendi contra Anonymum ipsosq; Torunenles. primus est, in Polonia, antequam in hoc Regnum, nostra Societas inuecta esset, imò cum nusquam extaret adhuc Summi Pontificis non latuisse auctoritatem, vt iam suprà satis aperte docui, aut potentiam: sine cuius voluntate S. Theologiæ studia, nemo poterat Cracouiæ profiteri, licet id Rex & Regina maximè postulassent. Eat ergo Anonymus & legat diligenter annales & primordia academici Cracouiensis, & in posterum obstruat os suum, nec contra apertam veritatem, loqui velit, quo nomen famamq; Torunenlium, quam ego semper sanctam rectamq; velim, laceret & traducat. Secundus est, nostrum Torunij Collegium, iure optimo fundatum & institutum esse, iuxta ea quæ de fundatione Collegiorum adduxi, si illa principia Torunenles admittunt, vt admittere debent, nisi proterui sint & contumaces, atq; ipsi rationis dictamini, veritati, decretisq; tam Ecclesiasticis quam sæcularibus, repugnantes esse velint. Vera sunt ergo ea, quæ de fundatione Collegiorum ad iuuentutem erudiendam dixi, & si quæ eo modo fundentur, & erigantur iure optimo fundari & erigi. Sed nostrum Torunenle Collegium ad illum modum, & iuxta illas leges, erectum & fundatum est. Ergo non nisi, iure optimo fundari ac erigi potuit. Negatis Torunenles quin imò maximè. Manete parumper, donec illius Maioris propositionis quam vos admittitis, principia retexam, & ad Minorem de nostri Collegij fundatione applicabo, & tunc licet maximè nolitis, assensu Conclusionis à vobis extorquebo. Atq; in primis ignorare non potestis Collegium nostrum, à Petro Kostka, optimo Antistite Culmenensi esse institutum Torunij in Ciuitate suæ Diocesis, habito consensu Serenissimi Regis Sigismundi, qui Dominus est vt totius Regni ita & Ciuitatis huius; quod maxime docent publica diplomata cum eiusdem Antistitis, tum Serenissimi Regis, qui etiam peculiari Priuilegio illud Episcopale diploma confirmauit. Adhucne illegitimè nostrum Collegium fundatum esse contenditis, quod ab Episcopo institutum à Rege confirmatum est? At si Regi & Episcopis ius fundandi Collegia adimittis, cui tandem illud attribuetis? nisi forte vos & Reges & episcopi in vestra Ciuitate esse velitis. Sed ne vobis tantum

tantum arrogetis, subdite cola iugo, agnoscite Régés, agnoscite
Episcopos, nolite Regiam, nolite & Episcopalem, ad vos trans-
ferre potestatem. Si tamen adhuc vobis ad Collegij Torunensis
foundationem, authoritas Regia & Episcopalis non sufficere videtur,
num & totius Reipub. consensum & voluntatē respicietis? nimis du-
ri & peruicaces estis. Reuoluite acta comitorum generalium anni
1611. in quibus totum Senatus, & nunciorum Collegium, nomine v-
niuersæ Reipub: nostras Torunenses Scholas summa approbauit
authoritate, voluntate, constitutione, decretoq; expressis verbis la-
to. Satis hoc? audite & expauescite, quæ tam repenti, è mari in To-
runenses calamitas? & in Torunenses illud Collegium impediens
pœna, quæ illa? *pœna inquam perpetua bannitionis lata.* Istine toru-
nenses, ius Collegij, in vestra Ciuitate instituendi non habent, qui
tantam, tam seuerâ, tam grauem vobis infligere pœnam possunt? Sed
Patronus vester ait, huic Constitutioni, dum in Conuentu Nobili-
tatis legeretur, à maxima parte Nunciorum terrestrium, quierant
Euangelici, fuisse reclamatum. Omnino iste Patronus vester, aut fal-
litur, vt homo ex infima fœce plebis publicorūq; regni statutorū igna-
rus, aut apertam veritatē impugnat. Nā nec maxima pars eorū Nun-
tiorum constabat ex Euangelicis, nec omnes reclamarunt, sed ali-
qui duntaxat, & fortassis duo tantum; qui tamen auditis rationi-
bus aliorum, & quod nihil illorum interresset, acquieuerunt: quod
ego ex grauissimis nostri regni Senatoribus, sub hoc ipsum tempus,
dum hæc scriberem intellexi, cum huius vestræ tabulæ, apud eos
mentionem fecissem. Miror planè hunc vestrum Patronum, quod
quidquid dicat, totum è mendacijs sit constatum: ita vt somniale,
tunc potius, dum hoc vestrum Patrocinium scripsit, quàm vigilasse
videatur: & vobis, qui post Nobilitatem in repub. præcipuum no-
men obtinetis, dum ratrocinari voluit, non mediocriter suis men-
dacijs (quod ego multum doleo) obfuit, dum vos apud omnes tra-
duxit. Ex hoc eodem principio colligere potestis, & illud vestri ra-
tronij pronunciatum, quàm sit veritati, consentaneum, non arrogasse
sibi Nobilitatem, hoc ius, vt possit in Ciuitate Torunensi Scholas
erigere. Quomodo n. illud arrogare sibi dicenda est, quod tanquā pro-
prium habet, vesterne ratronus, ius Collegium erigendi Torunij,
toti reipub. admitte? Quod si hoc iure & potestate Scholas institu-
endi reipub. exiit, cui tandem illam attribuet? nisi forte ad vos
solos hanc potestatem pertinere, dicat: & vos solos reges illius
Ciuitatis constituat?

Sed fortasse iam ita Collegium nostrum, ut dictum est Torunij
constituisse acquiescitis: illud tamen forte veremini, ne rogantibus
& urgentibus nobis, illæ Scholæ apud vos confiterint, quæ sola res
omnium suspicionum, ac periculorum possit esse lemnarium. Et
quamuis hæc in parte mentem nostram, vobis non teneamur expo-
nere; tamen quo magis, sinceritas animi nostri vobis nota sit, rem
omnem, ita sicuti est, aperiam. Magnus ille, & promouendæ pie-
tatis ac religionis Zelo æstuans, reclusus Kostka Antistes Culmentis,
ut primùm in huius Ecclesiæ pastorem dignitatem inauguratus est,
vndiq; statim circumspicere, tanquam bonus pastor cepit, quomo-
do suæ curæ commendatas oves, ad bonum promoueret, quibus
presidijs à malo tueretur. Quo subsidio, quia Torunnensem Eccle-
siam, ut pote inter Hæreticos Ecclesiæ Catholicæ hostes infestissi-
mos, & pietatis, omnisq; morum honestatis, deprauatores pos-
tam vidit: ad hanc iuuandam præcipuè, omnes suas curas cogita-
tionesq; conuertit. Quia verò nostram Societatem, ad hoc opus
idoneam esse cognouit, ut potè quam in pietate Catholica promo-
uenda indefessam, in laboribus & periculis sustinendis fortem, in
Hæreticorum erroribus oppugnandis, prudenter magnanimam, &
felicem expertus est; hanc potissimum in partem sui laboris vocare,
hanc quasi vigilias, ac prædiarias copias, ad suum tutandum ouile
ponere decreuit. Ut ergo huic sanctissimæ voluntati faceret satis,
anno 1573. quo Episcopatus sui pedum accepit, P. Prouincialem no-
stræ Societatis, ad se accersuit eiq; omnem suam voluntatem, ac
desiderium exposuit: cui tamen obsequi, & satisfacere ob paucita-
tem personarum, in nostra Societate non potuit. Itaq; hic repul-
sam passus, nihilominus de suo studio, ac voluntate, annis succe-
dentibus nihil remisit: atq; iterum alium prouincialem nostrum ad
se aduocauit, eiq; suam eandem de Collegio Torunij fundando
mentem aperuit, & id summa contentione postulauit. Sed neque
hic ob varias difficultates, quas nostri proponebant, illi suum ex-
plere desiderium licuit. Quid hic faceret optimus præses custosque
vigilantissimus super gregem suum, Christi sanguine redemptum
desisteretne à proposito ob repulsam toties aditam, an pergeret?
tantum ergo absuit ut aliquid de suo desiderio remiserit, ut etià illud
multis auxerit partibus. Anno itaq; salutis nostræ, 1593. prouincia-
li nostro ad se euocato, primùm multum coram ipso questus, quod
toties iustissimis suis precibus non annuerit, is, qui totam suæ vi-
sitationem in adiuuandis ad salutem proximis, ex suo instituto
posuit

posuit, demum ijs eum conuicit, & ligatum tenuit rationibus; ut nec Episcopus ob suam auctoritatem, & sanctissimum desiderium repulsam pati, nec provincialis, id quod petebatur, ob suam modestiam denegare, aut paucitatem personarum, seu quiduis aliud prætere, amplius potuerit. Respirauit ergo optimus Antistes, dum suum desiderium, tandem aliquando expletum vidit, atque mox nulla facta mora, vna cum Venerabili Capitulo, priuilegium pro fundando Torunij Collegio, conscribi curauit. Sed antequam hoc tam sanctum animi sui institutum, ad finem optatum perduceret, inuida mors, dum maximè ferueret opus, eum nobis è medio sublatum, cælo, non nobis maturum, ad meliorem vitam transulit. Succesit Illustrissimus Petrus Tylicki, non minus in Episcopali dignitate & officio, quàm in feruentissimo Antecessoris sui, in promouenda Torunij per nostræ Societatis homines Catholica religione desiderio. Et ut pastoralis dignitatis, ita studiorum, sui Antecessoris, verus factus hæres, imò & æmulus, illius voluntatem in fundando nostro Torunij Collegio, omnibus rationibus promouit: adeò ut cum ipso, hoc in genere certare videretur. Atque dum huic operi insignis princeps & propagandi honoris Diuini studiosus, seriò manū admouit, id tandè est assecutus, quod ne suus Antecessor assequeretur, mors immatura prohibuit. Iure ergo ac legibus templum S. Joannis, quod vestris ritibus Hæreticis, à multis annis prophanatum polluitis, è manibus vestris intercedente D. Andreæ Markowski eiusdem templi parochi opera, extorsit: nos in possessionem domus, & Scholæ Parochialis anno 1596. ut supra retuli, per suū Cancellarium introduxit, pulpitu Ecclesiæ tradidit, atque ut animosè opus nostrum, in iuuandis pro nostro instituto proximis, aggredieremur animauit.

Quid hic vos non fecistis Torunenles? in quas formas vos ceu Promethei aliqui non transformastis? quid non attentastis? quibus interminationibus, quibus pollicitationibus, nos de nostro statu deturbare non estis adnisi? dum nos palam Torunij omnia pietatis Catholice officia obire, conciones publicè, Polonico & Germanico idiomate, ad populum habere vidistis? Sed ut nos ad minas imperterritos, ad pollicitationes inflexibiles conspexistis, quo confugistis? Primò libellos famosos sub tempus Nundinarum contra nos edere, & ad valuas ciuitatis publicè affigere, ac in vulgus spargere; de inde criminationibus varijs, calumnijs, acculationibus nos vndeque; in petere capistis: verū cū ne his omnibus victi cederemus, literas

Illustriss. Tylicky dedistis, ut nos quāprimum Torunio amove-
ret. Respondit ille ut par erat, in ijs literis quarū saepe hīc mētionem
fecimus, licere sibi Torunij quos velint habere Sacerdotes, ac proinde vos in
aliorum sese ingerere officium non debere. Luculenta est in eadē Epistola
huius tanti Senatoris laus nostrae Societatis & decessio, in qua etiā
meminit Scholae domui Parochiali vicinae, quam vos contra ea quae
ibi dicit, & contra veritatem transactionis vobiscum factae, Haeredi-
tariam vestram, nescio quo iure, hīc non semel asseruistis, &
quod precario eam Plebano, & ad vestrum beneplacitum concesserit-
tis. Quod si ita esset, quomodo tantus vir contrarium idq; apud
vos assereret? & eam Scholam nobis perpetuo iure consignare
inheret, quam vestram & Plebano precario concessam sciret?

Ex his ergo quae hactenus dicta sunt, latet liquet, inmultissimē vos
Torunenses, conqueri & clamare, nullo iure Collegium nostrum
apud vos esse institutum. Sed iam credo manus datis, iam hoc ius
fundandi Collegia, Regi, iam episcopis conceditis, adhuc tamen
audio vos submissius nescio, quid immurmurantes: vera scilicet esse
omnia, quae de fundatione Collegij dicta sunt: quando tamen haec fun-
datio non sit, contra ius alicuius civitatis quo fieri prohibetur, tunc
enim iure erectum esse dici nullo modo potest: quale ius & privile-
gium habet Civitas Torunensis. Ostendite haec privilegia Toru-
nenses, Regum poloniae, quibus vobis conceditur tantum ac plane
Regiū n ius, ut Scholae nusquam Torunij erigi possint sine consensu
vestro. Cur quareo cū tā praeclaro, tā magnifico privilegio, in lucē pro-
dire metuitis? fortasse & illud est Regis nescio cuius. quando, &
vbi datum. Quod si Torunenses quispiam contenderet, vos hoc
privilegium si quod tandem habetis, fraudibus & dolo, acquisisse,
& pecunia, more surrepticio enēnisse? Certē ego nolo, ut possem
quedam hic, narrata mihi ab aliquot Illustribus, viris, de quibusdam
vestris & Elbingensium privilegijs referre, vos ipsi optime nostis,
modo verē ac sincere animos vestros consulatis, qua fide illa, vobis
comparatis, in quibus tamen qualiacunq; tandem illa sint, illud
semper additum habetis: Sine praesudicio tamen iurium Ecclesiastico-
rū. Sed sciunt Torunenses huiusmodi privilegiū, quod tamen iactant
se habere, in suo archivo, licet illud susq; deq; evertant, nusquam
reperiri posse. Simō si quod haberent adhuc tamen invalidum, esset,
cū iuri Episcopali adversaretur, ad quos fundatio Collegiorum
de iure pertinet. Ideo Patronus ipsorum, non privilegium aliquod,
sed verba quedam satis lepide addert. *In Privilegio inquit Regis Sere-
nissi-
mi*

simi Sigismundi, quo iura Ciuitatis Torunenſis confirmauit, cum coronare-
tur, extant hac verba. Ciuitatem Torunenſem in eo ſtatu manere debere,
in quo fuit ſub auguſtiſſimum aduentum illius, ubi tunc Torunenſes pleriq;
nec cultum veſtrum leſuita, nec vultum viderunt. O lepidum caput ano-
nymum, & probationem nimis argutam, quæ plus riſus quam roboris
habent. Sed & o regis noſtri ſummam iniuſticiam, qui Priuilegia
Torunenſium conuellit, & ciuitatem eorum, in eo ſtatu permanere,
in quo ſub aduentum illius, dum coronaretur fuit, contra ſuum de-
cretum non ſinit. Quid enim? Nonne Torunenſes, ſub aduentum
Sereniſſimi regis in Poloniam, is ſtatus veſtræ ciuitatis erat, vt bona
Monasterij Virginum tanquam Domini teneretis, eaq; in vſus ve-
ſtros conuerteretis? Nonne templo S. Ioannis ad veſtros ritus Hæ-
reticos utebamini? quid ergo cauſæ eſt, quod his omnibus nunc ab-
iudicati eſtis? cur cum Sereniſſimo rege de tanta iniuria non expo-
ſtularis? qui Priuilegium vobis in prima ſui inauguratione datum,
quo ſe ciuitatem veſtram, in eo ſtatu ſeruaturum, in quo illam in-
uenit obſtrinxit, penitus ſuſtulit. Alia nunc facies, alius veſtræ ciui-
tatis ſtatus, bona & templa quæ olim in veſtris manibus erant, iam
in alienas quorum de iure fuerant, deueniẽre manus. Scilicet Sereni-
ſſimi Reges cum in eo ſtatu ciuitates, in quo illas inueniunt, pollicen-
tur permanſuras, etiam quidquid tandem in illis vel iniquiſſimum
ſit, hac ſua pollicitatione confirmant. Ergone ita iniquos Reges eſſe
vultis, vt rapinas, cædes, ſacrilegia ſuis confirmant Priuilegijs? Pol-
licentur ergo Reges permanſuras ciuitates, in eo ſtatu, in quo, de
iure non de factò erant, vel in eo ſtatu, qui iure & regum Priuilegijs,
ſit firmatus & ſtabilitus. At quis veſtras rapinas Torunenſes, quis
ſacrilegia ſtabilit? quo iure, quo priuilegio, bona Cænobij Virgi-
num & templum S. Ioannis tenuiſtis? Non ergo Sereniſſimus rex,
ſuum priuilegium vobis datum fregit, cum & bona Cænobij & tem-
plum à vobis iniuſtis poſſeſſionibus ad veros & germanos poſſeſſo-
res tranſtulit; quia non de iure, ſed violentia, in hoc ſtatu veſtram in-
uenit ciuitatem. Iam quod nunc Collegium noſtrum Torunij fun-
dari conſeſſit, cum in hoc ſtatu illud non inuenerit, quod tandem
ius veſtrum violauit? offendite illud ſi habetis. Pleriq; Torunenſes tunc
(inquit Patronus veſter) nec cultum veſtrum leſuita in ſua ciuitate, nec vul-
tum viderunt. O nimis argutum caput. Ergone quia leſuitas Toru-
nij, tunc cum Sereniſſimus rex in regnum inauguraretur, & priuilegia
veſtra firmabat, non vidiſtis, hoc ipſo vos ius habebitis, vt nun-
quam eos in veſtra ciuitate in potetiam videretis, & Sereniſſimus

Rex eo ipso, quia Iesuitas Torunij non inuenit, & hic status ciuitatis erat, hoc ipso inquam in eodem statu, illam permanfuram promittit? Hoccine est ius vestrum? certè nec filij vestri, nec quispiam, alius in vestra ciuitate manere possunt, ex hac vestra deductione, cum non in eo statu Rex ciuitatè inuenierit, siquidem illi nondum nati erant. Non fuerunt Iesuitæ Torunij, cum Rex iura ciuitatis confirmauit, ergo & Iesuitas, nunquam Torunij futuros, neq; esse posse, confirmauit: quia in eodem statu, quo tunc erat, ciuitatem fore promisit. Sed Iesuitæ tunc non erant, ergo neq; nunc debent esse, iam enim status ciuitatis mutaretur. O argutam argumentationem? Puto hunc Patronum vestrum mentem & caput illico amisisse, postquam hoc cudit argumentum. Ego certè mihi tantum non arrego, vt tam acutè, argumentari possim.

Sed vt vt sit, nos, nos potius cum tota Nobilitate vestram possemus, & quidem meritissimo iure, accusare proteruiam: qui sine consensu Regio, contempta Episcopi autoritate, vestras Scholas Hæreticas contra ius fasq; Torunij erexistis. Ostendite vestræ foundationis diplomata, ostendite episcopi Culmensis voluntatem, sine cuius approbatione nullæ Scholæ, in tota eius Diœcesi erigi possunt. Quid ergo nos de illegitima Collegij fundatione calumniamini, dum vobis tot diplomata publica ostendimus, vos qui priuata autoritate contra totius Regni statuta, vestras non tam eruditionis, quàm erroris Scholas erigitis? Quàm verò ad rem huic obiectioni respondeatis, considerate. *Dicitis illas Scholas vestras, erectas fuisse priusquam Borussi ad Regnum accederent, & cum istis Scholis accesserunt Torunenses ad Regnum.* Quid audio? quid hîc veritatis? Erantne tunc, Scholæ Hæreticæ Torunij? At eas fuisse Catholicas & Romanas, ad Parochiam S. Ioannis Parochumq; illius loco pertinentes & Episcopo Culmensi subiectas, vestri testantur annales. Quî enim illæ Scholæ vestræ esse poterant, cum necdum Hæresis Lutherana, aut Calviniana Torunij nota esset, sed sola Catholica & Romana: imò quod plus est, cum nondum illæ Hæreses natæ essent; Deinde tales ne illæ Scholæ erant, in quibus Scriptura Sacra, & disciplinæ theologicæ rectius Diabolicæ, legerentur? quæ omnia vos in vestras Scholas, à vobis excitatas, sine consensu Regis, sine autoritate summi Antistitis, sine cuius voluntate, hæc studia tractari non possunt, (vt iam ante docui) introduxistis? in eas inquam Scholas, hæc omnia introduxistis, in quibus non eruditionem & doctrinam, sed errores & impietatem docetis, odium in Catholicos, & summum Pontificem, mollibus ac teneris

teneris puerorum animis, sensim inſtillatis. Quod ſi per iura noſtra, nec riſtorum aut Sutorum, aliorumue opificum Collegia, ſine conſenſu principis inſtitui nequeunt, ex quibus tamen non adeo gratuita incommoda in Rempub. timeri poſſunt, vt docet Herbartus: verbo Fraternitas, quàm longè potiori ratione in literarum inſtitutionis gymnafijs licebit? ex quibus maxima pericula, oriri deriuariq; poſſunt, non ſolum in totam Rempub., ſed etiam in Eccleſiam, quod longè grauius. Ex malè enim inſtituta iuuentute, in Regnis ſeditiones, bella, iniuriæ, omnium vitiorum peſtes, in Eccleſia Hæreſes, ſectæ, variæq; in Deum Superosq; blaſphemix oriuntur. At in veſtris Scholis, ita iuuentutem, quæ eſt ſpes & ornamentum Reipub. inſtitui, imò deſtrui, nemo eſt qui ambigat.

CAPVT DVODECIMVM.

*Futiles ac vana Torunenſium rationes, contra Scholas
noſtra Societatis Torunenſes.*

ET ſi multa iam de iure & æquitate, fundatiſſimæ noſtri Collegij, in veſtra Ciuitate dixerim, & fortasſe aliquibus veſtrum, etiam vſq; ad nauleam: tamen quia nemo vnquam prudens probusque (quales ego vos iudico) veritatem ſati diu. & quia omnium veſtrarum contra nos querelarum & accuſationum, in hac vna ſola re totus cardo, vt iam ante inſinuauimus, vertitur: Præterea quia non nullas veſter Patronus affert ratiunculas, quibus videtur probare, nullo modo, noſtras Scholas, ſalua & integra pace & tranquillitate communi, Torunij poſſe conſiſtere; ideo huic parti, ex qua tota noſtra controuerſia pendet, nequaquam deeſſe potui, vt eam paulò fuſius quàm reliqua alia perſequerer. Quia verò capite ſuperiori, ſatis manifeſtè ius & æquitatem fundatiſſimæ noſtri Collegij Torunenſis declarauimus, hinc nihil aliud agam, præterquam quòd veſtras quaſdam dubitationes, difficultates & obiectiones, quas circa noſtrum Collegium mouetis, à quo & omnia mala vobis metuitis, breuiter expendam, ſoluam & diluam; vt ſic & rationibus manifeſtis, æquitate fundatiſſimæ Collegij noſtri oſtenſa, & obiectionibus veſtris probè dilutis, omnem ex animis veſtris ſcrupulum eximam, ne vllum vnquam periculum à noſtris Torunenſibus Scholis expeſtetis, aut illas nullo iure fundatas queramini. Agite: ergo, difficultates veſtras, quæ circa noſtras ſcholas vobis occurrunt proponite.

Dicunt itaque cum suo Patrono imprimis Torunenses: *Cum Torunū celeberrimum sit emporium, in quo diuersi generis merces exponantur, & homines diuersarum nationum, in varijs negotiationibus sint occupati, inter tantos negotiorum tumultus, scholas nostras nequaquam posse consistere. Certe iste Patronus vester, aut nullum vnquam vidit emporium præter Torunenſe; aut vos Torunenſes ridendos præbet, ijs præsertim qui bene norunt, quid sit Torunium, & quid in eo agatur. Quod enim hoc quæſo emporium tam nobile? quæ merces, tam præclaræ quæ in eo exponuntur? ſal credo intelligit & haleces ad ripam viſtulæ. O inſignes merces? Qui iſti varij generis homines in negotiationibus & mercatura occupati? Prutheni ſcilicet ac Poloni in ſua ciuitate ne dicam domi ſuæ: hospites ſcilicet ac peregrini: tum illa fax & turba remigum Ruthenorum, ac denique viſſiſſima baiulorum, operariorumq; multitudo. O hominum varietatem præclaram, & frequentiam inſignem, propter quam ſcholæ noſtræ ſunt claudendæ! Præſtabat vt hoc argumentum ſubticuiſſet, ne ſe & vos riſui exponeret. Sed ſit ita, valeat hoc apud eos, qui dum veritatem impugnant, omnia pro ſe facere arbitrantur. Nonne Rigæ longè nobilius eſt emporium, & tam frequentia, ac varietate hominum, quàm mercium, quæ in eo exponuntur, præſtantia longè celeberrimum, Cur tamen ibi non præiudicat ſcholis noſtris? cur à tanto tempore, ibi florent literæ noſtræ?*

Alterum eſt, quod Torunenſes obijciunt. *Torunū inquit ſunt diuerſæ linguæ & Religiones hominum, quæ duo vbi cum veſtro ſeminario, concurrunt, actum eſt, de publica pace. Vidimus iam iſtam veſtram præclaram diuerſitatem linguarum, quæ cum voletis, fiet vnus labij, cum veſtri ciues optime calleant linguam Polonicam, Diuerſitatem, Religionum, non nego eſſe, minorem tamen quàm ſit in alijs Ciuitatibus, huius Regni. Cur tamen hæc in illis non obſtat Collegio noſtro? cur non actum ibi de pace publica? Nonne Leopoli & Carmenecij, maior eſt diuerſitas linguarum, ſcholarum, & religionum, quàm ſit Torunij? ibi inuenietis polonos, Ruthenos, Scythas, Armenos, tureas, ibi Religiones Catholicæ, Græcæ, Hebrææ, Armenicæ vigent. Cur tamen ibi, licet Collegium noſtrum ſit, non actum de pace publica? Idem dico de Ciuitate Luceorienſi: Neluiſienſi, Iarollauienſi, Cur nec Rigæ hanc pacem, per noſtras ſcholas violatum iri, Rigentes proclamant? Cur nemo hoc periculum metuit? Vos ſoli Torunenſes, ibi trepidatis timore, vbi non eſt timor: vos ſoli eſtis, qui pacatam quietamq; Ciuitatem veſtram habere*

connitimini: vos soli in uidendis publicæ pacis periculis lyncei, & perspicaces; reliqui omnes cæcutientes talpæ. vos vt paucis rem complectar: in hoc prudentissimo Regno, soli sapitis; cæteris stultis ac desipientibus. Verumenimvero.

*Quicumq; (inquit ille) se solos sapere linguaq; vi
Vel pectoris pollere, quam alij non habent,*

Existimant: isti reiecti sapiunt

Comperti inanes sunt.

Sed si hæc ratio, valet aliquid apud vos, iuxta vestram, vt vos iudicatis sententiam: ex Catholicis Ciuitatibus Regni poloniæ, cedere debent vbiq; sectæ vestræ, Lutherana, & Calvinistica, & Scholæ earundem omnino eijci, maximè si sit ibi nostræ Societatis Collegium: cum vestra iuuentus, propter doctrinam pestilentem, & odium quo in Scholis, & in templis vestris, contra Catholicos imbuitur: cogitet semper & meditetur, quæ ad communem pacem, perturbandam seruiant, & si quæ occasio vel leuissima se se offerat, tam auidissimè arripiat, & perturbata pace, omnem culpam in Catholicos transferat. Si quis ergo hoc vel attentaret, vt meritò posset, vel diceret, quid vos hîc faceretis torunenses? quomodo ad hanc vestram iniuriam; si tamen iniuria, & non æquitas potius dici debeat, vltiscendam, quomodò, inquam, non omnem lapidem moueretis, omnia euerteretis, cælum & terram misceretis? quomodo non confederationem violari, atque proscindi vociferaremini? At quomodo vos viri boni, pariratione confederationem non violatis, eamq; proscinditis, dum nostras Scholas è vestris ciuitatibus exturbare contenditis? Dum palàm vociferamini: *Vbi est diuersitas Religionum & Collegium Iesuiticum, ad id esse de pace publica, atq; ideo Iesuitas Torunio eiciendos?* quomodo inquam confederationis iura non rumpitis? qui aperte ea & dicitis & facitis quæ illa vetant?

Tertio loco ponunt illam rationem torunenses: *Non posse fieri quin filij Ciuium, cum filijs Equestris Ordinis committantur, stante Iesuitarum Collegio Torunij.* Iam hoc Torunensium commentum, probe diluit Orator noster, ne ego in eo refellendo immorari volo, hoc tantùm dico: Ipsemet ego Iesqui anno, illud Collegium, cum altera vice studia nostra dissipata repeteremus, Rector administraui; nec tamen tale quidpiam subortum fuisse memini, quod tales tumultus redoleret, quod vos quoq; inficias ire sine insigni falsitate non potestis. Deinde est né credibile, vt sapientissimi Urbis Torunensium Senatores (tales enim dici volunt & haberi, qui omnem gubernandæ Reipub.

scientiam, nimis insolenter sibi arrogant) hic tanquam ad aliquem Scopulum, suæ prudentiæ naufragium faciant: ut omnino desperent inuenturos se modum quempia, aut consilium, quo scholarium æmulatione aliqua affectos animos, aut aliquibus iniurijs irritatos possint componere, aut violentis tumultibus (qui nobis ne per cogitationem quidem in mentem venire possunt) conuenienti remedio lubuenire? Ego tamen facile hoc crediderim: quod illis vitio verti non debet. Nam homines illi negotiosi, & quæstuosæ emendi ac vendendi mercaturæ dediti, quantum quæso habebunt ad sublimiores de Republica cogitationes instituendas, ad importunos malorum conatus reprimendos, ad submouendas in Ciuitate perturbationes ac tumultus, ac sopiendi inter æmulam iuuentutem odia, atque adeo ad scholarium mutuas incurSIONES compescendas? tantum inquam quantum à salis halecumque mercatura, & a subducendis reducendisque rationum calculis, subcisciui temporis poterunt subtrahere. Dissimulatissima sunt maximeque diuersa duo hæc, Mercator & Senator. Atque quod olim Plato sapienter docuit; *Scientis est non dimittere de quacunque re bene consulere*: & ad rem nostram paucis immutatis: Senatoris est ad clauum Reip. continuo ledentis, non mercatoris ad suas tabulas dati & accepti sedulo attendentis, de quacunque re bene consulere. Itaque non miror ego Torunenses in re tam ardua ac difficili, omne consilium deficere. Suggestam ego vobis, quod mihi in promptu est: Viri boni, conueniamus inter nos, conueniant inter se vestri ac nostri scholares, nulla sint inter nos dissidia; nulla timebuntur inter nostros discipulos ac vestros filios odia. Præterea cōspiremus in vnum, cohibebimus nos, quod facile est iuuentutem nostram; cohibete vos scholares vestros, ac ipsorum Magistros, ciuium filios in officio continete, petulantias, quas cum aliis, tum noctu liberius exercent, prohibete: nos parti nostræ, ut iam monui non deerimus, neque vnquam periculum erit, ut nostri vestrique discipuli in festis inter se aliquando concurrant armis vel animis. Non enim ad arma, ad odia, ad tumultus & seditiones nostra iuuentus; sed ad omnem pietatem Christianam, modestiam virtutemque in nostris scholis informatur & instituitur. Quid enim? an solum Torunij apud vos Collegium & scholas habemus? Cur Rigæ, ubi plures Hæretici, cur Leopoli & infinitis alijs Ciuitatibus vtriusque orbis, ubi plures religionum inueniuntur varietates, nusquam tale periculum timetur? cur filij Nobilitatis cum Plebeijs nunquam inter se commissi esse (si Bransbergam, quam vester Patronus in exemplum adduxit excipias) audiuntur? vestra sunt

sunt ista figmenta, & subterfugia Torunenſes Amatis ſcilicet noſtras ſcholas, vt lupus ouem amat, quod vulgò dicitur, quas ſcilicet odiſtis peius cane & angue: libenter eas, vel in momento, ſi liceret é veſtris ſedibus eiiceretis. Non noſtri equidem diſcipuli, eius tragediæ authores tuère, quam nuper, quod dolemus, in Ciuitate veſtra ſpectaſtis Torunenſes: cum ille iuuenis qui vobis ob ſuam egregiam indolem, & in literis conſcribendis ingenium ac induſtriam, vt merebatur charus erat, ſua culpa & ſuorum congerronum inſolentia, nimis atrociter ac miſerè periit. Quis eiſcædis author? quæ eiſ crudeliſſimæ cædis, ac tumultus occaſio? ipſimet veſtri iuuenes nocturni graſſatores, ſua nimia licentia, veſtra diſſimulatione, ſuis clamoribus ac fortalle conuiuijs, hanc miſero iuueni necem perpetrère atrociffimam. Quis tunc diſcipulorum noſtrorum gladium ſtrinxit? quis eorum comparuit? Itaq; vel hinc diſcite Torunenſes non ex ſtudioſis literarum, qui noſtras ſcholas frequentant iuuenibus honeſtiſſimis ac nobiliſſimis; ſed ex veſtris filijs, ex illis veſtris filiis, ex illis ſcholarum veſtrarum diſcipulis timendos eſſe, Torunij tumultus: niſi illos potiſſimū turbulentos ſcholarchas, & vagos illos aduentas ſcholares bacchantes, & incompoſitos beanos, ſeuera animaduerſione coerceatis.

Nolite Torunenſes de noſtris diſcipulis conqueri, nos & noſtri diſcipuli potius habent, quæ vobis obyciant, & in quibus de vobis querantur, qui non à veſtris ſcholaribus, ſed à vobis ipſis parentibus ipſorum, multa iniquè paſſi ſunt, & patiuntur adhuc, conuiuentibus vobis & nocentes adiuuantibus, atq; ad nocendum magis inſtigantibus. At cur ita? Occaſionem Torunenſes tumultus quæritis, vt ſi quis aliquando vobis authoribus ſuboriretur, in nos omnem culpam tranſfuderetis, atq; hoc modo contra noſtras ſcholas agendi anſam arriperetis. Et hoc illud eſt quod Orator noſter vobis obijcit, duoq; huius rei inſignia aſſert exempla, quæ tamen Patronus veſter, leuiter recensendo tranſit, vt pote quibus quod reſponderet non habebat: imò nec in ſuo licet mendaciorum feraci capite, contra illa quidquam tale comminilei poterat. *Ac proinde duo inquit exempla proponit Ieſuita, in quorum priore Burgrabium accuſat, repulſum eſſe ab officio Scholarem Ieſuiticum, eo quod ſcholarum Ieſuitarum frequentaret. quod ridiculum eſſe quis non videt? Nemo videt niſi in amentiam prolapſus id ridiculum eſſe; ſed veriſſimum & dolendum. Quis enim niſi ſtultus, & extremè ſceleſtus ſit, ridiculum eſſe dicat, ſi adoleſcens nobilis à vulgari opifice verberibus verbo-*

rumq; iniurijs afficiatur; nec tamen apud Torunensem Senatum iustitiam inuenire possit? sed negat id factum esse. En ego luculentus testis sum. Ego (quem pro mita vitæ ratione mentiri non decet) ego inquam ipse hunc adolescentem; Stępczynski is erat, non postremæ in Cuiavia Nobilitatis familie, ab vno vestro opifice male mulctatum, ad vestrum Burgrabium mihi expositum de iniuria, & petitum iustitiam: Sed vt Orator noster docuit, & ego sum viuus & oculatus testis, eo ipso nomine quod in nostris scholis literis operam daret, repullus est ab iudicio, & nullam iustitiam ex hoc eodem nomine, vllō modo sibi posse fieri, a Burgrabio responsum accepit. Hoccine ridiculum cuiquam videri potest, quod ita nequiter & contra omne ius fatq; admissum est, & quod si homines nolunt, vel muri ipsi Ciuitatis testantur & clamant. Certè si vos nobilitatis obseruantissimi, quales vos fingitis, dum de nostris scholis facitis mentionem, essetis; aliter filios illorum tractaretis, & tanta eos affici ignominia nunquam pateremini, aut supplices & iniuria affectos à vestro iudicio, repelleretis. Sed cæcum & inextinguibile in Iesuitas odium, vobis ne hoc faciatis ligat manus.

In altero vero exemplo inquit Patronus vester: commendat Iesuita iustitiam Burgrabij, quæ tamen non videtur ex parte esse ad gustum & Saliuam Iesuitæ. Quid cum sua salua Anonymus? iam mihi non tantum tot vanissima figmenta ipsius, sed vel ipsi loquendi modus tam insulsi, tamquæ insipidi fastidium pariunt. Porro quod dicit Oratorem nostrum, laudare iustitiam Burgrabij, vel effrontem & impudentem: mentiendi audaciam suam condemnat, vel se imperitissimum ac rudem esse hominem, qui nec sensum, quem verba aut narratio historię natura sua contineat, assequitur, manifestè declarat. Quod enim verbum in tota illa oratione reperitur, quo laus & iustitię Burgrabij commendatio, cõtineatur? An enim obiiicere iniustitiam est commendare iustitiam? Nonne disertis verbis & testimonijs in eo iniquitatem, vestri Burgrabij ostendit Orator, quod rogantibus nomine meo, Generosis Dominis, D. Alberto rytwinski Dapifero Dobrzenensi, & D. Simone Lazinski, vt iustitiam administraret, ex opifice quodam, qui nostro discipulo sine vlla causa colaphum impegerat; eam administrare recusauit. Quid ergo tandem ille ad eorum postulata? ô insignem iustitiam, & nouam in reum inquirendi rationem! Magis, inquit, conscientia illius credendum est quàm testibus. & sic liberum eum pronuntiauit, quia culpam non fatebatur, eametsi essent testes, qui eum conuincere vellent. At cur quæso? si opificis negatna

negantis conscientiae credis? cur inquam & Iasi affirmantis conscientiae non credis? An opifex apud vos, quàm ingenuus a tol-
lebens dignior fide? sed quia ille Hæreticus; hic Catholicus &
quod caput est, noster discipulus erat. Cùm ergo illi Domini vr-
gerent, ne talia Burgravius illocci faceret, sed omnibus turbis quæ sic
exoriri facile possent maturè occurreret, & tam priuatæ quàm publi-
cæ tranquillitati prospiceret. *Quid hic Burgravius? Plura inquit, talia
erunt.* Cùm quæ illi subiunxerunt, in dō & Patribus ipsis fenestræ a vestris
opificibus excutiuntur, & ipsi clamoribus ac sibilis, dum eunt per
ciuitatem proteruè, ac procaciter excipiuntur, & alijs modis indi-
gnè tractantur. Respondit ille suum illud: *Plura talia erunt.* Ergo
interunt illi, vultis Nobilitati iniurias facere? *Abst,* respondit ille,
*sed scholis, qui nullum lapidem non mouebimus, vt malè capta petus desinant,
idq; omni conatu curabimus, vt si non lapidibus, saltem ferro omnis aditus ad
eas præcludatur.* O exulceratum odio animum. ô odium inexsatu-
rabili inuidia succensum. Itaq; Domini illi cùm nihil se viderent
proficere, & animum Torunensium, ira odioq; obstinatum, tandem
in extremo digressu hæc addiderunt: Vos videritis, inquit, To-
runenses, quem hi vestri tanti conatus exitum sint habituri. Atque
hæc omnia, vt dixi, ijdem Domini mihi fideliter, post suum è cu-
ria discessum retulerunt. Haberem, & multa alia contra Torunen-
ses, possem non pauca afferre exempla, quomodo illi nostros disci-
pulos, non leuib; nec raris affecerunt iniurijs ac contumelijs. Sed
quid opus est, cùm nec ab his sese hæctenus purgare potuerint.

Quarta ratio Torunensium contra nostras Scholas est: *quia inqui-
unt, iustitiam de vestris Scholaribus insolentibus, apud vos inuenire non po-
sumus.* Par pari vos hîc reddere Torunenses video: Quia enim Ora-
tor noster vos inculcauit, quòd iustitiam ex vestris opificibus admi-
nistrare nolueritis, ideo patronus vester eandem in nos culpam trans-
fundit, & vobis de nostris Scholaribus, iustitiam non fuisse admi-
nistratam conqueritur. Sed à quo tandem postulastis illam aliquan-
do? à me certè nunquam, cùm selsqui anno illas Scholas rexe-
rim. Deinde quisnam vnquam tales tumultus in ciuitate ex nostris
discipulis excitauit, quando, & quam ob causam? cur non dicitis?
quis in plateis quenquam ex nostris, lapidibus appetijt? quis extra
vineas quas vos multas habetis, filium ciuis cuiusdam honesti malè
tractauit? Scilicet vos ista pateremini, aut non administratam iusti-
tiam sicco pede transiretis? qui etiam vobis de nostra iuuentute licet
innocentissima, vindictam sumere soletis, & hoc rectè vos facere in
hoc Patrocinio vestro gloriamini, Ita planè est, vt omnia vobis

liceant Torunij, pro Regia vestra potestate, quam prostemini, ve
grauissimus quidam Senātor dixit.

Verū alteram similem huic calumniam, de nostris studiosis, bene
Illustris. Gebickj in suis literis diluit, cum in ipso primo exordio
Scholarū nostrarū Torunij, ante decē annos, ab ijs tumultus in ciuitate
fieri, & homines lapidibus temerē peti passim spargeretis: *Qua* verò
inquit ille, de contentiunculis quibusdam puerorum querebamini, tamen si
leniora videbantur; tamen ita ea à nobis quoq; compressa fuerunt. *ut* ne habe-
retis quidem quod accusaretis, cum id à nobis, presentibus Illustris. DD. Pa-
latinis, in postremo nostro conuentu sollicitè percontaremur. Nunc grauiora
vobis metuenda esse facile sentietis, si diligentius reputaueritis cum animis ve-
stris, quot & quales in hac Societate I E S Viniuria grauissimè laesitis &c.
Quid ergo tumultus & nescio quas insolentias nostris discipulis To-
runenses & nunc obijcitis, quos post diligentem inquisitionem im-
munes esse, vos ipsi etiam inueniretis?

Sed vident torunenses, se nihil tale posse nobis verè obijcere, ideo
quærunť diuerticula, & per varios anfractus & cuniculos, quærunť
tamen aliquid dicere, quo hanc suā calumniā aliquo modo colorent
& si possibile sit probabilem faciant: vnde & patronus ipsorum in
eadem re adducit exemplum illius adolescentis, qui à Parente Toru-
nio posnaniā profugerat. *Seduxerant*, inquit ille (*intelligit nostros*
discipulos) *instinctu & suasu Simonis vestri Rēctoris Ciuis vnius filium, ut*
Patre & Matre relicta Posnaniā versus clam fugeret, quod & confessi sunt
se id Rēctoris iussu fecisse, ut testantur acta Torunensium. Nec vos, inquit,
extricare poteritis ex ista suspitione per recognitionem istius adolescentis fugitiui
quam Posnania fecit. Quia enim in saucibus vestris erat facere coactus hoc
fuit ad vestrum arbitrium. Nescio planē plurane sint in tam pauculis
lineis verba, an mendacia. Primum enim, nullus vnquam Simon
fuit Rēctor Collegij Torunensis maximè sub illud tempus. Ego
egi tunc Rēctorem ibi boni viri dum id accidit, quid? non me noue-
ratis? vel quo vocarer nomine nesciebatis? Odium video ita vos iam
Torunenses excæcauit, ut quid dicatis, ipsi planē nesciatis. Quod
verò illum adolescentem suasu Rēctoris à vobis conficti & quem ne
per somnium quidem vidistis, seductum esse affirmatis, neq; nos posse
ex hac suspitione extricare per recognitionem eiusdem adolescentis,
age videamus, vtrum non extricemus, licet neq; intricati simus.
Itane vos torunenses tantum vobis arrogare audetis, tantum de
vobis præsumitis, ut nullius recognitiones sacramento iuramenti
confirmatas, non extortas, coram honestissimis & prudentissimis
Iudici

Iudicibus Catholicis, & vobis præter hæresi, & contumaciâ, per omnia
æqualibus, legitimè factas admittatis? At in manibus nostris erat ille
adolescens, & quod coactus est facere fecit? Calumnia est toru-
nenses. probate hoc. Credite spectatissimis & omni fide dignissimis
Ciuibus Polnaniensibus, in quorum manibus publicè illa recognitio
facta est, in qua illi disertissimè perscribunt, ad requisitionem officio-
sam non alicuius è nostra Societate; sed Spectabilis & integræ fidei D.
Ioannis Vincleri viri Consularis Polnaniæ, qui & illum puerum se-
cum Torunio, quòd ab eo multum rogaretur, aduexerat, qua de
causa, & quomodo ille adolescens domum paternam reliquerit, &
rosnaniam venerit. Quam recognitionem in manibus tantorum
Ciuum factam, & sigillo eorundem approbatam, libenter hîc inter-
fererem, vt omnes vestram calumniam cognoscerent; nisi & fastidio-
sam prolixitatem orationis timerem, & eam vos habere, ac proinde
& legere posse, scirem. Credite & Illustri D. Fabiano Pliemienskj,
qui propter hoc ipsum, vnum è famulis suis hominem Nobilem Pi-
skorskj dictum, Polnaniam destinauit, vt inuentum iuuenem illum
Torunium reduceret, non tamen prius, quàm publica attestazione
legitimè coram Iudicibus fateretur, cur & cuiusnam suasu Torunio
à Parentibus abierit. Fecit vt ille fidelis totum, id quod sibi ab hero-
suo fuit demandatum, & omnia ita se habere inuenit, vt illa recogni-
tio testatur, eum scilicet iuuenem neq; suasu cuiusquam è nostra So-
cietate, neq; Domini Vincleri, aut discipulorum nostrorum monitu,
è domo paterna discessisse, sed suapte sponte propter austeram & hæ-
reticam sui Parentis disciplinam, & ob negotia quibus illum obrue-
bat, id fecisse. Potestisne Torunenses dicere, cum eandem recogni-
tionem, is iuuenis Polnania Torunium reductus apud Illustrem
D. Pliemienskj confirmaret, illum etiam tunc in manibus nostris,
aut vt vester Patronus ait, (quàm insulsè non dico) in faucibus fui-
sse? Atq; hoc illud est, quo etiâ vos Orator noster conuicit: & vestram
iniustitiam ac temeritatem ad oculum omnibus ostendit, qui pro-
pter leuissimas & inanissimas suspiciones, tot homines, innocentes &
graves, tam insigni iniuria afficere non dubitaueritis. Quid vero ad
hoc Patronus vester? siluit, palluit, dissimulauit, neq; enim tanti
viri testimonio quidquam opponere potuit, vt tamen aliquid dice-
ret, & falsitati ac mendacio, non veritati patrocinaretur, recogniti-
onem Polnaniæ factam eleuare, & in suspicionem adducere est ag-
gressus. At non ne eadem illa fuit rosniensis, quæ & coram Ill.
D. Pliemienskj est facta? Iam quod dicitis, Acta Torunensium testa-
si nostros.

in nostros discipulos palam coram Iudicio fuisse confessos, à nobis fuisse seductum, plusquam falsum est, & ipsa falsitate falsius, nullam habetis illorum recognitionem, aut si quam habetis, non illorum, sed vestra est. An non illi innocentes iuvenes, postquam è vestro carcere, tanquam è teterima sentina emerferunt, publicè præsentente Ministeriali & Nobilitate interrogati responderunt: se cum variè tentati & territi per vestros lictores fuissent, ut ea dicerent quæ velletis vos, fretos testimonio suæ conscientiae, semper sui similes extitisse, neque minis aut pollicitationibus quibusvis cessisse, in contestanda sua nostraq; innocentia. De quo etiam protestatio facta est contra vos. Isti planè miseri, non iam in manibus, sed verè in faucibus fuere vestris, quibus grauissimè constricti & oppressi, si quid contra suam conscientiam, & nostram suamq; innocentiam dixissent, & id quod vos ab illis extorquebatis falsi fuissent; adhuc tamen nihil contra nos haberetis, non enim extorta, sed libera testimonia pondus & valorem habent. An non fauces erant, carceres illi teterimi, in quibus innocentes illos iuvenes, per dies octo tanquam homines facinorosos, & publicos latrones, frigore ac media penè enecabatis, fæto ac squallore suffocabatis? Nec vnus carcer vobis ad torquendos miseros illos victos sufficiebat, sed eos in triplici carcere, ex vno in aliū coniiciendo detinuistis. Cur quando cū vestro Senatu per M. D. Plemienckj, & M. D. Ioannem Boruckj Dapiferum Brzeztenssem esset actum, ut saltem pro captiuis illis vades aut obfides admitteretis, hanc tamen tam Illustrum virorum postulationem contempsistis? Imò tantum abest ut hoc faceretis, ut etiam in contemptum illorū & nostræ Societ., ac omnium Catholicorum, vnum ex illis adolescentibus in publicum carcerem intruderetis, vnde tam à nostris studiosis, quam ab omnibus alijs videri, & illos alioqui posset. At cur ita viri boni fecistis? nempe eo animo ut quem admodum non ego, sed quidam grauissimi viri ex Nobilitate visa re dixerunt, ut inquam aspectus illius, Studiosos Nobiles ad turbas in ciuitate ciendas concitaret, sicq; Torunenſes agendi prætextum aliquem contra nostras Scholas haberent. O malitiam execrabilem? O odium Diabolicum? Audent Torunenſes dicere, à nobis recognitiones falsas extorqueri, à nostris discipulis tumultus excitari quod probare non possunt: & non vident se hoc ipsum agere, quod tam manifestè probamus.

Venio ad extremam Torunenſium obiectionem, in hoc illos monitos hic relinquens, ut diligenter videant, vtrum dum hæc cum nostris

fratris discipulis faciunt crimen Plagij non incurranr. Quid ergo dicunt illi? Si quid graue in Ciuitate studiosi vestri, inquit, committerent, vt si aliquem vulnerarent, mutilarent aut occiderent, non punientur à vobis pœna proportionata delicto, quæ enim mihi pœna, si hominem inquit, turbulentum, ebriosum & homicidam, serula puerili & exclusione Gymnasij, seu prohibitione consuetudinis cum alijs studiosis punietis? Quid è volebatis vt gladio vel securi eos percuteremus? vobis hoc in unum & Magistratui seculari relinquimus. Nobis satis est, vt cum aliquis studiorum, enorme aliquod facinus commiserit, excludatur mox è Scholis nostris, nec ampliùs nostri Discipuli vel nomen ipsum retineat, sed illico Magistratui seculari subijciatur. Atq; vtinam in huius modi proteruos, & inobedientes discipulos, quid dico discipulos, cum hoc nomine vt indigni exuti sint? potiùs in discipulorum nostrorum corruptores, aliquando secularis, animaduertat Magistratus. Hoc enim est, quod nos sæpè dolemus, & coram Nobilitate querimur, sæpè eos quos ex nostris scholis eiecimus, in ciuitate non tolùm manere, sed sub nomine studiosi, multa nefanda patrare, iuuentutem nostram corrumpere, nec inueniri eum, qui tales pestes coerceat & puniat. Sed hoc non est timendum Torunij, in talem enim vos facit, quod non damnamus, imò laudamus, animi aduerteretis, qui etiam innocentes, & nullius culpæ concios, carceribus & vinculis atfligitis. Sed tunc vos facitis, cum dicitis: *Quòd si stricto iudicio procederent Torunenses, contra filium Nobilis patratorem alicuius sceleris, an non existimas, Nobiles, cum Ciuibus commissum iri? hoc ne fiat, cum Torunenses Nobilitatis obseruantissimi sint, & omnem vel leuissimam offensa occasionem vitent, consentire nec volunt, nec possunt, vt vestrum Seminarium Torunij sit.* Videte adulationem, Sycophantiam, & impudentiam. An enim non stricto iure procederetis, contra ipsos Nobiles Patres horum filiorum, si quis illorum, publicæ pacis violator esset, sicut & processistis aliquando? Non enim vos indormitis, vestris rebus. Quomodo ergo non existimatis, Nobiles tunc vobiscum commissum iri? An non ipse ego aliquoties vidi Nobiles aliquos, propter explosionem, bombardæ, & euagationem gladij, iustos stipatos lictoribus comparere coram Burgrabio vestro? quomodo tunc non timebatis Nobiles cum Ciuibus committi? quomodo verum est, vos ita Nobilitatis Obseruantissimos esse, vt omnem vel leuissimam offensa occasionem vitetis, qui hæc facitis? Videtis vos hic in angustias redactos, videtis quàm vera sint ea quæ dicitis? Non Nobilitatem, vos cum ciuibus committi metuitis, sed ad nostras scho-

las exturbandas, omnes quas potestis, licet vanissimas ratiunculas
vndequaue corraditis. Facite voscum Nobilitate quod alij faciunt,
est Rex, sunt Comititia, sunt Tribunalia, sunt Iudices Nobilitatis,
qui iustitiam administrent: nolite quidquam priuata autoritate,
nisi quando iure vobis concessum est, in Nobilitatem facere, & bene
securi eritis. Quanquam & hoc de nostra iuuentute Torunenſi, se-
curé vobis possem polliceri, eam longé magis apud vos, quàm alibi
fore modestam. Non solúm enim nos; sed vos etiam timent. Est
enim apud vos disciplina, & in nostros præsertim discipulos,
oculum intentum habetis. Potestis cùm vultis omnibus occurrere
turbis. In quo haud ægré laudo vos. Neq; enim meum est vestris
benefactis detrudere. Vtinam tantum nobiscum conueniretis,
certé nullibi modestiorem iuuentutem haberemus: quod ipsum
etiam Serenissimus Rex optat & inculcat vobis. Factum quod di-
gnum est plagis, permittite illud puniri à nobis: si quid grauius quis-
piam promeretur, significate nobis, & si quid tale erit, reum exclu-
sum à nobis ex scholis punite, nec timete commissum iri, Nobiles
cum ciuib; sicut neq; timetis tunc, cùm in aliquem alium, qui non
sit ex nostris discipulis, animaduertere decernitis.

Atque dum finem huic capiti facio, illud in mentem venit, vt illi
querimonix Patroni vestri satisfacerem, qui contra nos inuehitur,
quòd Magistratus Torunenſis & ciues, vocentur à nobis *homines de
trinio, canes rancidi, Pagani, & impune quidem*. Magna certè contume-
lia & non ferenda. Quid ultra? *siccine* inquit, *Omnia vobis inulta
erunt? absit vt sint inulta. Sed perge. Siccine quos Regia, inquit, Maieſtas
fidelium suarum, dilectorum loco habet. (ò insignem titulum & dignita-
tem) vobis Suius contra eos, suū instar grunnire licebit? (ò scelus infandum)*
Cauete vobis ne duro nodo, durus sit querendus cuneus. Sed audite etiam
Torunenſes. cur vos palam tantis contumelijs nostram Societatem
onerare non veremini? vos inquam, qui probare non potestis, an
ea quæ affertis, à nobis in vos dicantur? cur vos omnia quæcunq; col-
libuerit, sine teste, sine loco, nulla circumstantia, nulla probabilita-
te in nos effutire non timetis? adeo vt sæpius repeti oporteat illud:
Quis hoc dixit? quando & vbi? Quis nobis iustitiam administra-
bit de vobis? qui nos toties non priuatim solum, sed publicè etiam
in protestationibus, in varijs chartis, atq; in hoc ipso libello vocatis,
*relegatos ex Gallia, precariam in Polonia possessionem nactos: conuictos gra-
uissimorum scelerum: canum more oblatrantes: & suum more grunnientes
homines infames: turbulentos, paci publicæ inimicos, rerum alienarum rap-
tores*

tores? & quidnam ad contumeliam nostram omisistis? An non sumus nati in Polonia? an non hic educati? An non præcipuam Polonia Nobilitatis sobolem, ut de alijs regnis nihil dicam, in nostra Societate habemus? Audetne hic vester tenebrius, & temulentus è famosa prodiens helluo popina, tot Illustrum Senatorum, ac præcipue Nobilitatis filios, profugos & è Gallia relegatos appellare? Næ tantam iniuriâ Torunenses vlcisceremur, nisi nos Christianæ pietatis, & nostri Instituti ratio auocaret. Quid de precaria possessione nostra dicitis, qui nostros Maiores summa Regum Polonia, totiusq; Reipub. voluntate in hoc Regnum introductos scitis? Quid gravissimorum convictos scelerum? quid homines turbulentos appellatis? Probate hoc Torunenses, & si non potestis os calumniolum compescite. Atq; dum hæc omnia sine fronte contra nos dicitis, *siccine ut vestra utar phrasi, & sermone contra nos directo, Siccine inquam omnia vobis inulta erunt?* Siccine quos Regia Maiestas filiorum vel Patrum dilectissimorum, & innocentissimorum, & honestissimorum loco: habet & veneratur: vobis Torunenses, ciuibus, opificibus, laicis, hæreticis, contra nos garrire (neque enim vos suum instar grunnire, ut vos contumeliosè in nos dixistis, dicere volo) licebit? Sed dum vos ad titulos, quos vobis à Serenissimo Rege per honorificè tribui gloriâmini confugitis, audite quid de nostra Societate idem serenissimus Rex dicat, scio non ad palatum vestrum id futurum, sed audite tamen. Siquidem & nos vestra audiuimus. Meministis bene quid ante duos annos circiter, cum nos apud ipsum varijs calumnijs Varavia onerassetis, vobis responderit; non quidem tunc, neque enim vos dignos responsione iudicavit, sed postea per suum Commissarium M. D. Sczepanski Succamerarium Maideburgensem, hoc illi inter cætera luculentissimum nostræ innocentiae testimonium, in scriptis dando, quod perferret ad vestram Civitatem. Verba optimi Regis sunt. *Summa nos capit admiratio, quod homines DEO deuotos, dicatosque, quorum virtus & integritas toti Regno, ac vniuerso propemodum orbi conspicienda est, quorum inculpatam vitam nos & miramur & adamamus, tam execrabili prosequamini odio, planeque de medio sublatos ut colligere licet cupiatis. Quapropter quoniam ex nostra voluntate omniumq; ordinum consensu vnanimi, in ea vrbe nostra, suis muneribus laudabiliter Sanctæq; vacent, cupimus omnino maiorem illis exhiberi beneuolentiam idq; procerto persuasum habeant, nos illorum iniuriam non aliter ut nostram accepturos, vindicatosque.* Hactenus Serenissimus Rex pro nobis. Quod tale vos habetis Regium testimonium Torunenses?

Quia verò vobis Fidelium & dilectorum titulum ponit. magnum quid. Non est quod vobis multum de eo applaudatis. An non enim is titulus, communis est vobiscum omnibus Ciuitatibus Regi subditis: imò etiam ijs, qui aliquando sunt infideles: Certè ego non vnam videri citationem Regiam, in qua fideles & dilecti vocabamini & tamen de infidelitate & quòd Regiam vobis Torunij vlturparetis potestatem, ad tribunal ipsius citabamini. Neq; enim illico sequitur vos esse fideles & Regi dilectos, si vobis talem in suis literis attribuat titulum. Sicuti si quis Senator aut Princeps ad vos scribendo, seruum le vestrum dum nomen subscribit, & vos Dominos, in titulo literarum appellat: non sequitur iam illum esse vestrum seruum, & vos illius Dominos. Hæc breuiter de hac vestra querimonia & de scholis nostris Torunenses accipite. Vobis fortassè non breuiter dictum videbitur; sed certè ita faciendum erat, vt si vobis & euentibus rationibus, & sufficientibus responsionibus, æquitas fundationis nostri Collegij ostendatur, vobisq; obstruatur os, tandem aliquando à querimonijs & calumnijs quiescatis.



Conclusio cum Apostrophe ad Torunenses.

Vigesimus iam circumagitur annus, Torunenses, vt nos ab ipso planè ingressus nostri in vestrà ciuitatē exordio, varijs criminationibus impetere, calūnijs & conuitijs proscindere, nomē nostrū per totū Regnū & extra, passim ac impunè traducere, illudq; in dies maioribus & grauioribus iniurijs onerare ac prope pessundare, non cessatis. Quieuius hætenus inter iniurias, siluimus inter contumelias, inter probra sustinuimus, inter damna dissimulauimus, accusati non accusauimus, traducti non traduximus: & vt cum Apostolo loquar, Spectaculum vobis facti fuimus, operantesq;

manibus nostris, sumus maledicti & benediximus,
persecutionem passi & sustinuimus, blasphemati &
obsecrauius, tanquam purgamenta huius mundi
(apud vos) facti sumus, omnium (Ciuum vestro-
rum) peripsēma vsq; adhuc; adeo vt verē illud Da-
uidicum in vos conueniat: *Exacuerunt vt gladium linguas
suas, intenderunt arcum, rem amaram, vt sagittent in oculis im-*
maculatum: in nos verò illud Hieremiæ, *Facti sumus in*
derisum omni populo, canticum eorum tota die, imò tot annis
continuis. Neq; enim toto hoc tempore, quod sci-
am ego, quispiam è nostra Societate ad vestras re-
spondit calumnias, aut accusationes & criminatio-
nes refutauit, licet id nonnulli ex amicis nostris, rei
indignitate permoti, vltro præstiterint. Quia ve-
rò hæc patientia nostra diuturna, taciturnitas &
modestia, non tantum vos, vt à calumnijs vobis
temperaretis, non repressit; verum etiam magis ir-
ritauit, insolentioresq; ac audentiores contra nos ef-
fecit; ideò exemplo Apostoli qui etiam pro sua in-
iuria fecit; ne aut iustē vt sceleratus pati videretur,
aut fideles adhuc infirmi scandalizarentur; iā vobis
post tot iniurias respondere, vestras criminationes
non ex aliqua animi ægritudine aut odio refellere,
nos ipsos à calumnijs nostro ipsorum nomine pur-
gare, ne planē *bonum nostrum nomen,* quod iuxta Sapien-
tem, *melius est quā diuitie multa,* negligere, quod nimis
crudele esse D. affirmat Augustinus, videamur.
Hæc verò, meis licet imparibus humeris, est imposita
prouincia, eò quòd vobiscum duobus fermē annis
non ita

non ita pridem manserim, & Collegium illud Re-
ctor gubernarim: ac proinde quid inter nos & vos
intercedat negotij, vter nostrum iniuriam faciat
aut patiat, ut rerum gnarus, multa; expertus,
& testis oculatus, ad omnia quæ obiecistis, melius re-
spondere possem. Submissi ergo brachia oneri ha-
ud inuitus, & bonum nomen Societatis nostræ, o-
primæ Parentis meæ, ut filium decet, à calumnijs
vindican- dum defendendumq; suscepi: præsertim
quod sponte currens, non tam nostrorum, quàm quo-
rundam Illustrium virorum nostri amantium, stimu-
lis in id ipsum sum incitatus, & impulsus: qui tam
graues nostras iniurias, tam diuturnas ac malitiosas
impugnationes, ægerrimo ferentes animo, toties
mihi illud Tullianum inculcant: *Quousq; tandem silebi-
tis, & vestrum bonis omnibus acceptum nomen, per omnia Regna
passim violari proscundiq; patiimini? Quam diu hæc improborum
hominum impune sese iactabit & efferet audacia? nihilne vos
communis vestra Societatis fama, quæ in dies magis ac magis lace-
ratur, ad silentij & taciturnitatis importuna, frangenda mo-
uet? at certe nostra moueat, qui vos nobis, liberisq; nostris in Ma-
gistros Ducesq; salutis elegimus. Non potest Magistri Ducisq;
honor bonumq; nomen conuelli, quin fama discipuli ac militis, eos-
dem labefactata motu concidat. Sicut enim, ut optime Salomon:
Gloria Patris, filius sapiens, ita dedecus filij, Pater sine honore.
Agite ergo; vestra enim gloria noster honor est, & uestrum dedecus;
nostra infamia est.* Hæc illi sæpius mihi, quorum ego
iustissimis desiderijs magis, quàm meæ voluntati
parendum putauī. Iam enim omnēs videmus,
Torunenses, vestram nescio quam in nobis calu-
mniandis audaciam in dies augmentum sumere, &

maledicæ voluntati, dentes ad rodendum nostram
famam, maiores ac maiores succrescere, vt iam
planè non tacendum sit. En iam iterum hoc vestrum
Panpseudion (de quo ego literas P. Rectoris Colle-
gij Torunensis, eo ipso die, quo hunc scribebam
Epilogū, accepi) adhuc responso non accepto recu-
ditis, & nostro vulgari idiomate translātum prælo
mandatis; & passim inter rudes æquè ac peritos pro-
miscuè spargitis. In quo etiam libro præter calu-
mnia, quæ in Latino continentur, tanta styli mor-
dacitate, tanta verborum obscuritate, talibus au-
licismis, tam sædis atq; adeo é medio lupanari scor-
tatorunq; sentina petitis, vtimini, vt profligatissi-
mos ac perditissimos illos esse necesse sit, quibus il-
la conueniant, quæ nobis vos Torunenses obijcitis:
de quorum innocentia ac integritate, Serenissimus
Rex, & vniuersum Regnum longè aliud habet iu-
diciū. Nec satis est, quin & vnum ex ijs iam re-
cusis exemplar, ante nostras Scholas, nouo addito
scommate, nescio qua audacia, proiecistis, & cala-
mo hunc pasquillum in auersa facie chartæ calumni-
osè scripsistis. *Lege, perlege, & lauda Iesuita, Torunium vi-
ta, sit tibi mala vita.* Quid hoc Torunenses? quæ ludi-
bria? quæ scommata? quæ conuitia? quid contra nos
machinamini? vitam, nobis vos erepturos pro-
mittitis? vestram prius in tuto collocate, & tunc
primum de nostra cogitabitis. Quid nos vn-
quam tale in vos peccauimus? in cuiusnam
Ciuis vestri domum tales pasquillos & scommata pro-
iecimus

fecimus? Silendumne ergo erat nobis inter tantas
iniurias? Certé pleriq; viri Principes, qui & autho-
res mihi erant vt hanc Apologeticam scriberem
responſionem, nobis vehementer perſuadebant, vt
litem vobis de Turpiloquio intenderemus, & vos
coram Iudice aut Rege ipſo, omnes eas calumnias
Iuridicé probare, quas de nobis in veſtro Panpſeu-
dio ſparſiſtis, cogeremus, quod ſanè vobis præſtare
eſſet difficillimum, imò impoſſibile. Quid enim?
An non, ſi vobis ad Regium Tribunal diem dicere-
mus, comparere deberetis? at quomodo quaſo, non
dico iam illas domeſticas criminationes, nos per
fraudem & contra iura in poſſeſſionem Domus Pa-
rochialis, Scholæ, & Eccleſiæ Torunenſis inuolaſſe
iuuentutem ad nocendum Euangelicis incitare, &
ad omne ſcelus in noſtris Scholis, eam informare,
nos confæderato milite eſſe pernicioſiores, preca-
riò naſtos ſtationem in Polonia, more canum con-
tra Confæderationem blatèrare, Comitia etiam,
more canum angulos obambulantes, perturbare, &
infinita alia? quomodo inquam, non iam hæc dome-
ſtica, ſed illa externa, de Gallis, de Venetis, de An-
glis, de Italis probaretis! quomodo, nos palam
in Concionibus, homines facinoroſos ad Regum cr-
des incitare, in Confessionibus idem ſuadere, atq;
etiam in eodem Sacramento adminiſtrando; impu-
dicé nos gerere, mentiri, docere, ſtabiliretis. Nos
equidem pro ea quam in vos habemus obſeruantia,
& pro noſtra modeſtia tam duram vobiſcum in-
gredi

gredi viam noluimus, sed illam mitiorem. Vobis
Torunenses etiā atq; etiam videndū est, an recte vestre
incolumitati & quieti prospiciatis, cū tantis nos
calumnijs onerare non desistitis, & tam durē tamq;
procaciter homines Religiosos, & Deo dicatos tra-
ctatis. Erit enim tempus quo, si in vestro proposito
contumaciter perrexeritis, vel nos ipsi, vel viri Prin-
cipes huius Regni amici nostri, affines; vel demum
ipse Illustrissimus Episcopus noster pastor, aut ipse
Serenissimus Rex; quorum est innocentes ac sibi
subiectos ab iniuria tueri, hanc causam in se assu-
ment: & vos nolitis velitis coram Iudicio respon-
dere, singula quæ obiecistis legitimē probare, quod
vobis durissimum erit, adigent, & poena calumni-
atoribus debita mulctabunt, & tunc vos palinodi-
am canere & toties suffundi cogemini. Quod si hæc
adhuc non expauescitis, *est vindex innocentium & ultor
malorum Deus. Veniens veniet & non tardabit, citò faciet iudici-
um & iustitiam, & eos qui pupillam oculi sui tangunt, ac se perse-
quuntur, exterminabit.* Qui enim tangit nos, tangit
pupillam oculi Dei, & qui nos persequitur, Deum
persequitur, ipsa teste æterna veritate. Vercor sanē
quam Catastrophen, ne luctuosam aliquam & gra-
uem, hæc tota vestra Tragædia sit habitura. Sed De-
us meliora, neq; enim nos quidquam mali impre-
camur, qui ex mandato Saluatoris nostri, inimicos
etiā strictiūs amare, & pro persequentibus nos,
orare didicimus. Quod superest Torunenses, si re-
bus vestris prospicitis, si Numen Diuinum vobis

M


propitium


propitium habere vultis, si Regem, totumq; Senatumque vos, maiori quodam studio & beneuolentia propensum, si pacem & tranquillitatem desideratis, nolite contra apertam veritatem pugnare, nolite innocentes calumnijs lacerare, & per totum Regnum iniuste traducere. Si quid contra nos habetis vel amice nobiscum expostulate, vel iudicio agite: non sumus homines barbari, & qui nulli Magistratui pareamus: si quid tale in nobis inuentum fuerit, quod Iudices iudicabunt faciemus, cedemus: a calumnijs verò, & traductionibus liberi simus, non enim decet hoc caritatem Christianam. Sed neque nostantopere, hæc maledicta extimescimus, qui grauiora pati exemplo Ducis nostri, cui nos deuouimus, & sumus parati, & desideramus. Sed vobis Torunenses pro caritate qua vos amplectimur metui-
mus, ne aliquando vel Regis, vel saltem vindicis Dei dextram, quam nemo effugit, aut potest effugere, sentiat. *Nobis quidem iniuriam passus reponitur corona, iustitia, quam nobis reddet in illa die iustus Iudex, sed vobis iniuriam facientibus & potentibus potentia tormenta (quod Deus auertat) parantur.* Sed nos omnia nobis meliora de vobis pollicemur. Exterminentur illi qui vos etiam nolentes, & nihil minus quam hoc cogitantes contra nos instigant & vrgent: & quæcunq; ipsi in nos effutiuerint, aut scripserint, totum in vestrum caput redundare faciunt, nomenq; vestrum lacerant. Vobis autem omnibus, nos gratiam ac misericordiam, lumenq; celeste, a Deo Opt. Max. a quo omne do-

ne donum perfectum est, & a D. N. Iesu Christo;
reditumq; ad eius Ecclesiam, atq; omnem felicitatem
precamur, & optamus, utq; eam coles-
quimini, diuinam ipsi Maiestatem,
supplices exoramus & pre-
camur.



BIBLIOTHECA
UNIV.  CELL.
CRACOVENSIS





Biblioteka Jagiellońska



sidr0001595

